



H. Pl. 191.

H. 201.
Tripl. 155.

6.11.10.

C8007

Uf 7608

3.12.



sldr0012015

Uf 4608 P.1-2

HISTORIÆ
LITVANÆ

A coniunctione Magni Ducatus cum Regno
Poloniæ ad VNIONEM eorum
Dominiorum.

LIBRI OCTO

AVCTORE

ALBERTO WIIWK KOIALOWICZ

SOCIETATIS IESV S. THEOLOGIÆ DOCTORE.



ANTVERPIÆ

Apud IACOBVM MEVRSIVM

ANNO M. DC. LXIX.



669188

ILLVSTRISSIMO DOMINO
DOMINO
CASIMIRO IOANNI
SAPIEHA
COMITI IN BYCHOW

Magni Ducatus Lituaniæ, Curia Thesaurario,
Brestensi, Volpensi Capitanco &c.

DOMINO ET PATRONO
COLENDISSIMO.

Posteaquam priorem
Historiæ Lituaniæ par-
tem CASIMIRO LEONI
SAPIEHA M. D. L.
Procancellario, Heroi æternâ me-
moriâ

IL VSTRISIMO DOMINO
moriâ dignissimo, Patruo Tuo, di-
caui: huic alteri in publicum pro-
deunti, non potui quærere Patro-
num, alium à Te Illustrissime Do-
mine; vtpotè sanguinis propinqui-
tate, Nepote; affectûs & lustralis
Fontis iure, Filio; non tantum No-
minis, sed etiam propensionis erga
bonas artes, Hærede. Quæ me ad
Sapiehanæ domûs venerationem
momenta ante inclinârunt: ea-
dem nunc, ne ab eâ declinem, im-
pellunt. Quemadmodum enim sub
initia exardescens per Russiam
seruilis rebellionis, Res Litwana,
præsidij Patruï Tui, vnicè seruata
est: ita hisce annis, Illustrissimo Pa-
renti

renti tuo PAVLO IOANNI SA-
PIEHA, Palatino Vilnensi, Supre-
mo Lituaniæ exercituum Duci, po-
tissimum debet; quòd cum coortis
ab omni parte hostibus validè in
ruinam nutaret; non omnino cor-
ruerit. Palmaris hæc eius gloria,
non à palpantis calami vbertate, sed
è vero nata, pridem vniuersam Eu-
ropam occupauit. Tuam hîc, Illu-
strissime Domine, diuturnam ex-
tra Patriæ limites peregrinationem,
testem appello. Multas vrbes, ac
prouincias accessisti: nullam tamen
reperisti, ad quam Te Parentis Tui
admiratio, non præcesserit: vidisti,
audisti quæ plurima; sed pauca om-
nino,

24
ninò, quæ non fuerint infra Paren-
tis Tui Famam, concordi populo-
rum plausu, non ex vano, neque su-
pra meritum, celebratam. Quanto
latius per orbem, ante decennium
^{a Anno}
^{1655.}, de Republica nostra conclamatum
fuerat: tantò grandior, certiorque
laus seruatae Patriæ, Parenti Tuo
constat. Deploratissimus siquidem
eâ tempestate, Lituaniæ status erat.
Laterâ ab omni simul parte, finiti-
morum armis quassabantur: viscera
dissidijs, factionibusque ciuium, fa-
tiscebant: Rege temporum se iniu-
riæ extra Patriam tantisper subtra-
here coacto; nemo ad gubernacu-
lumerat. E duobus militiæ Litua-

onin

næ

25
næ Ducibus, Supremus, re, quam
perditam putabat, desertâ, sub no-
ua imperia concesserat: campestris,
sub potestatem collegæ redactus,
nihil suo iure agere poterat. Supe-
rerant quidem exigua, militis sa-
niora consilia secuti, reliquæ, quid-
uis pro aris & focis, ausuræ. Sed ne-
que neruum, neque caput, bello
gerendo, habebant. In tanta pu-
blicæ rei calamitate, Parens Tuus
omnium votis, studijs exercitûs,
nobilitatis suffragijs, auctoritate Re-
gia, Palatinus Vilnensis, & supre-
mus Lituaniæ Militiæ Imperator
dictus, se in Ducem belli, Fortunas
omnes in neruum, pro Rege &
Patria

Patria deuouit. Quamobrem sicut longè laudabilius æstimatur, inuenisse; quàm inuentis addidisse: ita quamquam nemo negauerit, non defuisse viros Regi fidos, Patriæque amantes, qui erigendæ Reipublicæ humeros suos admouerint; hanc tamen supremam Gloriam, quòd iuuandæ illius curam, infinitis implicitam periculis, profusis ægrè explicandam sumptibus, *Primus* Sapientiano animo sit aggressus; *Solus* sibi optimo iure vendicat. Per uetustam, nullisq; casibus ruptam, in Maiorum suorum Domo, Fidei in Patriam & Principem constantiam, non est passus, aut hostilibus artibus,

bus, aut ciuium exemplis, labefaci-
etari. Grassanti impunè Moscho,
Primus aperto campo se ad Bre-
stiam obiecit, atque exigua manu
Orusouum, cum octodiecim mil-
libus illi Prouinciæ impendentem,
profligauit. Utinam verò miles,
quàm fidus Patriæ semper fuit,
tam deinceps, à victoriâ modera-
tore animo, Ducisquæ imperijs ob-
sequentiore, ad Wierzchowicze
fuisset! iam tunc, Parentis Tui
ductu exactus, Lituaniâ totâ ho-
stis, pacata omnia reliquisset. Ad
nuncium Regij in Russiam redi-
tûs, *Primus* in occursum Lithuana
signa duxit, atque Succum Lubli-

d. Anna
1656.

no depulit. Primus Varfauiam,
nuper Poloniae Regum sedem, tunc
hostilium optimatum domicilium,
armatis^d cinxit: quo facto & Sue-
ticis capitibus Vitembergio, O-
xeysternio, cæterisque consiliorum
administris, euadendi spem præ-
cidit; & ciuitatis arcisque obsi-
dionem, superuenientibus Regijs
copijs, expeditiorem reddidit. Op-
pugnatio subsecuta, semper eius
consilia, impensas, operam, in pa-
rato habuit. Ea ipsa militaris fa-
mulitij audacia, quâ arrogans, per-
tinaxque hostis, fractus est, atque
ad deditionem compulsus, magnâ
parte, vires animumque, à Paren-
tis

tis Tui exemplis, ac largitione,
sumpsit. In pugna ad Varfauiam,
in qua Suecus cum Brandeburgi-
co, aliquot cohortium impetu, lo-
co motus, fronte aciei & tormen-
tariâ re, desertis, fugam non obscu-
rè respectabat; non amplius ani-
mum & prælium resumpsisset: si
per tibiæ ante paucos dies confra-
ctæ dolores, Parenti Tuo campo in-
uehi, auxilia ordinare, gladio, pro
more suo, victoriam vrgere, licuif-
set. Quàm integer illi in ægro cor-
pore animus constiterit; argumento
posteris erit: quòd breui perfecit;
ne hosti ex depulsis campo Regijs
copijs voluptas diuturna esset. Mi-

râ enim celeritate, ingentique sum-
ptu, attrita reparauit signa: atque,
cum ipse ægritudine excluderetur
à campo, Collegæ ductu, suis auspi-
cijs, hostem ad oppidum Prostki,
^{4. Octob.} insigni clade fudit^f, castris ac im-
pedimentis exiit. Post Philipouien-
^{21. Octob.} sem cladem^s rursus exercitum re-
parauit: atque resumptis aliquan-
tùm viribus, ipse, Tykocinum du-
xit. Obtinebatur locus ille, firmo
Suecorum præsidio, quod terna
propugnacula, vallo, operibusque,
trium instar diuisarum arcium, per-
munita, atque tormentis instructa,
infederat: vnde vicinas Prouincias,
Mazouiam ac Podlachiam, grauif-
simis

simis excursionibus, infestabat. Ob-
sidio eius nuper ab alijs, irritò, ne
dicam, damno conatu, tentata,
pertinaciam hosti auxerat. Verùm
à Parente Tuo, simul vndique ad-
mota vi, intra pauculas horas^b suc-
cubuit eius fortitudini: cuius cle-
^{h Anno 1657. Febr. 1.} mentiam pridie reiecerat. Inde per
Tribunos suos, Prussiam Sueticas
partes secutam, latissimè euastauit:
quo consilio, vires hostium in se
auertendo, Regi iter Dantisco in
Poloniam apparanti, securitatem
muniuit. Nouo, à Transyluania ex-
orto bello, legiones, quòd nulla illis
è publico stipendia numerarentur,
militiam detrectantes, in obsequio
2010 ē 3 copia de

de suo continuit: atque modicâ re-
creatas quiete, in hostem mouit.
Naruiâ & Bugo superatis, Iano-
uiam, Mielnicum, cæterasque Pod-
lachia arces recepit: præsidij Bre-
stia impositi excursions stetit: Lu-
blinensem oram hostibus eiectis
vindicaui. Rakotzio Vistulam ad
Zavvichostum transgresso, atque
extremam vastitatem, viciniae om-
ni, ferociter minanti, castra sua op-
posuit: equitatûs populabundi per
obuia grassationes castigauit, repres-
sitque: auxilia Zaporouiorum, hu-
manitate ac liberalitate suâ, Litua-
no nomini deuincta, à Transylua-
no auertit: vniuersum totius exer-
citûs

citûs hostilis robur, solido triduo,
feliciter sustinuit: denique instru-
ctâ pro castris modicâ suorum ma-
nu, hosti victoriæ confessionem ex-
torisit. Quid enim aliud erat Rakot-
zium summam rei aperto prælio
credere non audere? exercitum nu-
merosum, absque certamine, ex a-
cie priorem deducere? quàm, vi-
ctum se fateri. Abeuntem verò, aut
potius fugientem, constanter inse-
cutus, à lateribus excursôres cæden-
do, cohortes tardiùs procedentes
intercipiendo, impedimenta diri-
piendo, tantâ Transylvanos affli-
xit clade: quantam illi, cùm se pu-
gnæ subtraherent, timuerunt. Parte
copiarum

klul. 11.
et 22.

11658.
in Oct.

copiarum equestrium, duce fortis-
simo Tribuno Alexandro Polubin-
ski, trans Vistulam misso, pluri-
mum contulit, ut semel iterumque
Transylvanis à Polono milite cæsis,
intra paucos dies integrè debellare-
tur. Digressus è castris cum suo
domestico comitatu, equestrem
Hastatorum centuriam Brestia ad
Transylvaniæ Principem tenden-
tem, quàm animosè inuasit, tam
fortunatè deleuit. Versis deinde in
Moschos armis, sub conspectu ho-
stium, haud procul Vilna, castra fi-
xit. Legatorum Regionum securi-
tatem, atque in ijs Regis ac Reipu-
blicæ Maiestatem, sub lubrica per-
nisiq; iuræ

iuræ gentis fide in ancipiti positam,
servavit: destinatas à Georgio Do-
lhoruki in profundiorē Litua-
niam excursiones stitit: auxilijs è
Moschouia venientibus, viam ad
Miedniki præcluserit: ipsum Ducem,
cum exercitu, Moschouiam fugien-
tis specie repetere, coëgit: Min-
cum admotâ per Legatum suum vi,
hosti eripuit. Curoniam dolo vicini
Sueci interceptam, per suas copias
iniusto possessori ^m ademit, Reipu- ^{m 1659.}
blicæ asseruit. Andream Chovvan-
ski Moscum, ingenio ferocem, suc-
cessuum nuperorum memoriâ au-
dacem, quatuor supra viginti arma-
torum millibus præfidentem, col-
latis,

n 1660.
Iun. 28.

latis ad Polonkam signis, " profligavit : atque eodem cursu triumphali, castris hostilibus à pugna loco per aliquot leucas disitis, Victor inuectus, Arcem sui iuris Lachovvicze, nullius hostis possessione violatam, trimestri oppugnatione fatigatam, suis & Reipublicæ vindicavit. Promoto deinde trans Borysthenem exercitu, alterum hostilium copiarum Ducem Georgium Dolhoruki, (qui magis metu quàm vallo exercitum suum ad fluuium Basia clauferat) infestis incursionibus in apertum elicuit, ausumque aciem ad prælium instruere, toto equitatu mulctavit. Verbo rem complector.

o. 1660.
8.

complector. Quidquid redux in Patriam, aut seruatum aut restitutum per Lituaniam reperisti : totum id integrè, Parenti Tuo ante alios, debemus vniuersi ; debebitque posteritas, illum verè Patrem Patriæ æternum prædicatura. Hæc, aliaque, Parentis Tui amplissima erga Rempublicam merita ; Aui item Tui IOANNIS SAPIEHA, triginta victorijs, Triumphatoris Moschouiæ titulos prætergressi, gesta, explicatiùs tertia Historiæ pars datura est : interea tamen accedenti Tibi ad Rempublicam, præclaris Maiorum Tuorum consilijs, atque factis firmatam & auctam ; Sapiehanæ Do-

mûs gloriam, in Parentis Tui pro
Deo & Republica intra decennium
actis, sub compendio strictim re-
uocare libuit; vt ad magna aspi-
ranti, Maiorum vestigia præ oculis
essent. Sequere igitur Duce Paren-
te Maiores Tuos: perge ad summa
Sapiehanis passibus: imple spes om-
nium, atque inprimis Nomen SA-
PIEHÆ, quod semper in Hostes
fulmen, pro Patria scutum, au-
dijt, fuitque. Hoc ego, priuatus
quidem, voueo, sed ex publico bo-
norum sensu, ac præsertim paren-
tis meæ, minimæ Societatis IESV:
quæ prius quàm potuisset suis offi-
cijs, debitam Tui Nominis venera-
tionem,

tionem, testari; iam te Sapiehano
præiudicio Patronum suum expe-
ritur: atque vt eo deinceps fruatur
glorieturque, se atque sua pro Tua
incolumitate, atque felicitate, me-
cum deuouet.

ILLVSTRISSIMÆ CELSITVDINIS TVÆ

Cliens indignus

ALBERTVS WIIWK
KOIALOVVICZ.
Societatis IESV.

FACULTAS

R. P. PROVINCIALIS.

Ego infra scriptus Societatis Iesv, per Prouinciam Lituanæ, Præpositus Prouincialis, potestate mihi ad id factâ ab Admodum Reuerendo Patre Nostro Ioanne Paulo Oliua Vicario Generali, facultatem concedo, vt, HISTORIÆ LITVANÆ pars altera, à P. Alberto Koialowicz scripta, & ab aliquot eiusdem Societatis Theologis, reuisa ac approbata, typis mandetur. In quorum fidem, has literas manu mea, & consueto Officij sigillo munitas, dedi. Grodnæ 9. Septemb. Anno Domini 1663.

IOANNES RYWOCKI.

APPRO-

APPROBATIO CENSORIS.

R P. Alberti Wiiuk Koialowicz S. Iesu Presbyteri S. Theol. Doctoris Historiæ Lituanæ pars altera à RR. PP. Societatis Iesu ad hoc deputatis examinata, poterit typis excudi & publicari, vtpote nihil continens quod fidei Catholicæ Romanæ aduersetur. Datum Antuerpiæ 26. Iun. 1668.

AVBERTVS VANDEN EEDE
I. V. L. Protonot. Apostolicus Canonicus & Archidiac. Antwerp. Libr. Censor.

SVMMA

SVMMA PRIVILEGII REGII.

CAROLVS Dei Gratiâ Hispaniarum Indiarumque
&c. Rex Catholicus, Archidux Austriæ, Dux
Burgundiæ, Brabantia &c. Serenissimus Belgarum
Princeps, diplomate suo sanxit, ne quis librum, cui
titulus est, HISTORIÆ LITVANÆ pars altera
Auctore R. P. Alberto Wuiuk Koialowicz Societatis
IESV, citra Iacobi Meursij Typographi Antuerpien-
sis voluntatem vlllo modo in Belgio, intra nouem an-
nos proximos, imprimat, aut alibi terrarum impres-
sum in has inferioris Germaniæ ditiones importet,
venalemque habeat. Qui secus faxit confiscatione li-
brorum, & pro singulis exemplaribus peregrinis huc
illatis, triginta florenorum pensione multabitur:
vti latius patet in litteris datis Bruxellæ, die xx Apri-
lis, Anno M. DC. LXIX.

Signat.

LOYENS.

HISTO-

HISTORIÆ LITVANÆ PARS ALTERA

DE REBUS LITVANORVM

Post coniunctionem Lituaniæ cum Poloniâ,
ante vnionem earundem gentium.

LIBER I.

DE REBUS LITVANORVM

Sub Principe Casimiro I. Skirgelone.

*An. Dom.
1387.*



Utatâ nuper Reipublicæ formâ, cum
Poloniæ sese adiunxere Litvani; tran-
quillitas Lituaniæ, Principis sui in Re-
gem Poloniæ fide, maximè consiste-
bat: atque eo fortè imprimis respectu
CASIMIRVM Skirgelonem sibi suffe-
ctum, Magnum Lituaniæ Ducem, Rex IAGELO, re-
nunciârat. Quamquàm enim inconstantiore animo, re-
pentinisque in ferociam affectibus, CASIMIRVS esset:
A à na-

*Casimirus
Skirgelo
M. Dux
Lituanie
creat us.*

An. 1387 à natura tamen proclivis in ea vitia, quæ otio aluntur, illi genius, non vanam spem faciebat; prœnuntius fore, ut recentem illam supremi Magistratûs potestatem, magis in luxus materiam, quàm in occasiones novandarum rerum insumat. At, quæ humanorum consiliorum ratio est propè perpetua, ut quæ tanquam optima eliguntur ab ignavis futurorum, plerumque malorum fontes contineant: tandem ea spes, ingentibus dispendijs Lituanix constitit. Nam licet Casimirus Romanis sacris, simul cum Rege fratre, Cracovix initiatus fuisset; nihilominus instituto Russorum, inter quas adoleverat, Græcis ritibus addictior, Catholicæ religionis apud subditos populos promovendæ negligens, curam eam aut omnino dimiserat, aut ad postremas relegarat. Neque intentior in eam Reip. partem, quæ civilia negotia complectitur: dies solidos per commestationes ducere solitus, cum ex crapulâ rarò sibi sufficeret, publico propè nunquam par erat. Conuiuiorum exitus, plerumque cædibus funestabat: nam aut longè ante conceptas suspiciones feralibus inter calices sententijs in capita, vindicabat; aut si quæ fortuitò ad mensam offensæ occasio dabatur, ipse per se repentino ictu aliquem conficiebat: quo mortis genere, multi familiarium Principum lenissimas causas luerunt.

*Vitoldus
rebellas
Casimiro.*

Ab his vitijs, meritò plurimis inuisus proceribus, Vitoldo ultra commune odium, prætensionem novorum motuum dedit. Agebat is Luceorix, vir animo ingenti, neque minore ambitione: atque hinc non tam ad vitia

An. 1387 vitia Casimiri, quàm ad dignitatem eius moderatè ferendam, plane imbellis: pensabat tacitus, sua in Iagelonem, & Lituaniam merita: quæ ut magna certè erant, ita maiora apparebant oculis affectu vitiat. Possidebat quidem Iagelonis beneficio amplissimas Prouincias, Samogitiam, Podlachiam, Polesiam, partemque præcipuam Volynix: sed hæc infra merita æstimabantur, quia infra votum erant, supremam Lituanix Præfecturam, titulosque Magni Lituanix Ducis, ambienti. Dolere itaque se ea spe delusum, quâ ante aliquot annos ostentatâ, ad amicitiam Prussorum eiurandam, illectus fuerat. Ab eo dolore, simul irâ in Iagelonem, & inuidiâ in Casimirum plenus, bellum moliri cœpit, occupandi-que Principatus consilia. Augebat animos, quòd & palam multos factioni accessuros, & priuatim facinus suum nemini procerum non probandum speraret. Quæ enim omnis rebellio meritò damnanda habet, ea populus odio aut metu Principis obcecatus, aut difficulter perspicit, aut facilè dissimulat.

Initium motui sumptum ab inuasionem Vilnæ: quæ Vilnam
vrbs, & genti vniuersæ caput, & Magno Duci sedes. conatus
Gerendæ rei opportunitatem aperuerat Casimiri ab- occupare
sentia. Polociæ enim, qui locus leucis quinquaginta reuertitur.
Vilnâ distat, Casimirus versabatur. Vitoldus ratus per Principis abitum negligentius res Vilnæ administrari, cum modicis copijs, raptim lectis, Vilnam aduolat. Ingressu arcium à præsidiariis prohibitus, vim semel, iterumque adhibet: sed vtrâque vice à ciuibus & Polonis, quibus

An. 1387 quibus præsidium constabat, reiectus est. Vbi astus frustra fuit, proditis iam consilijs, ad apertum bellum comparandum necessitate ipsâ deuenit: certus, & Casimirum arma contra se correpturum, & Iagelonem Regem auxilia è Poloniâ maturaturum. Podlachiâ, ac Polesiâ, quàm maximè poterat, munitis, valida ex Germano milite præsidia, per Grodnam, Surazum, Brestiam, Cameneciam, aliasque arces partitus, ipse cum coniuge, familiâ, pretiosiore supellectili, suæque factionis capitibus, in Mazouiam, ad Ianusium, & Semouitum Duces, affines suos abiit. Ab utroque ita acceptus est, ut ingratum hospitem se esse non difficilè sentiret: sic enim illi sua in profugum officia temperabant; ut metus, incuriosè celatus, latere non posset, quo & ab inquieto Vitoldi ingenio, & ab offensâ regia sibi prouidebant, intenti, ne ancipiti surgentis belli causæ, res suas aliquo modo immitterent. Insanum enim profectò est, bella suis auxilijs inter eos populos alere, è quorum pace plùs commodi speres. Desperatis ab ea parte auxilijs, in aliam circumegit consilia Vitoldus: secundiorum votis suis portum quæsiturus, ad Prussos transiit. Ibi uti sperauerat, apud Conradum Zelnerum Ordinis Magistrum, consilijs suis stabiliendis, omnia expedita reperit. Quamquam enim Urbanus IV. Pontifex summus, literis ante annum datis, tum Regem, tum Equites Crucigeros ad colendam mutuò pacem, grauiter fuerit cohortatus: Zelnerus tamen belli occasionem non illibenter arripuit. In speciem commiseratione exulis,

In Mazouiam fugit:

ex Mazouia in Prussiam.

exulis, quidquid bello opus esset, abundè offerebatur: An. 1387 ceterum, quod res erat, cupiditate ac spe ditionis per Lituaniam proferendæ, miles sumptusque belli, satis promptè à Conrado addicebantur. In plano erat non dari, sed vendi auxilia, lucro omni tandem ad Crucigeros redituro. Primum eorum officium iacturâ Samogitiæ constitit: nam Vitoldo ab initio belli pecunijs egenti, non priùs trecenta millia *Koparum* (genus Lituanæ monetæ est, quod nunc sextam imperialis nummi partem quinquies continet) annumerata sunt, quàm vniuersæ Samogitiæ possessionem, pignoris nomine Crucigeris consignasset.

Fœdere completo, ad infestandos finitimos Lituanæ agros, bifariam prædabundæ immittantur legiones, per Memenum è Prussia, è Liuania per Dunam, fluuios. Graue bellum ab externis viribus, non tamen omnino formidabile; quòd sæpiùs ante Crucigerorum conatus Lituanis armis repressos esse, populus meminisset. Longè magis domestica dissidia periculum exagebant: multi enim Equites, Procuresque apertè Vitoldo fauebant, neque ex vano metuebatur, fore ut in dies, longè plures proderent Casimiri partes. Rex Iagelo acceptis nuncijs, quo statu res Lituanæ essent, multùm à Vitoldi artibus timebat; neque minùs à Casimiri ignauia. Celerrimis itaque itineribus, expertum bello virum, Nicolaum Moskorouium Regni Procellarium, rebus necessarijs, atque aliquot Polonis cohortibus instructum, in Lituaniam mittit. Casimirus quoque

Bellum cū Prussis Lituanie insert.

An. 1387 quoque non dubius molem belli. eò vertendam, vbi summa & præmium victoriæ esset, lectis properè præsidij Vilnam firmavit: Moskorouio, præsidij, vrbis, arciumque præfecturam, atque adeò vniuersam belli administrationem tradidit. Vitoldus ingenti per agros vastitate editâ circumferens latè bellum, priusquam Vilnam perueniret, quarto inde milliari ad Trocos confedit: non tam oppugnandi eius loci necessitate, quàm vt contractis isthic è populatione copijs, totâ simul vi, ad caput belli progrediretur. Conatus est tamen intereà, extemporaneâ operâ, arcibus oppidoque Trocensi potiri: sed duplici assultu inter damna suorum amisso, rem infectam deseruit: veritus, ne quantùm illâ morâ suorum vires animique attererentur, tantùm spatij permuniendæ accuratiùs Vilnæ relinqueretur. Subita siquidem vis, & integris animis illata oppugnatio, meliores successus habere solet. Vilnam motis castris, per imminentes vrbi à meridie montes ducto exercitu, à tergo arcium, ab Oriente inter montem & fluvium Viliam (quem locum vulgari linguâ *Antakalnic*, id est, ante-montanum dicimus) fixit tentoria. Trocis venienti prima ciuitatis mænia in conspectum occurrebant, sed eius oppugnationem prudens neglexit, siue alio quopiam consilio, siue quod iudicaret eius expugnationem, & aliquantò operosiorē, & parum vtilem. Nam quod copiosus satis miles in ciuitate haberetur, facilè pars hostem à mænibus arcere, pars per loca eruptionibus commoda, latera oppugnantium infestare potuisset:

*Trocos pri-
mum irri-
to conatu.*

*Deinde
Vilnam
oppugnat.*

potuisset: expugnatâ verò ciuitate, tantumdem negotij superfuisset, in oppugnandis arcibus, in quibus solis quidquid bello illo petebatur, conclusum habebatur. Superiorem arcem satis editi, ac prærupti montis iugo incumbentem, Polonorum præsidium obtinebat: inferiorem, quæ ad radicem montis sita, Vilna fluuius cingitur, Lituanus miles tuebatur. His arcibus sæpiùs tentatis, cum præsidiariorum virtus, omnem eius conatum vinceret, obsidionem soluere, exercitumque in Prusiam reducere coactus est. Redibat quantùm spolijs locuples, tantùm spe suâ minor, animoque egens: quod non prædæ, sed dominationi obtinendæ, eâ expeditionem suscepisset. Crescente in horas animi ægritudine, inter varias, quæ mentem subibant, cogitationes fluctuare: ex inauspicatis primis successibus longè aliter, quàm ante, de vniuerso bello, ominari: æstimare secum constantiam Procerum pro Casimiro, & Rege: inspicere penitiùs, quàm agrè, quàm lubricâ fide à Crucigeris auxilia suppeditarentur, trahendo tantùm bello sufficientia, non autem necessaria eius dignitati asserendæ; propriam nimirum rem magis, quàm eius agentibus: suspicari, quod possit adhuc Iagelo permoueri, vt abrogatâ Casimiro præfecturâ, fasces Lituaniæ ad Vitoldum transferat.

An. 1387

*Varijs cō-
silijs agi-
tatus.*

Quare, siue pertentaturus tantum sententiam Iagelonis, siue aliunde edoctus, quid ab eo sperare posset, per occultos fidosque nuncios in eam sententiam Regi scribit. Funesti belli, quod Lituaniā, miserè nunc exerceret

*Regi Ia-
geloni re-
cōsiliatus.*

An. 1387 exerceret, se militem esse: Ducem verò, & facem; ipsum Casimirum Skirgelonem: cuius vitij, omnes quidem ad indignationem, se verò uti cæteris Lituani nominis amantiorem, etiam ad arma actum, iam eò usque prouectum esse. Porro ne ulterius pergeret, adhuc in Iagelonis potestate relinqui. Lituaniam perditam, neque umquam se voluisse, neque nunc cupere: illud solum hæcenus Crucigerorum auxilijs tentasse, ut Casimiro exacto, Lituaniam non sibi, sed Lituaniæ ipsi assereret, quam sub ignauo Principe, pessum ire nemo non videret. At verò postquam comperisset Crucigerorum consilia in perniciem Lituaniæ intendi; paratum se esse ad arma odio Casimiri sumpta, amore Iagelonis & patriæ ponenda: modò Iagelo ipse, Fratrem se potius habere mallet, quam Hostem. Non actorum poenitentia, sed agendorum desperatione Vitoldus ista agebat: quare, cum idem omnino, quamquam alijs artibus, quærere constitutum esset, pax neque longa, neque fida sperari poterat. Nam veluti magnetis attractu vitiata acus, extra debitam stationem nequit conquiescere: ita animus ambitionis malo semel agitatus, nescit, ante destinatum vestigium quietè consistere; neque prius consilia in omnem partem versare desinit, quam votum occupet. Plana nimis isthæc omnia erant Iageloni: quia tamen metuebat, ne Lituania ac Russia, molesti belli pertæsa, sub potestatem Vitoldi concederet; qui non armis modò palàm, sed tacitis quoque machinationibus res suas clam promouebat: belli impetum, quibus

uis conditionibus, maturè sistere maluit. Breuiter itaque per literas hortatus Vitoldum, ne inconsultos affectus incitatus protequendo, per patriæ damna, hostium cupiditatem saginaret; iniectâ etiam spe Principatus; respondit: Pacem non Lituaniæ modò necessariam, sed & ipsi Vitoldo honorificam, optatissimam sibi esse.

Ambientibus, nihil facilius, quam spes; nihil promptius, quam fides: cum ea promittuntur, quæ cupiuntur. Vitoldus complexus animo veluti certissima, quæ à Rege acceperat scripta, inchoatis consilijs insistit, qua se suosque ex Prussia euoluere posset, intentiore curâ vestigat: nam siue proprius impetus, siue Crucigerorum artes, ita eum implicuerant, ut huc atque illic versanti animum, vix aliquid succurreret, quod in rem opportunè conficiendam, usui fore videretur. Tantum momenti est, ad ipsa fæderum initia præuidere mente, quomodo amicitias cum hostibus inchoes: ne fortè eò usque deferaris; unde cum hostem iterum expertus fueris, quâ pedem efferas, non reperias. Tandem ut erat prompto versatiliq; ingenio, istud consilij commentus est. Coniugem cum imbelli familiâ, suppellectili quæ oculis patebat, immotâ, velut ad recognoscendam per attributa à Crucigeris prædia rem familiarem, propediem redituram dimittit. Ipse paucis post diebus Magistrum Ordinis clam adit, secreti specie auctoritatem figmento facit: confirmat se insignem Lituaniæ cladem animo concepisse, cuius momenta

A. 1387.

A. 1388.

Fugam ex
Prussia

adornat.

A. 1388. celeritate ac silentio constarent: eam ob causam, sibi ac militibus ad leue ac volatile expeditionum genus assuetis, quales soli sui essent, negotium totum demandari poscit. Facilem habuit ad ea magistrum, suapte cupidum, ut per nouas Lituaniæ iniurias, exulceratis amplius offensis, quò difficilior redderetur cum Rege Iagelone concordia, firmior cum Crucigeris seruarietur amicitia. Arma ergo suos, annonam in plures dies, & quidquid subitæ excursioni opus, expedire iubet: ipse singula ita moderari, ne vel impedimentis sui onerarentur, vel Crucigeris suspicio fugæ præberetur. Digressus Mariæburgo diuersâ viâ ab eâ, quæ ad prædium ducebat, mox iter flexit: coniugem ex destinato ad omnia intentam, cum gaza, è prædio abripit; atque cursu prope in propinqua Samogitiæ euadit: inde verso in Podlachiam, quam suis præsidij obtinebat, itinere, per confinia Prussiæ, Iurborgi, Neihausij, Mergenburgi, amici specie acceptus, gregarium Germanorum militem trucidauit, arces spoliatas exussit, Præfectos abduxit. Grodnam, suæ ditionis oppidum delatus, celerrimis nuncijs Iageloni scribit. Regis patriæque causâ, non amicitias modò Crucigerorum se recidisse, sed etiam veteres inimicitias nouis cladibus restaurasse. Quàm vera scriberet, integrâque fide ageret, Crucigeros ipsos argumento fore, quos in finitimis Præfecturis ab se captos Regi mitteret. Quare, quoniam quæ Rex postulare potuisset, ea ipse iam longè exaggeratiùs præstitisset, orare: ut quæ sibi promissa fuerant,

*Magnum
Lituanie
Ducatum
ambit.*

rant, ex fide præstarentur. Amoueretur Lituaniæ Præfecturâ homo superbiâ suâ nemini ferendus, quantum in hostes ignauus, tantum in suos cruentus. Ut verò eo eiecto, sui ante alios Rex rationem habere velit se tacente, satis fore, si fidei datæ meminisset. Esse quidem illi germanos: sed hos solo sanguinis iure; se veteris erga Regem amicitia, meritorum in patriam ipsiusque regij promissi, præiudicio, ad eius in primis beneficentiam, tum ad Magni Lituaniæ Ducis titulos audere niti.

Gaudebat Rex solutâ inter Crucigeros & Vitoldum, armorum societate: at ne pura ea voluptas esset vacua-
que curis, postulata Vitoldi corrumpebant, immodicæ sollicitudinis materiâ. Nam neque Casimirus repente Principatu moueri, neque alij fratres Regij posthaberi, neque Vitoldus apertè repelli, absque nouorum motuum metu poterat. Illa tandem regi cura probata, susceptaque est: ita literis ac promissionibus Vitoldi spes sustentare atque tractare, ne qua repulsiæ opinio porrigeretur: quin imò persuaderetur, Regem haud imprudenter veritum, ne violentis consilijs nouas seditiones concitaret, in occasionem, exequendo commodam intentu, nihil nunc abauere, sed & postulata eius & promissa sua, aliquantum differre. Siue ita animo Rex constitutus reuerâ fuerat, siue etiam ad confirmandum in amicitia Vitoldum, dissimulanter magis, quàm verè ista dicebantur: Vitoldus certè spes suas, vota que non diu quæta tenuit.

*Rege ad
petita eius
tergimen-
sante,*

*rusus Re-
gi offendi-
tur.*

A. 1388. Moræ impatiens, neque minùs procrastinatione offensus, quàm si apertè repulsus fuisset, ad ingenium facilè redijt. Principatum Lituanæ imprimis altu, tum si is irritus abiisset, vi inuadere constituit. Non remedia, sed incrementa, à tempore veniunt ambitioni : quemadmodum amnes, si obiectum aggerem collectis exaquant aquis, perrumpunt ; ita ambitio, morâ repressâ, crescit, & nisi ab aduerso obiectâ potentiâ spes omnis superetur, tamdiu audet, donec perfringat. Vilnam ante omnia dolo quopiam intercipere destinabat Vitoldus : commodumque per id tempus acciderat, vt de nuptijs inter Henricum Mazoniæ Ducem, & Ringailam Vitoldi Sororem agi, fama spargeret. Occasione enim inde sumptâ, vulgat connubiali pompæ delectam esse Vilnam : vbi rumor variè sparsus, ita inualuit, vt fabula satis superque fidei apud plerosque haberet ; delectam è nobilibus in facinus expeditis manum præmittit, quæ sparsim intra ciuitatis mœnia recepta, signum ad vim expectaret. Destinato inuasioni die, trecenti currus, rebus apparando conuiuio necessariis onerati submittuntur, quibus quadringenti viri occulebantur, præter curruum rectores, agrestes quidem illos, at in pugnam comparatos. Omnia ad fraudem scitè instructa, nullum suspicioni locum relinquebant. Solum Vitoldi nomen satis per se suspectum, tergiuersandi aliquam occasionem, simulque deregendæ fabulæ initium dedit. Cùm enim à Præfecto curruum, de admittendis in arcem curribus, deponendisque oneribus, animosius

Vilnam occupare nititur astu.

Vitoldi

Vitoldi nomine agitur ; portarum custodes, obstinatiùs moras nectunt : interea præmissi nuper Nobiles, vel insolitâ circa portas concursatione, vel nimia solitudine (plerumque enim ex curæ, quibus doli anxie teguntur, inde se maximè produnt ; vnde nimium cauent) seu alio quopiam indicio, præfidiarijs, præsertim Polonis, suspicionem astus mouerunt. Cœperunt itaque curiosius excuti currus : armati deprehenduntur, atque caduntur : soli equites, qui extra arcem agebant, sub ipsâ initia detectæ fraudis, maturè sunt elapsi. Vitoldus hoc conatu infelicitè abeunte, tanquam non elusum dumtaxat telum esset, sed etiam in auctorem remissum, quantum dolere, tantum furere : rursus arma, cædes, animo præcipere. Quod verò his affectibus priuatae opes non sufficerent, veritus ne repentino bello inde à Iagelone, hinc à Casimiro interclusus opprimeretur, ad fœdera Crucigerorum, iteratò maturauit : vnicum eâ tempestate perfugium omnibus, qui contra legitimos Lituanæ Principes aliquid tentaturi, viribus egerent. Infidus vicinus, fomes erat rebellionum. Vix fidem apud lectorem res reperiet, post tot delusiones, aut Prussos Vitoldo amicitiam postulanti credere potuisse, aut Vitoldum sperasse eos credituros : at vtilitatis spes maximam quiduis persuadendi vim habet. Certè Conradus Valerodus Ordinis Magister, Zelnero vitâ functo, successor datus, auidè hanc subigendæ Lituanæ occasionem arripuit : quare militem, omnemque operam Vitoldo liberaliter obtulit. Quibus conditionibus nouum illud

A. 1388. *Irridit enim.* *Quare rursus ad Crucigeros transit.*

A. 1388. foedus coaluerit, proditum non reperio. Vitoldus quàm primùm à Magistro responsum accepit; cum omni familia, præcipuis Procerum vtriusque suæ fortunæ socijs, ac præsertim Ioanne Algimundo Duce Holsano in Prussiam se contulit: vbi integros, deinde duos annos exegit.

1389.
Corybuto
Seueria
attribui-
tur.

Nihil tamen interea hostile à Crucigeris in Lituaniam motum esse, argumento sunt, monumenta foederis inter Lituanos, & Robinum de Eloz, Magistrum Equitum Liouoniensium iacti. Sub idem tempus Demetrio Corybuto dominium in Seueriensem Principatum, confirmatum est, à Iagelone Rege. Verùm prius, viri Seueriæ Principes, Demetrii legati, Dauides Russanus, Basilius Toroszcraius, & Gregorius Niesvicki, suam Principisq; sui fidem, Iageloni iureiurando obstrinxerunt: sanctè polliciti, Demetriam semper in obsequio regis mansurum; quod si is aliquo euentu à regno Poloniæ, aut Rege deficeret, Seueriam illi auxilia non ministraturam. Pari iure Simeoni Linguenio Misicflauiensi Duci, Iagelonis Germano, ditio magnæ Novogardiæ concessa est; quo nomine Simeon Regi ac Regno fidelitatem iuravit. Vitoldus verò, ut eò magis hostilem animum dissimularet, quò intentiùs bellum cogitabat, noua cum Casimiro amicitia inita, promissisque contra quosvis hostes (dempto solo Iagelone) auxilijs, fallaci illâ securitate, ignavi Principis periculum auxit.

1390.
Vitoldiani
inestant
Lituaniam.

Ad ipsum enim initium proximi anni, dum maiore mole

mole bellum in astatem paratur, milite per Prussiam ac Germaniam conscripto, subitis agrorum vastationibus, ab ijs maximè cohortibus, quas Podlachiæ præsidio Vitoldus reliquerat, præludi cœpit. Neque Lituaniæ solùm, sed & Poloniæ ditionis agri infesti habebantur. Indixerat Iagelo quoque delectum per Lituaniam: sed is lentius procedebat. Quare nobilitatem prius Poloniam Iagelo in Podlachiam contra Vitoldianos duxit. Nam & ad arcendas à Minore Polonia prædas, & copias in Lituaniam moturo, necessarium erat vniuersâ prius Podlachiâ, ac Polesiâ Vitoldianos eijcere: quòd ea media inter Poloni Lituaniq; iuris Prouincias, si ab hoste obtineretur, haud leuia incommoda militi, hinc inde commeanti, allatura procul dubio esset. Neque minùs momenti ad accelerandam expeditionem addidit metus, ne quantùm Rex quiesceret, tantùm Vitoldi factio per Lituaniam & Russiam virium sumeret: cum nutantes Procerum animi in eas partes procumberent, in quam ostensis armis impellerentur. Brestianæ imprimis regius exercitus admotus est: arx ac ciuitas intra decem dies Regi cesserunt: Rex, præfecturâ Brestianâ Hincæ Rogovvski commissâ, cum bellum victoriamq; vlteriùs promouere contendit, militari seditione retardatus est. Suscepta quippe erat expeditio infestâ adhuc anni parte, cum Februarius decurreret, mensis ante alios, per vicina Septentrionibus loca, hyeme peracutâ saeuire solitus. Impatiens eius mali Polonorum exercitus, molestam, atq; vix ferendam liberis hominibus

A. 1390.
Rex Iagelo cum Polonis intrat Podlachiam.

Brestiam expugnat.

A. 1390. minibus militiam detrectabat & missionem flagitans eò contumaciùs, quòd non stipendijs auctoratus esset, sed ex vetere harum gentium instituto, publico equestri ordinis tumultu, lectus. Dimissis hisce copijs, Rex viribus longè minor; animo tamen integer, solo aulico comitatu, & voluntariam militiam professis, Camenecum aggressus est. Nongentos non excedebant omnes sub signis: virtute nihilominus Ductoris, ac militis, in vices numeri subeunte, parum negotij fuit in eijciendis inde Vitoldianis. Cameneci Zindramo Maskovvski Regni Ensisfero, ad locum præsidio obtinendum, relicto, signa reliqua Grodnam mota. Habebat Grodnam, præter ciuitatem, arces duas, operibus ac milite Germanico contra vim validè instructas: quare tamdiu ab oppugnatione cessari debuit, donec Lituanarum legionum accessione, quas haud procul abesse nunciabatur, exercitus augetetur: interea tamen paucis licet cohortibus per Nemenum transportatis, clausa sunt itinera, ne inferendæ annonæ commoditas in arcem pateret. Paucis post diebus regij Fratres Casimirus Skirgelo vniuersæ Lituanix ac Russiæ, Volodimirus Kiouix, Corybutus Seueriæ, Duces, cum validis copijs in castra peruenerunt. Rex ergo eas copias trifariam partitus, arctatâ vndique obsidione, infestius è propinquo obsessos urgere coepit. Vitoldus etiam neque sibi, neque suis deerat: vbi audiit Regem cum exercitu in Podlachia esse, captisq; Brestia & Cameneco Grodnæ instare, lecto quàm primùm per Prussiam milite, Grodnam re-

*Cameneci
capit.*

*Grodnam
obsidet.*

etâ

etâ duxit: castris in aduersa ripa Nemeni, sub arcis re-
giorumque conspectu, positis, incertum quo consilio
ad excitandum editum tumultum, muniendumque in
eo propugnaculum, primas operas conuertit. At regij
obstinatiùs oppugnationem urgebant, quòd ob pro-
pinqua hostium auxilia, prouius esset cuique vereri, ne
importatis in arcem validioribus præsijs, annonâ, ac
vario misilium genere, obsidio pænè perfectâ, aut in
irritum omnino abiret, aut obsidentibus; quàm obses-
sis, grauior redderetur. Inualefcebat enim in dies per
regia castra fames, militi iumentisque exitiosa: ex va-
statis circumquaque agris nihil annonæ pabuli que ha-
beri poterat: plerique agresti pane, ex integris spicis
contulis confici solito, vitam ægrè sustentabant: equis
verò aut folia arborum sub niuib; collecta, aut stramen
casus rusticis detractum, idque quatuordecim inde
leucis quæsitum, pabuli loco erat. Cum hoste simul,
& tot malis, miles conflagabat: quare vt quàm
primùm debellaretur, ipse metus trahendi belli, vel in-
uitos animabat: & iam inferioris arcis vallum regij non
incruento successu obtinuerant, Vitoldo suorum cladem
ab altera ripa inspectante; rapido enim præaltoque
fluuio, vti his mensibus accidere solet, à suis abstractus,
tantum spectare regios cogeatur. Vbi tandem
obsidionem ad discrimen superioris arcis loco editiore
sitâ, redactam aduertit, opem periclitantibus matura-
re & extemporaneo ponte militem conari transpor-
tare. Vtramque Nemeni ripam crassiore ferreâ catenâ,
inter

A. 1390.

*Vitoldum
à ferendo
subsidio
arces.*

C

inter

A. 1390. inter castrorum propugnaculum, portamque arcis iungi iusserat: tum naues anchoris, palis, & catenâ contra aquarum vim obfirmatas exiguis interuallis se- iunctas, trabibus transuersim iniectis colligari, ac ta- bulis insterni. Prope absoluebatur opus, quando ingen- tes rates, à regijs confectæ, ac secundo flumine, mag- no cum impetu in pontem illatæ, catenam ruperunt, ac plerasque naues cum operis, ac milite submerferunt. Vnicus natandi non imperitus, ne quidquam Germa- nis ab arce clamantibus, vt mergi se potius pateretur, quam salutem hostili in ripa quæreret, quâ propior ripa certio- rem vitæ spem promittebat, ad regia castra eua- sit. Ad Regem introductus, quàm arctæ res in arce es- sent, quantum Vitoldo militis, quidue consilij, expo- suit. Instare itaque acrius Rex, & continuis oppugnationi- bus obsessos fatigare. Vitoldus, tanquam si vniuersa iuuandæ arcis spes nauibus fuisset vecta, simulque cum ijs fluuio hausta, non pontis modò, sed & spei omnis ia- cturâ factâ, in Prussiam cum suis redijt. Neque præsi- diarijs, post desperata auxilia, diu pertinacia fuit. Quin- quagesimò ab inchoata oppugnatione die, arcem regi permiserunt. Rex Grodnâ receptâ, in Maiorem Polo- niam abiit, tuendæ contra vteriores Vitoldi progressus Lituanæ curâ, Casimiro Principi demandatâ. Secuta paucorum dierum quies, ingentis belli procellam, ma- turescente iam messe, adultaque æstate, effudit.

*Grodnâ
potitur.*

*Principes
Christiani
contra Li-
thuaniam
militant.*

Lencestriæ Dux Henrici Angliæ Regis filius, & Al- gardus Hohensteinianus Comes in Prussiam venerant; vterque

vterque religionis specie, ad honorariam militiam per- tractus: prior Anglos, Scotos, Gallos; posterior Ger- manos, ducebat. Quamquam enim Lituania, vti iam memoratum est, Iagelonis operâ, ad Christiana sacra, maximâ iam parte accesserat; ea tamen res inter Chri- stianos Principes obscurior, Crucigerorum præsertim artibus, habebatur: intererat illorum siquidem, Litua- nos, adhuc inter Ethnicos censerî, atque ita sacra mili- tiæ prætextu Christianos armare, quorum deinde ar- mis, non iam Religioni, sed suæ per Lituaniam ditioni stabiliendæ, abutebantur. His exterorum copijs auctus Valerodus, assumpto qui ex Prussia ac Liuania educi poterat, milite, iunctis legionibus, quæ Vitoldi stipen- dijs in Germania conscriptæ fuerant, totâ simul mole opprimendæ Lituanæ incubuit. Partem exercitûs Va- lerodus, partem aliam Liuanæ Magister, tertiam Vi- toldus ducebant, diuersis itineribus, vt strages latius ex- tenderetur: postquam vniuersæ copię ab agrorum po- pulatione circa Caunam conuenerunt, Trocos ductæ sunt. Oppidum eius loci, atque arces paruo temporis laboris- que impendio occupatæ, excisæ. Flexo inde ad Viliam itinere superato fluuio, sub conspectu Vilnæ in Siskinijs campis, cui nunc loco Soltani-curia nomen est, confederunt. Opposuit hosti intrepidè regium ex- ercitus Casimirus Skirgelo, è Lituanis ac Russis les- ctum, præter paucas Polonorum cohortes, quas Iage- lo, dum Poloniam repeteret, reliquerat. Pertinaciter vtrîque decertantibus, variantisque fortunæ vicibus,

*Agrorum
flant.*

*Skirgelo-
ne prælo
fundunt.*

A. 1390. agri Verkos vsque patentes, campum præbebant. Satis erat animi Skirgelianis ad audaciam, utpote domi suæ rem agentibus: attamen quia numero, & armorum genere, longè infra Vitoldianos erant, postquam prælium cum aurora inchoatum, in meridiem constanter fortiterque pertraxerunt, tandem arenâ excedere sensim cœperunt. Victi planè, neque tamen temerè in fugam effusi. Vilnam se recipientibus, Vilia fluuius occurrebat: ne ergo tumultuariâ fugâ, opprimendi ad ripam reliqui exercitûs occasionem victoribus facerent, seruatis quantum fieri poterat ordinibus, recesserunt. Amisit in eo prælio Skirgelo è præcipuis Hlebum Smolensciæ, Simonem Iawnutiadem Zaslawiæ, Hlebum Constantini Czartorijsensium, & Iuanum Lwowicz, Duces. Qui prælio superfuerunt, instantem victorem fortiter reprimendo, cum Skirgelone, Trocos sese receperunt.

Vilnam oppugnat. Vitoldus depulsis campo regijs, vniuersas vires ad expugnandas Vilnenses arces, conuertit. Sed expugnationem spe suâ difficiliorem reperit. Nam & obsessi pertinacissimè dimicabant: & Skirgelo properè refeito Trocis exercitu, omnem viciniam hostilibus castris infestam fortunatis excursionibus reddebat. Securos ab externa vi, domestica proditio prope perdidit. Aliqui obsessorum, vel Vitoldianis promissis corrupti, vel odio Skirgelonis furentes, duabus infimæ arcis portis ignem subiecerunt. Munitione è lignis constructa conceptum occultè incendium, periculosius longè in publicum euomuit:

A. 1390. euomuit: cum flamma per pinnas loricamque mænium decurrens, prope momento propugnatores depulisset; vniuersos verò ancipiti nimium malo inuoluisset. Mansuris intra arcem, ab igne, erumpentibus, ab hoste, pereundum erat: quatuor, supra decem, capitum milia, quæ flammis, quæ ferro interiisse memoratur. Accessit cladi Dux Constantinus Korigelo, Iagelonis germanus. Hic ægrè ex incendio clapsus, cum in Germanorum cohortem incidisset, ad Vitoldum perductus vitam flammis ereptam, ab hoste seruata, apud fratrem amisit. Vitoldi iussu caput ei amputatum, atque in hastili per castra circumlatum, miserabile argumentum præbuit, plus crudelitatis semper habere fraternas inimicitias. Putabat Vitoldus tantâ suorum clade fractos oblessos, faciliores se ad deditionem præbituros, quare totis viribus oppugnationem vrgebat: præsertim, quòd castelli iugo montis impositi paries Caluo-monti obuersus, non exiguâ parte, tormentorum ictibus deiectus, viam ad assaultum aperuisse videretur. At præsidarij numero non animis imminuti, nihil de constantia remiserunt: omnes hostium machinationes Miskorowij industria, irritò conatu abibant. Murorum ruinæ, iumentorum corijs, & faccis lupulo impletis, ad eludendum hostilem oculum tegebantur: interea incredibili celeritate, terrâ ceterâque materiâ, congestâ occludebantur. Enituit inter primos, eximia Narimundi Pinscensium Ducis virtus, qui cum suis non solum rùdera, quæ igni supererant, inferioris arcis

C 3 *fortiter*

1390. fortiter retinuit, sed etiam ad ferendas, cum res poscebat, Miskorowio supperias, in tempore semper aderat. A Vitoldiano tandem equite ad singulare certamen prouocatus, cum animosè magis, quàm feliciter decertat, hastili ex equo deiectus, uiuus in potestatem hostium venit. Nihilo tamen inde fortunatiùs oppugnatione Vitoldo procedebat: sed neque plus fraudes ei profuerunt. Miskorowius enim, quos vel suo ingenio, vel Vitoldi æstimatione inconstantiores, atque ad nouandas res procliuiiores deprehenderat, ac præsertim Russos, omnes ex arce eiecerat. Furere itaque Vitoldus, & tantæ expeditionis in irritum abeuntis dolore percitus, cum non haberet, quò impotentis animi ferociam effunderet, in captiuum Narimundum, plus quàm barbarè desæuit. In proximo prato, pedibus ab ulmo suspensum, tormentis telisque obsessorum obiectum, ipse suâ manu & arcu confecit. Desperatâ demum expugnatione, plurimis suorum amissis, atque inter primos germano Totiuido Principe, & Algardo Comite Hohensteiniano, obsidionem ab VIII. Kal. Iul. ad ipsas Oct. Kal. continuatam soluere coactus, in Prusiam cum vniuerso exercitu redijt. Tanta erat Christiani illius exercitus inter redeundum in obuia furor, ut ne à templis quidem sibi temperaret: ita nihil sacri illis est, qui humanis affectibus in præceptis se agendos semel permiserunt. Vitoldus, cæteris copijs dilapsis ad hyberna, adiunctis Ragnetensi & Insterborgensi præfectis, vicinam Samogitiam inuasit, fædè isthuc igne ac ferro in omnia grassatur. Peri-

*Irrito enim
tu in Prus-
sia redijt.*

*Vitoldus
Samogitiâ
vastat.*

Periclitanti Lituaniæ subsidium laturus Rex Iagelo, cum exercitu aduentabat; sed tardiùs quàm periculum postulârat: nullo itaque ferè alio emolumento, præterquam quòd fama venientis, hostem ad maturandum cum prædâ abitum, permouerit. Itaque subtracta belli gerendi materiâ, ad componendum afflictæ Reipublicæ statum, consilia vertit. Annonæ imprimis ex hostili vastitate difficultatem, ex agris bello intactis omni frumenti genere abundè conuecto releuauit. Tum humanitate ac liberalitate regiâ eos in obsequio continere contendit: quos tantarum calamitatum perterritos, quòd Skirgelonem bello infauftum, pace crudelem odissent, alienatis ab eo voluntatibus, etiam in fide erga Regem non obscurè nutare, sermo erat. Miskorowio tamen nullâ ratione persuadere potuit, ut pro Rege, Vilnæ præflet. Permolestæ, ac prope continuæ hostium incursionum, maximè verò Skirgelonis arrogantia ac sæuitia, patientiam viri planè profligauerat. Substitutus, est illi Ioannes Olesnicki, studijs militari- bus, maiorumque antiquitate, per Poloniam in paucis clarus. Remanebat adhuc internarum proditionum fomes, exosa Casimiri Skirgelonis præsentia. Nolebat Iagelo mouere eum Principatu, earum ipsarum rationum respectu, ob quam Principem creauerat. Verùm res ipsa exigebat omnino, ut Vilnâ amandaretur. Liberalitatis ergo specie in Russiam eum relegauit, auctum Kiiouiensi Principatu, quem Vlodimiro, fratri nato maximo, ademerat. Ianussio quoque Mazouiæ Duci Drogi-

*A. 1390:
Iagelo Rex
in Litua-
niam cum
exercitu
tardat.*

*Reip. sta-
tum ordi-
nat.*

A. 1390. Drogicinum, Mielnicum, Bielscum, attribuit ita, ut æquo cum cæteris per Lituaniam Ducibus iure, Regi subesset. Ita Mazouïæ Ducum opibus, contra Vitoldianas infestationes Podlachia firmata, cæterisque per Lituaniam rebus ex ordine dispositis, Poloniam Rex repetijt.

*Rediit in
Poloniam.*

1391.
*Vitoldus
Crucigerus
in Litua-
niã ducit.*

At Vitoldo nondum spes omnis capiendæ Vilnæ euauuerat. Nam, ut vis non succederet, proditioni viam non defore videbat. Regij ergo in Poloniam rediit occasione vsus, suadere institit Equitum Crucigerorum primoribus, ne grauarentur tertio instaurare oppugnationem Vilnæ. Secundis auribus acceptus, non multis opus habuit, ut persuaderet. Sciebant nullum exercitum à Rege relictum, qui arcendo apertâ acie bello, par esset. Solam proinde Principatûs sedem, vnicum desperatæ rei refugium, totam belli materiam fore augurabantur. Vitoldus ante alios gaudebat belli reliquum cum ipso Skirgelone Vilnam compingi: quod & mœnia infirma, facile posse capi existimaret, & odium præsentis Skirgelonis, plurimum apud ciues ad prodicionem valiturum speraret. Non minores certè animorum quàm corporum febres sunt: cum enim nimis affectibus inardescunt, fingunt gaudia, quæ nunquam sunt. Ex insana imperandi cupiditate Skirgelonem Vilnæ, Vilnam absque munitione, Vitoldus somniabat. At iam Skirgelo Kiiouïæ agebat. Olesnicius verò exultis vicinis arci ædibus, plebe omne intra infirmæ arcis sepimenta receptâ, locum vndique varijs operibus,

ribus, contra hostilem vim egregiè permunierat. Spe tamen plenus Vitoldus, ingentes copias, varijs machinis oppugnando necessarijs instructas, terrâ atque aduersis fluuijs Nemeno ac Viliâ deduxit: ac ne tempus minore pretio tereretur, ad caput rei admouit, Vilnâ obsidione cinctâ. Germanorum legiones armorum genere, & gestorum memoriâ feroces, inter ipsa exultæ vrbis rudera, planâ ad Deiparæ Virginis templum arenariâ, posuerant castra. Olesnicius non ignarus quantum virium ex primis belli vestigijs, reliqui successus sumant, verebatur, ne si eam Germanorum ferociam non castigatam relinqueret, suorum animos imminueret. Non diu itaque cunctatus, hostem aggredi, prius quàm castra curiosius permuniret, statuit. Promptissimum quemque ad rem fortiter agendam hortatur: aciem intra vallum instruit: cohortibus singulis diuersa mandata, pro loci commoditate, edicit: tum per decliues Vilnæ amnis ripas educto clam milite impetum in Germanorum castra facit. Depulsus est proximis stationibus hostis, multi Prussorum cæsi captique, nemo Lituanorum amissus. Plus tamen tumultus, ac terroris, quàm periculi fuit. Olesnicius enim conscius virium, quàm impares debellando essent, non expectauit, donec receptis animis, maiore numero hostiles cohortes ad arcendum periculum concurrerent: sed dato maturre signo receptui, victorem militem seruatis ordinibus, inter relictâ suorum opportunis locis præsidia, intra arcem reuocauit. Creuere ab eo euentu obsessis animi,

*Vilnam
obsides O-
lesnicio fa-
cile eâ
defendit.*

A. 1391. ex fortunato initio, non iniquum belli exitum augurantibus: Vitoldo autem, & Crucigeris, desperatio: præsertim cum rescivissent solius Olesnicj ductu & auspicijs, omnia in arce geri, & Lituanorum in Skirgelonem odia, per eius absentiam, non leuiter refrixisse.

Oppugnat
cum suorum
clade.

Experiri tamen vim prius placuit, quam spem omnem abijcerent. Vniuersis copijs, semel iterumque oppugnatione instauratur: vtraque vice reiecta, cum clade oppugnantium. Nunciatur subinde Skirgelonem à Russia properare ad soluendam obsidionem. Vitoldus, sine metu, quod fama Skirgelonis copias exaggerasset nimium, siue in spem irritam diutius in eo loco tempus tereret, siue alio consilio, ad nuncium aduentantis Skirgelonis, properè solutâ obsidione in Prussiam mouit. In eo itinere, Nouogrodeci, quam munitionem nuper Skirgelo ad Viliæ ripam excitauerat, ex Vilcomer-

Soluit ob-
sidionem

Vilcomer-
giam &
Nouogro-
decum capit.

mergiæ ad amnem Syvienta sitæ, oppugnatione retardatus est. Per vim utroque loco potitus, præsidia excidit; munimenta ac ædificia exussit. Assecutus est eum, haud procul inde Skirgelo: sed exercitum, ad carpenda auersa agmina, aut palantes liberiùs intercipiendos, quàm iustæ dimicationi comparatiorem habebat: modicum, & leuiter armatum. Ausus nihilominus apertâ acie signa conferre, post breue certamen, inconsultæ audaciæ poenas luit, non minùs infelix, quàm temerarius; ut ferè in bellis indiuisa temeritatis comes est, infelicitas. Amisso exercitu, ægrè Trocos fugâ euasit, plus miseræ patriæ profuturus, si in acie mansisset, infeli-

Skirgelo-
nem præ-
lio fundit.

cem

cem Principatum, & clades Lituaniæ, morte fortiter A. 1391. obitâ, concluditur. Victores cæsis in campo armatis, cum nihil per agros ad prædam, post iteratas toties populationes nancisci possent, in Prussiam redierunt. Modicâ ibi quiete refecto milite, instaurata est in Samo-^{Samogitiam uas-}gitia irruptio; quâ duo territoria bello hæcenus intacta, perualtata sunt. Hyems successit nihilo æstate quietior Lituanis, Vitoldo neque ab hybernis expeditionibus temperante.

Quod enim Cauna Viliâ ac Nemeno confluentibus ^{Caunam frustra tæ-} cincta, per æstatem difficilior accessu videretur; aquis per hyemem glacie instratis planiorem oppugnationem spondebat: eius capiendæ spe, tacito per syluas agmine Vitoldus progressus; inopinatò sub vallo cum milite comparuit. Valido opere arx, ciuitasque communita, firmo præsidio à Lituanis, ac Polonis stipendiarijs obtinebatur. Operosiores proinde quàm crederat Vitoldus oppugnationem reperit. Quoties miles admotus vallo; toties magno damno reiectus, Poloni præcipuè peditatûs insigni virtute. Desperatâ expugnatione, ne nihil egisse eâ expeditione dicerentur hostes, ad Insulas Nemeni, vnâ ferè leucâ distitas digressi, ^{Nona ca-} uas arces moliuntur. Duas insulas, Nouam & Eque-^{stella in} stre, Neiuerder, & Retternerder dictas, suo præsidio ^{Lituania} excitat.

Crucigeri, tertiam Mettenburg vocatam; Vitoldus suo, firmarunt. Infesta nimium erant vicinis agris ea præsidia: exiguis, at frequentibus excursionibus, maiora quàm pro suo numero inferebant impunè damna.

A. 1391. Ea Alexander Vigundus frustra opugnans.
 Ea res Alexandrum Vigundum Kiernouiensem Ducem permouit, ut eiiciendi inde hostis curam susciperet. Tribus Polonorum peditum, & aliquot Lituanorum equitum turmis Retteuerdum aggressus, haud dubiè eo castello potitus fuisset, si adniti ampliùs voluisset, ne adultam iam deditionem defereret. Ex ipsis enim hostibus deinde cognitum est, obsessos ne aliquot quidem dierum moram laturos fuisse. Non diu ei expeditioni superuixit Vigundus, veneno domi suæ sublatu. Acer erat iuuenis, militaribus studiis ante alios fratres commendatus: ob quam laudem à Rege, germano suo, finitimas Prussiæ præfecturas, Bidgostiensem, & Inowloclauiensem acceperat. Verùm ut nemo alius inter fratres erat, quem magis Jagelo diligeret, ita non alius, cui Vitoldus esset infensior: oderat siquidem iuuenem, ut ætatis respectu minimum, ita indole ac meritis, plus quàm alios in spem Principatûs, ex omnium voto, surgentem. Inde fabulane, an vera narratio fontem habuerit, nescio; ut propinati veneni suspicio, maximè ac prope vnicum, Vitoldum, apud vulgus notaret.

Jagelo commatur Vitoldum reconciliare.
 Jagelo Rex expeditiorem Lituanæ pacem fore certus, si Vitoldum Magnum eius Ducem renuntiaret, ne ad id consilium hætenus animum verteret, solius Vigundi respectus maximè obstiterat. Nam ut non difficile fore existimabat, Skirgelonem, ac Suidrigelonem, venationibus, commensationibusque, quàm gerendo Principatui aptiores, ab æmulatione auertere, collatis alijs possessionibus, ubi pro suo genio solitis vitis opportuniùs

A. 1391. 1392.
 portuniùs indulgerent: ita Vigundi, nihil humile spirantis, ferocem animum, promptumque agendo ingenium, non poterat, non subuereri. Eâ nunc curâ solutus, liberiùs de reuocando Vitoldo cogitare, nec difficilem se eum præbiturum, credere. Cùm enim in omnes occupandi Principatûs vias, præceps ambitione ageretur, non ex vano promitti poterat, cum spe Principatûs firmiore, quàm alias fuerit, ostensâ, in regias partes concessurum. Ita decretum est, permolesto, ac diutino bello, quod neque Rex, Polonia negotijs oppressus, per se gerere posset, neque Skirgeloni infausto Duci permittere auderet, finem imponere: & Lituaniam ab extrema calamitate vindicare. Præsertim, quòd inde Litvani nimia vastitate exhausti sumptibus belli non essent, inde Poloni tanquam in alienam rem agrè pecuniam conferrent. Consilio inito, cui tam secreti negotij moles tuto demandaretur, qui & apud Crucigeros extra suspicionem, & apud Vitoldum in auctoritate esset? Henricus Semouiti Mazouix Ducis filius nuper Plocensis Antistes dictus, delectus est ad obeundam à Rege apud Vitoldum legationem. Aduentus eius causa, (quamquam plerique eam celari posse affinitatis prætextu opinabantur) non potuisset non esse suspecta Crucigeris: nisi fors ita tulisset, ut sub hoc ipsum tempus Vitoldus filiam suam Sophiam, Basilio Moschouix Duci magno apparatu in matrimonium Mariæburgi elocaret. Cum cæteris enim Principibus ad connubialem pompam, Henricum Annæ Vitoldianæ coniugis

A. 1392. coniugis fratrem venisse credebatur. Accidit & alia res, quæ plurimum momenti ad fallendos Crucigeros con-
tulit. Henricus quamquam Diaconi gradu ad Sacerdo-
tium inauguratus, iam aliàs, vt lubrica iuuenibus præ-
sertim in opulentiore fortuna, morum constantia est,
Sacerdotalis continentia pertæsus, & Ringalæ (soror
ea Vitoldi erat formâ insignis, & florentissimâ ætate)
amore æger, contemptum an ignorantia sacrarum le-
gum non constat, apud Vitoldum institit, vt Ringa-
lam sibi coniugem daret. Neque Vitoldus abnuebat.
Tyro quippe adhuc inter Christianos erat, vt non ad-
modum disciplina Romanæ gnarus, ita non nescius
apud Russos Sacerdotum matrimonium non damnari.
Cumulantur itaque solemnia: post Sophiam Moscho
desponsam, Ringala despondetur sacrilegis nuptijs
Henrico. Crucigeri interea id solum ab vxorio iuvene
agi rati, minimè animis in alia intendebant: ceterum
Henricus ipso nouæ affinitatis iure fidentiùs cum Vitol-
do agere permissus, quoties eum absque arbitris nan-
cisci posset, lagelonis mandata ac promissa depromere:
obtestari ne tot stragibus ac impendijs, irritò conatu
quæsitum Principatum, suapte venientem è manibus
elabi sineret: per omnia hospitij ac iteratæ affinitatis
sacra spondere, quàn primùm amicus Vilnam acces-
sisset, ab Olefnicio intra mænia admittendum, summâ
etiam rei in urbem & arces permissâ: id à Senatu mag-
no consensu suatum, id à Rege constitutum. Neque de-
stitit animum Vitoldi, ex Superiorum memoria, præ-
sentia

*Succedit
Henrico
conatus.*

*Vitoldus
Regi recõ-
ciliatur.*

sentia æstimantem, varè versare, donec excussis timori-
bus ac suspicionibus, in fidem & amicitiam Regis infle-
xit. Vitoldus officijs hospitalibus perfunctus, vbi sibi
relictus est, supputare animo, quæ cum Henrico con-
dixerat: vereri, inde ne quid Crucigeris suboleret; inde
ne Rex more suo aliquid innouaret: moram itaque, vel-
ut periculum excutere: maturare consilia, instruere
abitu, miræ ac planè incredibilis solertia, in fallendis
toties Crucigeris. Coniugem cum imbelli aula, specie
filia, in Moschouiam abeuntis, honoris causâ aliquan-
tùm deducendæ, in Samogiticas possessiones relegat:
promptissimum quemque secum manere, in momen-
ta paratum, iubet. Captatâ deinde occasione cum Met-
tenburgum, suæ ditionis arcem aduolâsset, vicinum
Retteruerderum insperatus inuadit: leui cum impari-
tis pugna castello potitus, quotquot Teuthonici gene-
ris mercatores, aut milites deprehendit, cæcos in præter-
fluentem Nemenum abijci mandat, præcipuis Cruci-
gerorum secum ductis. Vulgatâ citò eius cladis famâ,
vicinorum præsidiorum præfectos ad arma exciuit: siue
contemptu paucitatis, siue spe prædæ recuperandæ,
rapto equitum agmine, Vitoldum in profundiora Li-
tuania abeuntem audaciùs insequuntur. Vitoldus ac-
cepto eo nuncio, iubet captiuos prædamque omnem
cum exiguo præsidio subsistere, ipse remensus iter, ap-
tas insidijs angustias cum armatis insedit; quas cum te-
merè hostis intrâsset, omnes internecione deleuit. Cæ-
sorum inde capitum numero inito, vti is, qui omnia
Cruci-

A. 1392.

*Ex Prussia
se subdu-
cit.*

*Crucigero-
rum arces
inuadit,
exfundit.*

A. 1392. Crucigerorum perspecta habebat, facile coniecit, quàm pauci ad præsidium arcium, cæteris ad insequendum profectis mansissent. Quare celerrimè suos ad earum oppugnationem ducit: vacua prope milite castella nullo negotio occupat, exspoliat, exurit, ac diruit; atque victor ad relictum suorum agmen reuertitur. Præmissò inde, qui Olesnecium de suo aduentu edoceret, Vilnam rectà tendit. Olesnecius tempestiuè mandatis regijs instructus, vti hætenus cupidè Vitoldum expectauerat, ita præsentem magnà omnis humanitatis testificatione intra mœnia deduxit. Nihil honoris in eum omisit, quem in ipsam Principatûs venisse non ignoraret, neque ambigeret tam certò amicum regium esse, quàm non dubiè Crucigerorum hostem cerneret, à recentibus eorum cladibus, cum præda atque captiuis, ouantis specie, portas Vilnæ intrantem. Vt verò magis eum erga Iagelonem obstringeret, atque fidendo fidere doceret, quemadmodum imperatum à Rege fuerat, arcium Præfecturam, in nouum hospitem à se transtulit.

Rex Iagelo Vilnam venit.

Celerrimis totius negotij nuncijs in Poloniam perlatis, Rex Iagelo cum Regina, procerumque Polonorum splendido comitatu in Lituaniam profectus est. Verebatur ne ex mora noui aliquid suboriretur discriminis: quod ex facili euenire poterat, quamdiu inter Skirgelonem & Vitoldum non conueniret. Inuectus est Vilnam magnà Procerum, populi que lætitiâ, quam affulgens publicæ tranquillitatis spes animis omnium affundebat: neque multùm moratus ad reconcilianda

rei

rei capita, Skirgelonem & Vitoldum Duces, toto conatu incubuit; arbitrium tamen concordia, vt extra inuidiam apud germanos suos esset, sibi non sumpsit. Ab ipsis Ducibus Regina Hedwigis arbitra lecta: cuius opera in eas condiciones, post longa verborum certamina, conuentum est. Alexander Vitoldus cum coniuge Anna, pro se, suisque posteris iuraret, se in regis obsequio ac fide, cum vniuersis Lituania ditionibus constanter mansurum: magni Ducatûs Lituania factam cum Regno Polonia coniunctionem, ac societatem integram inuiolatamque sacrosanctè conseruaturum: amicos ac hostes communes cum Regno ac Rege Polonia semper habiturum. Cum Skirgelone pacem, atque fraternam amicitiam coleret. Kiouiensẽ Ducatum, cum omnibus eius ditionibus suis impensis, ac milite, Skirgeloni eiusque posteris vindicaret. Trocos, Cremeneciam, & alias quasdam minores possessiones statim ei consignaret. Casimirus verò Skirgelo, attributis Ducatibus contentus, Principatum Lituania non repeteret. Rex Iagelo neminem Vilnensi, Vitepscensi, Merecensi, ac Grodnensi, arcibus præfectum, inscio aut inuito Vitoldo imposeret. Lituania vniuersa, cum subiectâ sibi Russia, ita ex forma, icti per Iagelonem cum Polonia fæderis à Vitoldo administraretur, vt sub Regis Polonia imperio maneret. Hæ condiciones in tabulas relatæ, annulis ac subscriptione capitum fæderis, atque adeò iureiurando firmatæ, ad publicum regni tabularium Cracouiam sunt remissæ. Completis mox,

E

quæ

A. 1392i

*Regina
arbitrio
Skirgelo-
nem &
Vitoldum
reconciliat.*

A. 1392. quæ tempore non egebant, Vitoldus Skirgeloni suffectus est, atque Olesnicius Vilnæ administratione abire iussus.

LIBER II.

DE REBUS LITVANORVM

Sub Principe ALEXANDRO I. Vitoldo.



Alexander Vitoldus, Magnus Lituanix Dux renunciatus, nouam Reipublicæ fortunam orditur: quæ quamquam hæcenus non pœnitenda fuerit, & deinceps satis florens; nunquam tamen aut rerum gestarum gloriâ, aut imperij amplitudine, augustior, quàm Vitoldo Principe: Vir erat ingenio vehemente, atque otij impatiens: & quemadmodum famæ ac proferendi imperij auidiori, nunquam bellorum materia deerat, ita vix aliquando in susceptis expeditionibus ab euentu destituebatur, à puero militaribus artibus innutritus, solitusque impigrè exequi, quæ animo destinasset. Magno apparatu, tum ipsius Vitoldi, tum coniugis Annæ inauguratio, Vilnæ in templo D. Stāislai, ab Andrea Wasilone Antistite Vilnensi peracta est: ritibus, quorum ab antiquo vsus erat, ad Christianæ religionis integritatē, ab omni superstitione castigatis. Fusa inde in publicum lætitia, mirum dictu, quantum popularium animos exhilarauerit:

*Alexandri
Vitoldi
Magni
Ducis in-
augura-
tio.*

*Diversi-
modè à
varijs ac-
cipitur.*

rit: pacem plurimùm expetitam, minimè speratam, A. 1392. eoque iucundiorē, quā publicè, quā priuatim, omnes mutuò gratulari: varia hilaritatis argumenta in vulgus edere: fausta omnia, nihilque mediocre, non solum ex noui Principis indole, sed etiam ex communi plebis vniuersæ in hilaritatem conspiratione, ominari. At verò qui non totos se lætitiæ illius sensui permiserant, cogitationes profundius immittere, sagaci quæ mente vestigare; quantorum motuum semina illo die iacta essent! quantum ignis superiniecto cinere sepultum? Germani fratres consobrino postpositi. Skirgelo Principatu exutus; Volodimirus, Demetrius Korybutus, Boleslaus Suidrigelo, alijque præteriti. Kiey Itutiades imperans, Olgerdiadæ priuati, ac stipendiarijs accensi. Vt calamitatum auctor præmium sceleris haberet; quod supererat cladibus Lituanix, Vitoldo donatum. Plerisque omnino non persanatum, sed obligatum dumtaxat vulnus videbatur.

Et certè sola ferè præsentis Regis auctoritas continebat, ne ipsa publicæ hilaritatis sacra, aliquibus motibus funestarentur: at, vbi Rex abiit in Poloniam; non diu concepta animis ægritudo quieuit: quàm violentè fuerat dissimulata; tam ferociter in apertum erupit. Casimirum Skirgelonem ex amisso Principatu, & damni doctor, & pudor, exacerbabant; Boleslaum Suidrigelonem spes internecionis: nam vti nati proximus Skirgeloni erat, ita ad successionis iura primus. Skirgelo in audaciam pronior, Russorum quoque gratiâ, ac pecuniâ

*Skirgelo
in rebellas.*

1392. in Principatu corrasâ potens, proprijs viribus bellum moliri cœpit, comparato per Russiam exercitu, Vilnam ac Vitoldum aggressurus. Suidrigelo, cui & ingenium timidius, & arctiores, quàm pro tanto ausu opes, & popularium exiguus fauor, spiritus minuebant; ad vim apertam domi impar, apud vicinos hostes consilijs suis subsidia quæsiuit. *Suidrigelo in Prussia fugit.* Novus tunc Magister Equitum, Prussiam administrabat Conradus Iuningen: hic 1393. ad militarem fortunam, initio Magistratûs, apud suos probandam, suapte bellum optabat; quare non illibenter auxilia Suidrigeloni sponndit. non eius utique gratia: sed Vitoldi, aut odio, aut metu. Nam & amicitia tot federibus instaurata repentina rescissio, acuebat odium ad vindictam: & potentia inquieti ac bellicosi hominis vicino Principatu aucta, non ex vano metuebatur; præsertim si armorum cessione firmatâ, formidolosior euaderet. Facilius nimirum obstititur malo, ne vires sumat, quàm validum iam viribus opprimi possit. Suidrigelo Crucigerorum armis succinctus primùm priuatas Vitoldi ditiones inuasit, confinia Podlachia fædè peruastravit, Stramelam, Surazium, Grodnam arces vi cœpit; ac tria captiuorum millia in Prussiam abduxit.

Rex Iagelo Skirgelonem Vitoldo consiliat. Novis turbis excitus Rex Iagelo properè in Lituaniam accurrit, omneque studium adhibuit, ut pacatis consilijs, arma Skirgeloni excuteret: plurimùm apud eum auctoritate valebat, ægrè tamen id euicit, attributis ei, ad veteres possessiones, arcibus, earumque amplis

plis territorijs: Starodembo in Seueria, Cremeneco in A. 1393. Volynia, veteribus Trocis in Lituania. Neque Vitoldus in eis permittendis aut inuitum, aut difficilem se exhibuit: mallebat exigua partis detrimento, periculum totius redimere, ut conciliato sibi Skirgelone, liberiùs in solum Suidrigelonem, animum viresque intenderet. Ne autem per leuem quampiam dissensionem, noua bello materia deinceps daretur, inter vtrumque conuenit, ut exortæ controuersia solius arbitrio Regis decidenda relinquerentur. In eodem congressu Vitoldus Principatûs sui inuidiam apud regios fratres volens imminuere, amicitiam eorum sibi varijs rationibus conciliare est conatus: atque in primis beneficio in Andream Vigundum Ducem Trubecensem collato. Molientem turbas, atque Crucigerorum armis Principatum affectantem, primo sui regni anno Iagelo Andream in carceres coniecerat, atque in eum usque diem in vinculis vitæ incertum detinebat. Pro eo Vitoldus enixè apud Regem egit, ut illius diei lætitiâ geminare vellet, non solum Vitoldo ac Skirgelone ob regiam auctoritatem, simultatem deponentibus; sed etiam Andrea ob Vitoldi preces in gratiam Regis recepto. Ægrè quidem, obtinuit tamen Andrea vitam, libertatem, & possessiones. Ijs deinde Andreas contentus, tam procul à suspicionibus & periculo, quàm remotus à curia, priuatam vitam egit, nullamque deinceps Reipublicæ partem attrigit; auctor insignium, rebus gestis familiarum, Polubinsciorum, ac Trubeciorum Ducum.

Andream Vigundum libertate donat.

*A. 1394.
Suidrigelo
lone insti-
gato, Cru-
cigeri bel-
lum ador-
nant.*

*Lituaniam
innadunt.*

*Conuiuium
celebre
prælio
præmittit.*

Stabilitâ per hyemem in Lituania pace, Jagelonem Poloni regni negotia reuocârunt. Suidrigelo verò incitare Crucigeros pergebat, vt per hybernâ quietem bellum in primam ætatem apparare non negligerent. Non ordinarius modò exercitus nouis per Prussiam delectibus auctus est: sed etiam è vicina Silesia, Austria, atque adeò totâ Germaniâ, non modica auxilia contracta; multis ad honorariam militiam etiam ex Anglia, & Gallia, concurrentibus. Ordo siquidem ille Teuthonicorum equitum, quos vulgò Crucigeros vocabant, ob perpetuum armorum studium, pro theatro militaris gloriæ, eâ tempestate habebatur: quare non modò stipendijs actis celebres, ac emeriti milites, sed etiam expertissimi bello Duces, in Spem augendi Nominis, in Prussiam ex regnis Christianis confluiebant. Conradus Magister equitum non suo tantum, sed exterorum quoque exercitu fretus, adulto vere in Lituaniam mouit: ab vtraque Nemeni ripa agros latissimè populatus, aliquot arces Lituanis, Samogitisque eripuit. Legionibus ab agrorum populatione ad Mariæuerdum insulam contractis, antequam in profundiora Lituanie duceret, celebratissimum Prussorum annalibus, conuiuium in eadem insula eum instruxisse scribitur. Adhibiti mensæ Duces omnes, ac præcipui equitum, eo ordine, quem cuique eximie virtutis dignitas fecisset. Caput mensæ cessit Equiti Austrio Kinodiut, quòd solus sexaginta Turcas, se insequentes, occidisset. Proximus ei accubuit Fridericus Marchio à Misnia, ob

præro-

A. 1394.

prærogatiuam familiæ, ex qua nemo vnquam ordinem deseruit. Tertius Comes Hildermirdus natione Scotus, quòd eo parente natus esset, qui vt Regem seruaret, se ipsum neci obiecit. Tum Comes Rupertus, ob imperium Romanum, ad quod vocabatur, spretum. Conradus deinde ipse, conuiuij illius structor, ob sponsam ætate ac formâ florentissimam, gratiâ ordinis Teuthonici desertam. Vestphaliæ signifer Degenhardus, quòd aduersarijs, qui parentem suum occiderant, veniam indulisset. Fridericus Eques quòd nihil vnquam negasset ei, qui interposito D. Gregorij nomine aliquid postulasset. Denique reliqui, pro merito quisque. Conuiuium non ad militarem frugalitatem, sed ad urbanas delicias instructum, horas quinque tenuit, ac quingentis marcarum millibus constitit. Nam non cibi modò ad luxum apparati incredibili copia apponebantur, sed etiam utensilia omnia, argentea atque aurea, mensæ illata, conuiuis cedebant. Hoc veluti congiario militari, animatis Ductoribus, Conradus rectâ mouit contra Vitoldum, ignarus tantis impensis ad lanienam eos saginatos. Idem enim annalium Prussicorum scriptor, qui conuiuium hoc memorat, confirmat pugnatum fuisse cum Vitoldo ad Vilnam, victumque eo prælio Conradum, triginta suorum millia in acie amisisse. Cæterum apud Lituanarum rerum commentatores, nulla aut conuiuij huius, aut tantæ cladis mentio reperitur. Quod si superioribus annis hæc contigisse, quispiam contendat: necesse erit alios à Vitoldo

*A Vitoldo
profligantur.*

A. 1394. do & Conrado Duces, ei bello assignare. At comper-
 rum habetur, hoc primum anno, cum ingentibus ex-
 terorum subsidij bellum à Conrado contra Vitoldum
 gestum esse, atque post vastatos agros, Vilnam obsi-
 dione cinctam. Per duos menses nihil omisit Conra-
 dus, eorum, quæ ad capiendas vrbes, à peritis adhibe-
 ri solent: posteaquam verò ea omnia frustra fuere, Sui-
 drigelo ad fraudes se conuertit. Impigro è familiaribus
 iuueni mandat, vt transfugæ specie in urbem transeat:
 si fortè fidem inueniret, atque intra mænia admittere-
 tur, quæreret idoneos, sibi quæ fauentes, quorum ope-
 rà vtriusque arcis munimentis ligneis, ignis simul subij-
 ceretur. Receptus absque metu prodicionis, veluti trans-
 fuga, non alios designati facinoris arbitros ministro-
 quæ adsciscit, quàm græcæ religionis Monachos Rus-
 sos. Illos Suidrigeloni, sectæ suæ eximio fautori, non
 parùm obnoxios faciliùs posse sollicitari sperabatur, fa-
 ciliusque destinata exequi, quòd reuerentiâ religionis,
 huc atque illuc per otium circa mænia commeare, li-
 berè ab excubitoribus permetterentur. Non fuit opus
 magnâ contentione, vt persuaderetur scelus: onerati
 promissis, exhibitâ quoque non modicâ pecuniâ addi-
 cunt operam: monetur Suidrigelo vt in occasionem
 expeditos haberet oppugnatores. Successisset procul
 dubio facinus, nisi ex eorum ipsorum Monachorum
 numero quispiam, siue pietate in patriam, siue spe ma-
 ioris quæstus permotus, consilia proditorum arcis Præ-
 fecto indicasset. Hostes in omnia intenti, cum instru-

post Vilnā
 frustra op-
 pugnatā
 vi,

et fraude
 Suidrige-
 lonis.

et

Atas ad oppugnationem copias, condicito tempore in-
 tra vallum tenuissent, vbi nihil ab arcibus moueri ad-
 uerterunt, euulgatam fraudem coniecerunt, despera-
 toque vltiore successu paulò post obsidionem solue-
 runt. Non procul inde Vitoldus suas copias habebat;
 sed prudens conferre castra non audebat: quod non
 ignoraret, & armorum genere, & bellatorum multitu-
 dine, longè validiorem Crucigeris exercitum esse. So-
 litâ nihilominus celeritate non mediocriter afflixit ho-
 stem. Cum tempus obsidione trahitur, expedito equi-
 te semel iterumque Prussiam inuasit, ac obuijs vasta-
 tis reuersus in Lituaniam celeriter, non pabulatores mo-
 dò securiùs palantes, sed vigiles quoque pro castris ex-
 cubantes, intercipiebat: in castra ipsa, alibi tumultu
 excitato, alibi cæde editâ, incursabat. Neque minùs in-
 festum iter redeuntibus fecit: modò auersa agmina,
 modò alas à lateribus, carpere; modò præcursores in-
 sidij excipere. Fulguris instar suos huc atque illuc cir-
 cumagebat, tanto successu, vt damna Lituaniæ, Cruci-
 gerorum damnis exæquasse existimaretur. Crucigeri
 reductis in Prussiam copijs non diu quieuerunt: trifariam
 diuiso exercitu, diuersas Lituaniæ Prouincias populati
 sunt per hyemem. Mareschalcus ordinis Henricus Tet-
 tinghar ipsam Lituaniam, Vlticus Iuningen Iudex
 Sambienſis, frater Magistri, Miednicenses ac Rosie-
 nenses in Samogitia agros, Conradus Koborg Balgen-
 sis Præfectus Drohicensem in Podlachia tractum. Non
 tamen impunè: nam eadem hyeme Crucigeris ad hy-
 berna

A. 1394.

Mutuis se
 inuicem
 cladihus
 Crucigeri
 ac Lituanis
 affligunt.

F

41394. berna digressis, Vitoldus insperato, cum leuiore equitatu in Prussiam irrupit, ac circa Insterburgum omnibus præuastatis, vicem hostibus refudit.

*Vitoldus
subiectos
sibi Duces
aggrediuntur*

Post biennale cum Crucigeris bellum, mutuis quidem cladibus, maiore tamen Lituaniæ damno gestum: de iustaurandis propè collabentis Principatûs viribus Vitoldus agitare secum cœpit. Quantumuis Suidrigelo quiesceret, a Crucigeris nihil quieti sperari posse, quos non pacis studio, sed respirandi necessitate, arma dimisisse, campoque excessisse constaret: Prouincias Prussis conterminas, Lituaniam, Podlachiam, Samogitiam hostium populationibus miserè afflictas, ærario Principis diuturnis sumptibus exhausto, impares fore vltiori bello: remotiores verò, Kiiouiam, Seueriam, Podoliam, Regionum fratrum ambitione, vix in Vitoldo supremam Magni Ducis auctoritatem agnoscere; nedum aliquid in bellicos vsus, contra Lituaniæ hostes, aut militis aut pecuniarum conferre velle: si tamen ad obsequium veteri more Magno Duci debitum adigerentur, haud dubiè non exiguam viriam accessionem futuram. Præcipui Ducum erant, Demetrius Korybutus Dux Seueriæ, Volodimirus Dux Kiiouiæ, Theodorus Coriathus Dux Podoliæ, opibus ac milite potentes. Eorum itaque animos prius experiri instituit, missis legatis, qui pecunias ex eorum Prouincijs, in ærarium Magni Ducis Lituaniæ, inferri olim quotannis solitas, repeterent. Siue collato consilio, siue suo quisque impetu, ferocius omnes legatis responderunt; ac præ-

sertim

sertim Demetrius, ante alios, alieni imperij minus patiens. Respondit ille: Olgerdo se Magno Duce Lituaniæ progenitum, Iagelonis Regis fratrem, nihil Vitoldo debere. Frustra in se captiosis legationibus aliena imperia extendi, qui fraternum etiam non prius ferre cœpisset, quàm armis domitus. Abundè Vitoldo à se concessum, quòd permetteret eum quietè imperare in Lituania, cuius ipse hæres esset. Permitteret igitur vicissim Vitoldus Demetrio, æquo cum alijs Ducibus iure, in solo Rege supremam potestatem agnoscere. Si verò tributarium sibi eum velir habere, necesse esse, vt prius hostem sentiat. Longè magis è re sua Vitoldum facturum, si omisâ tributi ac subiectionis omni mentione, amicum seruaret. Noti erant Vitoldo, hominis feroces spiritus: quare cum non aliud, quàm quod datum est, responsum animo præcepisset, maturè per Lituaniam ac Samogitiam collegerat copias, quas reuersis legatis contra Demetrium duceret. Verùm neque Demetrium latere poterant Vitoldi consilia: cum ex ipsa legatione constaret, bello materiam quæsitam esse. Lecto properè exercitu, auxilijs quoque Tuerensium auctus, ne bellum intra suas ditiones acciperet, prior in Lituaniam mouit. Ad Niekudouum collata castra; neque diu cessatum à prælio; eductæ in aciem copię acriter concurrerunt, cum fortuna neutrò inclinans ad plures horas pugnam protraheret: tandem Russorum acies primò nonnihil turbari, ac pedem aliquantum referre. Id verò vbi sensit Vitoldus, totis simul vi-

41395.

Cum Demetrio Seueriæ Duce cœssigit.

F 1

ribus

A. 1395.
Profligat
Seuerios.

ribus cōnissus inclinatos impellere, turbatis instare; denique cum fortissimorum cuneo in mediam se aciem inserit, quā perruptā, Russos in effusam fugam coniecit. Misso leuiore equitatu qui fugientes sequeretur, omniq̃ studio caueret, ne aut locus, aut otium sese recolligendi victis daretur: ipse lectis spolijs cum robore exercitūs in Seueriam successit. Caput Prouinciæ erat Nouogrodecum, vrbs perampla, non priuatorum tantū opibus, sed Principis etiam gazā, opulenta: nam & ab antiquo sedes Seueriæ Ducum fuerat, & Demetrius ibi coniugem liberosq̃ue habebat, atque ab infelici pugna, cum præcipuis suorum eò se ex fuga contulerat. Quamquam verò & defensorum copiā, & vallo (vti mos gentis eo tempore ferebat) ligneo, satis valida esset, oppugnare tamen eam Vitoldus ausus est. Multū omninò intererat eā potiri; quòd miles refici, ærariumq̃ue insigniter iuuari ex præda posset: & Demetrius captus, prorsus debellari. Obsidio longiore tempore egere videbatur: verendum autem erat, ne mora victoriæ cursum abrumperet, cæteris Russiæ Ducibus ad propulsandum à Demetrio periculum concurrentibus, quod, eo oppresso, omnibus commune futurum esset. Totum itaque rei benè agendæ momentum à celeritate pendebat. Quare Vitoldus cum decreuisset coronā urbem aggredi, vocatis ad se tribunis ac præfectis imperat: omnia ad vim comparata habeant, militemq̃ue quā priuatim, quā publicè moneant. Vrbe non capta, victoriam nuper in campo partā, non quietis, sed

Nouogro-
decum op-
pugnat,
& capis.

sed calamitatum in Lituania sementem fore: verūm A. 1395.
eius victoriæ fructum, vnico vallo clausum sub eorum oculis, ac manibus positum esse: non curarent mænia, pro quibus starent profligatorum reliqui ex recente pauore necdum animis receptis: nihil esse ampliùs necesse, præterquam audere, & solitā alacritate hostem aggredi, aditiquē aliquantum; id si facerent, victores vno impetu euasuros: amplitudinem vrbs audaciæ incitamentum debere esse, quòd quantò amplior esset, tantò opulentiorem victoribus prædam seruare. Hæc Vitoldus coram Tribunis; eadem tribuni ac præfecti apud vulgus militum; eadem milites per contubernia iactare ac exaggerare: vnde mutuis cohortationibus inflammato exercitu, quisque prælij signum auidè expectare. Dato tandem signo, tanto ardore ac impetu in mænia ac hostes vndique procursum est: vt licet hostis impigrè certaret, iam tamen appareret eum de victoria desperare; magisq̃ue necessitate pugnandi, quā spe vincendi decertare. Nihil verò ita perdidit Demetrianos, vt incendia pluribus simul locis coorta: ignes enim ad eum vsum instructis machinis ciuitati iniecti, facilè tecta ædesq̃ue ligneas corripiebant; & per cuniculos sub ipsas munitiones ab aliquot partibus perductos, securè Vitoldiani commeantes, flammis turribus portisq̃ue subijciebant. Tam ancipiti malo propugnatores distracti, cum in vtrumque non sufficerent, vrbs capta est, atque direpta. Priuatarum ædium præda; promiscuè militi; Principis Demetrii thesauri, & quidquid opum

A. 1395.
Seueriam
Lituanie
subiecit.

in arcem aut templa comportatum fuerat, Vitoldi fisco cessit. Vniuersâ deinde Seueriâ, nullo negotio sub vetus Magni Ducis Lituanie ius receptâ, Prouinciæ Præfectus impositus, qui eam pro Vitoldo obtineret, prouideretque, ne quid belli à Demetrianis emergeret. Demetrius cum coniuge ac liberis Vilnam ablegatus, diu in superiore arce detentus est: neque prius libertati restitutus, quàm Alexander (vulgo Holha) Dux Rezanensis, multis precibus interuenisset, ac vadimonio adpromisso, Vitoldum conciliasset. Atque, vt nihil ad domandos contumaces spiritus potentius est aduersâ fortunâ, iam Demetrius in diuturno carcere didicerat subesse. Post obligatam iureiurando, erga Vitoldum eiusque successores Magnos Lituanie Duces, fidem, amplas possessiones ab eo accepit Braslawiecium, Winniciam, Cremeneciam, Sokolecium; quibus contentus Seueriam ambire desijt. Vir multis nominibus celebris, Zbarazij ac Wisniewiecij ciuitatum conditor, à quibus desumptos titulos, cum sanguine Korybutano Duces Zbarazij, ac Wisniewiecij, Demetrii posteri, ad nostram ætatem deduxerunt, Imperatoriâ gloriâ, nemini per Poloniam ac Lituaniam secundi.

Volodimirum
Kiiouiam
adi-
mit.

Demetrio domito contra Volodimirum Kiiouie Ducem, arma Vitoldus vertit. Duo in publicum probabantur, quæ belli illius indignitatem apud vulgus emollirent: par in primis Volodimiri cum Demetrio causa, tum recens cum Iagelone pactum, quo vrgeri videbatur Vitoldus ad Kiiouiam proprijs impensis Skirgeloni

loni asserendam: At reipsa priuatarum offensarum memoria vindictam fodicabat, quod Vitoldo in Prussia exulante, Volodimirus maximè Iageloni obstitisset, ne Vitoldum Magnum Ducem renunciaret; auxilijsque suis iuisset, cum Podlachia, Grodna, cæteræque possessiones armis regijs; Vitoldo adimerentur. Neque Volodimirus spes suas elade Demetrii metiri: intrepidè bellum apparare; quidquid ad repellendam vim spectaret, neque negligere, neque segniter curare. Vitoldus, vt Skirgelonis causam se agere probaret, Owruiczam, Zitomirumque arces vi expugnatas Skirgeloni attribuit: inde contra Volodimirum, qui iam in campum prodierat, duxit. Antequam castra conferrentur per opportunè à Iagelone missi primores Poloni adfuerunt: eorum interuentu, & fraternæ acies parricidali prælio abstinerunt, & belli Duces certis conditionibus concordiam inierunt. Volodimirus Kiiouie Ducatum resignauit Skirgeloni: Vitoldus Volodimiro perpetuo iure donauit Kopylum cum latifundijs ad triginta leucas excurrentibus. In ea deinceps portione Volodimirus, coquieuit, neque aliquid deinceps molitus est: habebat satis, extra inuidiam & periculum, eas possessiones pro posteris exornare. Conditâ ciuitate Slucko, per Alexandrum filium (popularibus Olelkonem) Slucensium Ducum nomen, vt dignitatis gradu humilior; ita rerum fortiter pro patria, præsertim contra Scythas, gestarum, maiestate amplius; ad posteritatem transmisit.

Skirgeloni
attribuit.

Skirgelo

A. 1395.
Skirgelo-
ne veneno
exincto.

Skirgelo neque moram passus, sine qua arces promissæ ordine consignari non poterant, loca aliqua vi occupavit: inquieto ac suspicaci animo, omnia æquo tardius, neque ex fide fieri videbantur. Verùm hanc novi Principatûs voluptatem, tam impotenter quæsitam, aliena improbitas, non diuturnam ei fecit. Cùm enim in venandi oblectamenta effusior Skirgelo, ad propinquum Russorum Monachorum prædium diuertisset, post lautiores cænam, ubi potu incaluit, absque prælibatore hilariùs poculis certanti, eorundem Monachorum præpositus, Metropolitanus Antistitis Kiiouienfis Vicarius venenum clam affudit. Scelerato exemplo, sed multis optabili cunctu; cum vitâ Principis inuisi, fata eorum, quorum malo victurus erat, prærepta sunt. Intra paucos dies vi mali consumptus Kiiouia obiit: Kiiouienfes uti in viuis ob prodigam liberalitatem carum eum habuerunt; ita mortuum regio funeris apparatu, in celebres eius regionis cryptas intulerunt. Suffecit ei Vitoldus Ioannem Algimundum Holsanensem Ducem, suarum expeditionum, exiliorumque indiuisum comitem, non tamen Ducis Kiiouia titulo, sed solâ Gubernatoris potestate.

Theodori
Podolie
Ducem præ-
fudit.

Solus iam restabat Theodorus Coriathus Dux Podolie, qui ex sociorum clade nihilo, aut modestior aut timidior, eò maiore curâ bellum instruebat, contra Vitoldum, quò certior erat soli sibi illud gerendum. Ante visum hostem, confertaque arma, ex solâ sociorum fortunâ, animo vinci, nimis quàm turpè esse, aiebat: sape-

rent

rent illi alienis malis, qui nihil spei domi suæ haberent; A. 1395. sibi neque Vitoldi felicitatem, quæ victoribus perquam lubrica est, adeò æstimandam, neque vires proprias esse contemnendas. Cum valido itaque exercitu, quem per Podoliam, & Valachiam collegerat, Vitoldo ad Brallaniam occurrit. Vitoldiani geminâ victoriâ feroces, tanto ardore in hostem iuerunt, ut prope vno impetu eum profligauerint. Effusis in fugam suis, instante acriter Vitoldo, agrè Camenecum Theodorus euasit. Non poterat tam properè instaurare copias ad rem aperto campo restituendam; arcem itaque validis præfidijs firmat, certus inde bellum trahere. At Vitoldus victoriâ, prius quàm eius fama consenesceret, celerimè ad finiendum bellum usus, non Cameneco, cuius oppugnatio difficilior, nihil spei ad celeritatem faciebat, robur exercitûs admouit: sed copijs diuisis, propè fugientium tergis inhærendo, varia Podolie castella, oppida, arcesque improuisus inuasit. Ijs partim metu, partim voluntate, fortunam victoris secutis, cùm nihil aut Demetrio ad spem, aut sibi ad periculum totâ Podoliâ remansisset, Cameneci oppugnationem orsus est. Vix tamen aliquid sub ea arce profecisset, cuius admiranda naturæ beneficio munitio, omni hætenus vi ac industriâ humanâ, superior permanfit. Sed quid tam tutum, validumque quod discordiâ non pereat? quid tam inaccessum, quò animorum dissensio non penetret? Siue Vitoldi artibus, siue alia ex causa, ortis inter Podolios ac Valachos dissidijs, velut strato ruinis mu-

Podoliam
universâ
occupat.

Camenecum
deditione
recipit.

G

ro,

41395 ro, via hosti aperta est: omnem communis salutis tuenda curam, apud exacerbatos aduersum se animos, priuata odia restinxerant. Mittuntur legati de tradenda arcis conditionibus acturi: quibus, cum Vitoldus nihil pacati respondisset, omnia eius arbitrio ab obsessis permissa sunt. Arce dedita, Podoliâ vniuersâ Lituaniae rursus adiunctâ, praesidia ac praefecti Lituanæ originis

Cum Polonis de Podolia possessione transiit.

arcibus oppidisque sunt impositi. Theodorus Dux, cum familia, Vilnam abductus. Pupugit ea res non leuiter Polonos, veritos ne veteres eorum in Podoliæ possessionem praetensiones Vitoldi victoriâ antiquarentur: praesertim, quod Vitoldus, haud immemor bellorum, quæ Litvani Olgerdo Duce gesserant, vt Scythas Podoliâ depellerent, eam Prouinciâ non solum tanquam recentis victoriæ præmium, verum etiam tanquam antiqui iuris ditionem se obtinere, non dissimularet. Multis proinde laborandum sageloni fuit, vt Vitoldo non inuito, ius Polonorum assereret. Verum Vitoldus, eâ maximè causâ, vt Polonos Regi magis deuinciret, flecti se tandem permisit: impensarum tamen nomine quadraginta millia æris Polonici (florenos dicimus) postulabat. Pecuniâ, quod publicum ærarium exhaustum bellis esset, à Spitzkone de Melstin Palatino Cracouiensi suppeditatâ, Camenecum, Smotriciam, Skalam, Czeruonogrodecum, Regno ac Regi restituit: quæ deinceps possessiones Spitzkoni fiduciario iure, à Rege sunt attributæ. Eadem occasione inter Regem, ac Vitoldum conuenit, vt Seueriæ Ducatui, pro Magno Lituanæ

Theodori Sanguszko Ducem Seueriæ vici-

niæ

niæ Duce, Dux Theodorus Sanguszko præficere. 41395

Pacata iam videri poterat vndique Lituania, si quiescere voluisset Suidrigelo: at ille crescente ex Vitoldi successibus inuidiâ, amplius furere, eo quæ audaciùs, quod alienis vt armis, ita & periculis fureret. Crucigerorum in Prussia & Liuania Magistros assiduò contra Vitoldum sollicitabat. Ad VIII. Id. Febr. Lituaniam, tum Samogitiam fædè vastarunt. Vitoldus inopias adhuc per Russiam in hybernis habebat: paucis autem cohortibus, cum quibus in Lituaniam redierat, nihil momenti agi poterat, siue populantibus occurrisset, siue abeuntes insequi voluisset. Ne tamen impune hosti ea excursio abiret, contractis quam primum suis, Liunioniam inuasit; agros populatus Dinemburgum ad Dunæ ripam vi expugnauit. Non ambigo eo etiam maximè consilio arma à Vitoldo in Liunioniam versa fuisse, quod per exploratores constitisset, Suidrigelonem ex Prussia in Liunioniam transisse. Metuebant autem prudentiores, ne inde in propinqua loca, hætenus Crucigerorum vastationibus intacta, aliquid moliretur. At Suidrigelo aliò animum ac consilia flexerat. Videbat illo latrocinij potius, quam belli, genere, quo per intervalla subitis irruptionibus Lituania ac Samogitia infestabatur, solos Crucigeros saginari; se perinde inope ac exule remanente. Cum Russis ergo proceribus agitare ceperat, de rationibus Russiæ occupandæ, ex qua suis auspicijs, bello Vitoldum persequi posset. Non adeò dissita à Liunioniæ finibus, Albæ Russiæ Prouinciâ opulenta, Vite-

Crucigeri Lituaniam vastant. 1396.

Vitoldus Liunioniam

Suidrigelo in Liunioniam transiit.

Cum Russis consiliatur.

1396. pſcia, à Theodoro Wioſna Regiarum in Lituania venationum præfecto, pro Iagelone Rege obtinebatur. Eſſi enim iam ante fuiſſet per Olgerdum Lituanix Principatui adiuncta, Iagelo tamen eam, velut paternæ hæreditatis portionem ſibi retinuerat. Cæterùm (vt ferè fieri ſolet, cùm regiarum cupiditatum miniſtris conſinia regnorum committuntur) minùs ſolicitè, ne dicam, negligentius, tanquàm extra periculi ſuſpicionem habebatur: Vitoldus quoque, vt in re aliena, pericula eius aut ignorabat, aut diſſimulabat. Suidrigelo itaque Ruſſorum proditoris ſecurus, exploratis per Polocenſes ſiluas vijs, tacito agmine tranſgreſſus, cum aliquot Liuonici militis millibus Vitepſciam inuadit; ciuitatem Vitepſcum, geminamque arcem, non ſolùm operibus, ſed etiam opportunitate loci, eximiè munitam, nullo negotio capit: inde Orſzam, ac reliqua inter Boryſthenem, & Dunam loca, Ruſſis ſponte ſub imperium eius concedentibus, in poteſtatem redigit. Celerrimis nuncijs Iagelo ea de re edoctus, non tam damni ex Prouinciæ iactura, quàm ignominix (Præfectum enim Prouinciæ Wioſnam Suidrigelonis mandato ex muris præcipitem actum, ceruicibus fractis, periſſe nunciabatur) impatiens, Vitoldo mandat, ne priùs quieſcat à bello, quàm recuperatâ Prouinciâ, oppreſſoque Suidrigelone.

*Vitoldus
contra Suidrigelonem
mouet.*

Vitoldus ſuapte in id bellum pronior, quòd Albæ Ruſſiæ Prouincias cuperet obſequentiores imperijs Magni Ducis Lituanix, quam ſe exhiberent; lubens eam curam ſulcepit. Orſza per breuem vim expugnata, Druckum

Druckum mouit. Drucenſes enim Principes, primorum Ruſſiæ Regum progenies, ſub initia horum motuum minùs Vitoldo addicti, Suidrigelonem apertè fuerant ſecuri; at repentino bello oppreſſi, maluerunt incertam Vitoldi clementiam ſupplices, quàm armati ferrum experiri; neque difficulter poſt obligatam Vitoldo, eiùſque ſucceſſoribus iureiurando fidem, veniam obtinuerunt. Georgius quoque Suetoniſlaides Smolenſium Princeps, quamquam in abſentem Vitoldum, non dubium ſe hoſtem geſſiſſet, præſentium armorum terrore, inimicitias diſſimulauit, atque vt fortunæ conſilia applicaret, copias ſuas Vitoldo coniunxit. Smolenſium acceſſione auctus Vitoldi exercitus, Vitepſcum ductus eſt. Menſem integrum oppugnatio tenuit: non quia neglectum eſt aliquid, quod in eiùſmodi euentibus probatum profuerat; ſed quia Suidrigelonis non tam exhortationibus, quàm imperijs & minis animati præſidiarij, ac præſertim Liuones, ſummâ contentione reſiſtebant. Trigeliſimo demùm die Vitoldiani in arcem inferiorem per ſtratos ruinis muros pertruxerunt: occupatis manibus, pauci ad eadem ſunt intercepti. Deſperatis enim rebus magno tumultu milites iuxta ac ciues in ſuperiorem arcem, montis iugo impoſitam, euaserant. At hoc ipſum, ad celeriorem perniciem plurimùm contulit. Quo maiore numero promiſcua cum liberis ac coniugibus, multitudo confluerat, citius omni abſumpta annonâ, fames primùm (validiſſimus ad expugnandas arces aries) ſubſecuta,

*A. 1396.
Proreres
Ruſſorum
domat.*

*Vitepſcum
obſidet.*

Vi capit.

A. 1396. mox ab intolerantia famis, priuatorum contra Suidrigelonem occultum murmur, tum aperta plebis gregarijque militis seditio. Cum pauci hostem, nemo famem, diutius sustinere vellet, Suidrigelone nequidquam obistente, tumultu, non consilio aliquo, arx Vitoldi arbitrio permissa est. Vitoldus recuperatam Prouinciam atque castella Litvano præsidio communiuit: Suidrigelonem captiuium, cum victoriæ nuncio, ad Regem misit.

Smolenscum Georgio Duci ademptum. Confecto eo bello victor exercitus in Lituaniam dimittebatur, cum nunciatur Smolenscensium Principem Georgium, ex socio repente hostem factum, in reditu ex castris Vitepscensibus, magnam Orszani fundi partem hostiliter inuasisse, eiectisque possessoribus, agros inter suos clientes partitum esse. Expostulanti per legatum Vitoldo de iniuria, non modò nihil pacati, sed etiam arroganter respondebatur. Socer enim Georgij Dux Rezanensium Holha, exsurgente in vicino Vitoldi potentia, milita metu inuidiâ ager, augebat inueni animos ac turbulenta consilia. Vitoldus malum in ortu compescendum ratus, signa Lituaniam petentia, in Russiam absque mora redire iubet: Orszano agro hostes depellit, Smolenscum rei caput, bello petit. Georgius, uti mos quibus in lingua Mars totus, postquam aduertit rem ad manus deductam, neque viribus, neque animo, in bellum suffecit: non aperto campo credere, non Smolenscensibus vallis fidere: præmaturâ fugâ, cum coniuge ad socerum, belli facem, euasit.

fit. Deserti à Principe Smolenscenses, eò melioribus conditionibus, quò maturius, cum arce atque Vniuersa prouincia sub imperium Vitoldi concesserunt. Hlebus quoque Georgij frater facilè impetrauit, ne innoxium, uti videri volebat, fraterni criminis, par cum fratre discrimen, eum inuolueret, si antiquo maiorum suorum patrum nio exueretur. Substitutus Georgio Hlebus non diu in fide mansit, Rezanensi ignem, materiamque rebellionis ministrante: quàm primùm Vitoldus in Lituaniam mouit, Hlebus ad fraternalium genium redijt; ausus apertè imperia Vitoldi aspernari, & obsequium erga Magnum Lituanie Ducem, cum vniuersa Prouincia excutere. Importunè omnino is motus Vitoldo acciderat aliud bellum totis Lituanie ac Russie viribus meditati. Et si enim in promptu copias habebat, quibus rebelles Hlebi spiritus reprimere poterat, dolebat tamen militis & temporis iacturam. Mutua siquidem, licet inæqualia, vincientium ac victorum damna esse; atque ut ferrum cædendo ligna, obtundi, ita exercitus vincendo, consumi necesse est: quidquid autem gerendum est suo tempore eget ac morâ. Veritus itaque Vitoldus, ne si contra Hlebum moueret, dum eâ expeditione & tempus & miles teritur, Russorum ad Scythicum bellum ardor consenesceret: ita consilia in Smolenscensem intenta dissimulauit, ut vicini Duces, ipseque Hlebus, prius intellexerit Smolenscum à Vitoldo occupatum, quàm Vitoldum ex iniuriæ sensu ultionem meditari.

Cele-

A. 1396.
Hlebo eius
fratris as-
tribuit.

Hlebo re-
bellare in-
iuriâ dissi-
mulat.

A. 1396.
Scythici
belli occa-
sione Hle-
bum fallis.

Celebratissimus Scythicorum populorum, trans Volgam habitantium Ductor, Latinis dictus Tamerlanes (Russis *Temirkucien*, Scythiis *Temirkutki*, Moschis *Temirakszak*, id est felix, aut claudum ferrum) Tachtamem Scytharum quoque regulum bello oppressum, paternis ditionibus eiecerat. Tachtames cum præcipuis primorum, quos *Murzas & Vlanos*, vocant, ad Vitoldum confugit, faciliq̃ue negotio persuasit, vt restituendi illius in auitum regnum cogitationem susci- peret. Non ignoro proditum esse à quibusdam, augenda famæ imperijq̃ue proferendi cupiditate tam audax consilium à Vitoldo admissum esse. At perpendenti, quòd quantacunq̃ue ea fuisset, bellis Prussicis abundè exsatiari potuisset, propius longè verò videtur, eum ex Russiæ seruandæ sollicitudine Scythici belli curam suscepisse. Cum enim Tamerlanes magnâ orbis parte euastatâ, fractâq̃ue Baiazetis Turcæ potentiâ, reliqua regna magno metu concussisset: inprimis timendus erat vicinæ Russiæ, Scythicas vires, fatales sibi, non semel expertæ. Monitis itaque vniuersæ Russiæ Regulis, quantum periculi à Tamerlane immineret, quantum securitatis accederet, si Tachtame in patrocinium recepto, præcipui Scytharum populi, in amicitiam belliq̃ue societatem pertraherentur, procul dubio accessuri ijs, quos pro ipsius Scythiæ libertate arma sumpsisse viderent: quàm facilè victoria sperari posset, si vniuersæ Lituaniæ ac Russiæ vires contraherentur. Ipse Vitoldus ad Smolensciæ fines cum exercitu consedit. Inde rursus ad

ad singulos datis literis, permouit, vt in castra frequen- A. 1396.
tes conuenirent; de vltioribus belli gerendi rationi-
bus præsentē ipso Tachtame, quem secum duxerat,
consilia in commune collaturi. Eâ occasione Hlebus
quoque Smolenscentium Dux in castra aduenit: vbi à
Vitoldo tamdiu varijs hospitalitatis officijs detentus est,
donec Smolenscum cum vniuersa Prouincia, à Vitol-
dianis occuparetur. Tum primùm depositâ personâ fa-
bula detecta est, cùm Smolenscum iter fuisset præclu-
sum. Amplissima nihilominus ei Vitoldus latifundia
donauit cum Polonna arce, vt eâ hæreditate Smolen-
sciæ desiderium temperaret. Quamquàm verò eius oræ
Præfecturam, viro impigro, Basilio Iamonto Borey-
kowicz demandasset: ne tamen in nouo rerum statu,
per ipsius absentiam, turbarum aliquid enascere-
tur; aliquantùm Smolensci Vitoldus hæsit. Interea copias bi-
sariam partitus, Simoni Linguenio Miscissaniensium
Duci inprimis negotium dedit, vt Lituanæ exercitûs
parte Rezanensem Principem, auctorem turbatæ Rus-
siæ aggredere-
tur. Deinde Olgerdo è proceribus Litua-
niæ, vt cum reliquis Lituanis, atque vniuerso Russo-
rum exercitu, desertos campos transgressus, trans Vol-
gam Tanaimq̃ue penetraret: itinera, situm locorum,
vires ac consilia hostium exploraret, & si Superi occa-
sionem offerrent, fortunæ animiq̃ue experimentum,
in sequentis belli præludia, sumeret. Vtraque expedi-
tio ex voto cessit. Simon Linguenius cum Rezanensem
nullibi se opponere ausum, elicere in campum nequi-
uisset.

Smolensciæ
Lituanæ
adiungit.

Rezaniam
Vitoldiani
vastant.

A. 1396. uisset: omni illius ditione, quæ Oca & Tanai fluuijs clauditur, ferro ac igne ualtata, incolumem prædâ-
Ad Tanaim cum Scythis pugnatur. que grauem exercitum reduxit. Olgerdo plus operis fuit. Emenſus deſertos campos, fortè ad Tanaim cum caſtris confederat: cum tres fratres Crimenſium, Kirelenſium, ac Monlopienſium ſcytharum Regulos, ingentem exercitum ducere nunciatur. Tanto interuallo in hoſticum progreſſis, nulla ſpes ex fuga ſupere-
Scythæ proſtigantur. rat: vincere neceſſe erat, viuere uolentibus. Ipſa ergo uincendi neceſſitas, ad pugnam animos Olgerdianis auxit. Commiſſo prælio, ſemel iterumque ſuo more in-
 currentes Scythas fortiter reiecerunt. Sparſi per cam-
 pos pernici curſu Scythæ, repente in legiones conuo-
 lare ſolent, acta-que in gyrum vniuerſâ acie, mox quâ mi-
 nimè timeas, globo facto irrumpunt, iterumque ſe præ-
 lio eripiunt, ac ruruſus reſumpto impetu curſu in pug-
 nam redeunt. Reiecti itaque ſemel iterumque Scythæ,
 non pariam alacritate prælium inſtaurabant. Litua-
 ni aucta ex uincendi ſpe audaciâ, animoſius abeuntibus
 ſigna inferunt, atque turbatis eorum gyris ad pugnan-
 dum collato pede cogunt. Cæſis neque infimis, neque
 paucis, atque adeò ipliſ Reguliſ, reliquum exercitum
 in apertam fugam impulerunt: magna ſtrages in pug-
 nantes, ac fugientes edita. Nunciuſ eiſ uictoriæ, vi-
 ctor-que ipſe Olgerduſ, Vitolduſ adhuc Smolenſci, val-
 lo arcem munientem, deprehendit.

Vitolduſ cum Ruſſis belluſ com- Felix eiſ expeditioniſ euentuſ incredibiliter Ruſ-
 ſiæ Princepeſ ad belluſ Scythicuſ accendit, atque in-

inprimis Baſiliuſ Moſcuæ Ducem: hic datâ nuper in *A. 1396.*
 matrimoniuſ Vitoldo filiâ, uiſendi Generi cauſâ Smo-
 lenſcuſ aduenerat, ubi ſiue reliquorum Ducuſ ex-
 emplo, ſiue initæ affinitatiſ reſpectu, non illibenter fæ-
 deri contra Tamerlanem acceſſit, militem pecuniaſque
 pollicituſ. Vitolduſ ex fauſtiſ initiſ ad vltiora excita-
 tior, Tachamem cum aliſ ex uibbuſ in Lituaniaſ præ-
 mittit: publico ſumptu liberaliter habendos: mox ipſe
 augendaruſ copiaruſ cauſâ properat. Inſtitutiſ per *A. 1397.*
 hyemem, quâ maximis, delectibbuſ, vniuerſaſ copiaſ
 Kiiouiaſ maturè conuenire mandat: atque iſthic vl-
 teriora mandata præſtolari. Ipſe quoque ordinandiſ
 non nihil per Lituaniaſ rebus moratuſ, cum primuſ
 gerendo bello apta tempeſtas adfuit, ad exercituſ ve-
 nit. Kiiouiaſ motiſ ſignis, tacito agmine Azouiaſ con-
 tendit. Superato ad Azouiaſ Tanai, priuſ Scythiſ pu-
 gnandum fuit, quâ nunciuſ de aduentu Vitoldi ve-
 niſſet: in ea pugna ingenti clade Trans-Volgenſiuſ &
 Nahaienſiuſ populoruſ exercituſ, attriti ſunt. Capti-
 uoruſ integræ tribuſ (Hordasilli uocant) cum imbelli *Enſo exer-*
 ſexu atque ætate abductæ ſunt. Pariſ illoruſ ad Iagelo-
 nem Regem miſſa, deſerto impio Mahomete, ad Chri-
 ſtiana ſacra, in Polonia, tranſijt. Qui uerò in Lituania *cituſ, capti-*
 ſedeſ acceperunt, obſtinatiſſimè ſuaſ ſectam retinent: *uoruſ in*
 non ſolû ad Vacæ amniſ ripaſ, ſed etiam tum per a- *Lituaniaſ*
 groſ, tum per ſuburbana regiaruſ ciuitatuſ, Primo- *tribuſ*
 ruſque Lituaniaſ poſſeſſioneſ, ſparſi. E nobilitate ferè *educiſ.*
 Scythica originem ducunt, qui à Magniſ Lituaniaſ Du-
 cibz

A. 1397.
Captiuorū
Scytharū
in Litua-
nia ma-
nemium
conditio

cibus attributos agros possident; & per suæ gentis tribunos ac signiferos certo numero recensī, proprijs impensis militare debent: si qui eorum, à iusta militia liberi manent, ij (maximè iuuentus) aut sponte stipendia in castris faciunt, aut in magnatum aulis tabellionum vices obeunt. Reliqui ac præsertim, de promiscua plebe, aut hortorum culturâ, aut operam vectorum, viatoribus mercatoribusque locando, rem familiarem tuentur. Prodiderunt aliqui scriptores, eos in Lituania, æquo cum equestri ordinis capitibus iure viuere: sed ij multum aut ignorantia, aut affectu lapsi sunt, diuersa à vero, scribendo. Etsi enim ad arcendas ab eis iniurias, (quæ à Christianis frequentes inferebantur) Principum indulgentiâ extendi cœperit eadem mulcta, quæ in violatorem aut trucidatorem nobilis viri legibus statuta fuerat: ab omnibus nihilominus nobilium prærogatiuis exclusi, ordinario Præfectorum arcibus iuri, non minùs, quàm agrestes regionum vicorum coloni, subiacere coguntur.

A. 1398. Proximo quoque anno, Vitoldi aut auspicijs, aut etiam ductu, contra Scythas bellatum esse, argumento est, quòd Patricum Vitoldi germanum, eo anno, in prælio à Scythis cæsum fuisse, proditum vetustis annalibus reperiā. Scriptores verò rerum Lituandarum intenti animo in sequentem expeditionem, non minùs clade funestam, quàm apparatu nobilem, huius anni gesta consignare neglexerunt. Dissuadebat studiosè Rex Iagelo Vitoldo, ne Tamerlanis fortunam orbi vniuerso

Bellū Vi-
toldi cōtra
Tamerla-
nem.

formi-

formidabilem, temerarijs armis irritaret. Aiebat Rex A. 1398. Præteritis victorijs satis iam Nominis ad famam quæsitum esse: quantò maioribus viribus gerendum bellum susciperetur, tantò plus metus ex varia bellorum vicissitudine animo obuersari: vicinæ potiùs Prussiæ, à qua nihil fidi sperari posset, arma opponenda; quòd propiora inde pericula imminerent, eò præsentioribus illic remedijs opus esse. Regina quoque Hedugis, siue muliebri timore, siue altiore quopiam instinctu mota, multum ei expeditioni aduersabatur infauti euentus obnuntiatione. Neque defuerunt è primoribus Polonorum, qui Reginæ hortatu, propè de via reuersi, ab incepto destiterunt. At Vitoldus anterioribus successibus inescatus, dimoueri se de sententiâ non permisit. Cum Crucigeris in primis transiegit, qui non modò pacata omnia absenti promiserunt, sed etiam ex noui fæderis formula, quingentos delectos suppeditarunt. Hâc curâ Vitoldus liber, securiùs Samogitiæ ac Podlachia incolas ad idem bellum exciuit. Nobilissimi quique Polonorum, Militiæ illi velut sacræ, contra religionis Christianæ hostes Mahometanos, spontè sua nomina dedērunt. Raphaël Comes de Tarnow, Spicko de Melsztyn Palatinus Cracouiensis, Socha Palatinus Plocensis, Ioannes de Glowaczyn Palatinus Mazowia, Ioannes Dabrowski, Dobrogostus Warszyski, Samotulski, Ostrogogius, Pelikus, Mikocki, Wokasz, alijque proceres. In exercitu verò Litvano, præter alios magni nominis primores, quinquaginta Principes, Magnis Li-

Dissuade-
tur à Rege
et Regina.

A Vitoldo
appara-
tur.

tuaniæ aut Russiæ Ducibus orti, numerabantur.

A. 1399.
Inuadenti-
bus Scy-
thiæ Ediga
cū immen-
sis copijs
occurrit.

Ad pacem
se pronum
ostendit

Iunioribus
ac Vitoldo
pacē sper-
nentibus.

Contractis Kiouiam vniuersis copijs, promotisque versùs Scythiam signis, nullus in ingressu hostici miles occurrit: interiores etiam Prouincias nemine obli- stente peruagati, Psolam, & Solam flauios absque certamine transierunt. Circa Worlam flumen Ediga Tamerlanis Legatus, cum ingentibus Scytharum agmini- bus apparuit. Ad conspectum innumeræ prope multi- tudinis, quisque priuatim fortunæ publicæ augur, ex viribus hostium, de euentu pugnæ ominari, ferociam suam præteritam damnare. Delatâ re in consilium, communi sententiâ decernitur, tentandos prius pacis mentione Barbarorum animos: vbi enim exigua aut nullâ victoriæ spe pugnare cogimur, temerarij non for- tis viri est, nolle prius omnia honesta experiri, quàm pugnam. Missus ad hostes Spitko Palatinus, pronos in pacem barbaros reperit. Id posteaquam ad suos reuer- sus palàm in consiliò retulit, prudentiores inclinabant, vt æquis honestisque conditionibus de pace transigere- tur. At iuuentus nobilior, sanioribus pro tempore con- silijs, spiritus feroces frenare nondum assueta, fremere: materiam gloriæ timidorum sententijs sibi eripi, cla- mare: veniam ac signum inuadendi, non tam sui, quàm vniuersæ Christianæ religionis hostis, postulare. Ad- hæc Vitoldus, ipse quoque pugnæ audus. Non virium diffidentiâ, aut victoriæ desperatione prælium hæte- nus distuli: sed ne quid agerem, absque eorum consi- lio, quorum armis ac pectoribus vincendum esset. Tan-

ta

ta itinera emensi, tot difficultatibus superatis eò vsque A. 1399. progressi, vbi in conspectum spontè quæsitî hostis ve- nimus, vt verbis non manu, decernamus, ferre non pos- sum. Cùm agendi tempus instat, nihil iam superest, nisi audere. Promptum iuuenturis ad pugnam animum, in optimum victoriæ nomen accipio. Colluies hæc bar- barorum, non iustus exercitus, sagittis tantùm arcu- quæ edocta præliari, non feret generosum militem, postquàm is collato pede, gladijs ac ferrearum fistula- rum globis, rem agere cœperit. Baiazetes Turca debel- latus, neminem terreat: facillè vincitur, qui aduersis Su- peris pugnat. At vos Christiani, Numini vero, quod colitis, fidite: aderunt eius auxilia piæ causæ; modò vos solitæ, ac toties probatæ vestræ fortitudini, nolitis dees- se. Hæc Vitoldus: at longè aliud euentus, superis ita volentibus, tulit. Dato prælij signo, prope sine pugna, *Prælium committitur.* superiorem hostem fecit, ipsa multitudo. Media legio, cui Dux Demetrius Corybutus præerat, in oppositam hostium aciem, quâ confertissimus eques constiterat, illata; non armis, sed equorum multitudine obtrita, cum Ductore suo tribusque eius filijs Iwano, Skindero, at- que Andrea, interiit. Mox ala vtræque, ac subsidiariæ legiones, ita ab hoste circumfuso cinguntur; vt nec lo- cum ad impetum in hostem faciendum, neque viam ad deferenda signa reperirent. Medij inter hostes inter- cepti, prope omnes sunt deleti, neque tantùm promif- sua capita, sed & præcipui Ductorum. E primoribus Po- lonorum soli euasere Oitrorogius, & Samotulski. Spi- tko

Profligan-
tur Vitol-
diani castris
plurimos
procerum.

A. 1399. tko cū fugā sibi consulere potuisset, in confertos hostium impetu facto occubuit. Vitoldus cum Suidrigelone agrē cædi caput pernicibus equis subdixerunt. Manserunt cæli in campo, Andreas Vigundus frater Regius, Demetrius ac Theodorus Duces Wolski, Vitoldi ex Patrico nepotes, Hlebus & Simon Patruj Iagelonis Corybuti nepotes, Iwanus Kiiouienſis, Hlebus Smolenscensis, Michaël Podbereski, Iwanus Bielski, Duces, Ioannes Iewlaskowicz, Jamuntowicz, & alij Litواني ac Rusſi proceres. Scythæ neque tantā clade, neque opimis cæſorum fugatorumque ſpolijs contenti, victoriam vltiſius proſequuntur. Prouincias Ruſſiæ Vitoldo ſubicctas, infeſtis armis aggreſſi, Seueriā vniuerſā, Volyniā, atque Kiiouienſibus agris euastatis, urbem Kiiouiam obſidione cinxerunt. Ferendæ illi utcunq̃ comparata Vrbs, depellendæ omnino impar erat: ſed neque Scythiſ ad oppugnationem apertam, aut apparatus, aut animus. Itaque cū maiore pertinacia, quā fructu, ſeptam diu tenuiſſent: tandem deſperatā expugnatione, vnde ferro non poterant, auro ſe inde depelli permiſerunt, numeratis ſibi tribus aureorum nummūm millibus.

Mortuus eodem anno eſt primus Vilnenſis Epico-
pus Andreas Waſilo. Sed & Regiſ Hedui-
gi idem annus vltimus fuit: filiam enixa, vitā eſt functa: quæ res
mærorem Lituaniz non parum auxit. Erat ſiquidem
Princeps Lituanis ſingulariter addicta, omneque ſtu-
dium ſemper intendebat, ad eorum iuuentutem omni
disci-

Scythæ
Ruſſiam
vaſtant
Kiiouiam
obſident.

Hedui-
gi
Regiſ
mortuā.

disciplinarum genere excolendam. Eade cauſa, cū necdum Cracouiæ publicum literarium gymnaſium eſſet erectum, Pragæ in Bohemia Collegium pro Lituanis exſtrui curauerat, atque amplis redditibus inſtruxerat. Rex & publicā clade & priuato mærore anxius, domesticum vulnus ferē magis ſentiebat. Quod enim nullam haberet maſculam prolem, ex Hedui-
gi ſuſcep-
tam, ſubuereri cœperat, ne coniuge regni hærede elatā, ipſe quoque Polonia excedere cogeretur. Deguſtatā ſemel imperij dulcedine, horrebat priuatam vitam animus: timentī autem, nil promiſſus erat, quā ſuſpicari. Quare conſultō in Ruſſiam ſeceſſit, ut ab eo loco tum animos Polonorum diſpiceret, quō inclinarent; tum rationes iniret, quibus, ſi fortē Polonia excluderetur, amoto Vitoldo, Lituaniz imperium reſumeret. Neque prius ijs curis ſolutus eſt, quā Poloni proceres, regias ſuſpicionem odorati ſpōndiſſent, eo viuo, neminem alium in Polonia regnaturum.

Ea ſponſione Rex erectus, animum ad ſecundas nuptias flexit: duxitque coniugem Annam Hungaram Ciliæ Comitſ filiam, Caſimiri Poloniz Regis neptem. Nuptialibus feſtis, præter alios Principes, interfuit cum coniuge Alexander Vitoldus. Actum eſt inter illum & Regem de renouando Poloniz ac Lituaniz fædere: at commodiſ viſum, ſi id negotij in Lituaniam differretur. Interea tamen Andreas Vigundus Dux Starodubij datis literis fidem ſuam obſtrinxit Regi, ſe Vitoldo mortuo cum alijs per Lituaniam Ducibus, nullius alterius
I
imperium

Regis Ia-
gelonis
anxietaſ.

A. 1400.
& ſecun-
de nuptia.

A. 1400. imperium agniturum, quàm Regis Poloniæ Iagelonis. Vitoldus in Lituaniam reuersus, memor accepti nuper ab Optimo Numine beneficij, quo ex anni superioris clade incolumis euaserat, ad argumentum gratæ voluntatis, Sacerdotibus Ordinis D. Francisci, Caunæ primùm, deinde Osmianæ, templum cum asceterio munificè erexit, ac dotauit.

A. 1401. Proximâ hyeme Rex Iagelo in Lituaniam venit: ab eius aduentu publico gentis vniuersæ conuentu Vilnam indicto, fædus Polonicum curâ exactiore instauratum est. *A. 1401. Iagelo fædus inter Poloniam, & Lituaniam instaurat.* Ampla enim erant nimis Iagelonis promissa, Polonis regni causâ factâ: sed impletu ardua, atque ideò cautiore suspecta. Quare iteratis literis, ac spon- sionibus procerum Lituaniæ, ea firmari Poloni volebant. Præstitum id est, in hoc conuentu, legibus eiusmodi disertè expressis. Lituaniæ ordines, publico monumento testatum facerent, de libero ac concordi omnium consensu, Lituaniam cum suis Ducatibus ac Pro- uincijs, Regno Poloniæ accessisse: decedente Vitoldo, Lituania cum vniuersis sui iuris ditionibus ad Regem regnumque deuolueretur: principatûs Nouogroden- sis portio, cum aliquibus latifundijs Sigismundo Kiey- stutiadæ, in patrimonium cederet, eâ tamen adiunctâ conditione, si in Regis ac regni obsequio permaneret: vxor Vitoldi, possessionibus dotis nomine sibi addictis, quoad viueret, liberè frueretur: rege vitâ functo, neque Lituan, exclusis Polonis, Ducem Lituaniæ; neque Po- loni, exclusis Lituanis, Regem Poloniæ legerent: vtri- que

que genti hostes communes forent, mutuisque se inui- cem auxilijs in omni bello iuuarent. Addiderunt aliqui scriptores, cautum quoque fuisse, vt Iageloni vitâ fun- cto Vitoldus in regnum succederet: at huius rei nulla vestigia in ipsis rei actæ tabulis deprehenduntur. Cùm Principes publicæ quietis commoditate vsi, in firman- da populorum concordia occupantur, ad Podoliæ con- finia, per Romanum Petrilowicz Palatinum Valachiæ turbari cæptum. Verùm à Suidrigelone Podoliæ guber- natore maturè domitus, carceribus pœnas temerè lum- ptorum armorum luit. Neque priùs sibi, ac Dominio Valachiæ, seu Daciæ, restitutus est, quàm regiâ aucto- ritate intercedente, libertatem impetrâset, his condi- tionibus: Valachia Regno deinceps subiecta, perpetuò maneret; Romanus verò in obsequio Regis: vtrique conditio sponsione ac iureiurando Romani roborare- tur.

Bohemi quoque Iagelonem, vix nouo bello non im- plicauerunt. Destinauerant illi Vencellaum Regem imperio mouere, insignem eius ignauiam perosi. Vt itaque contra vim, externâ se potentiâ munirent; Iage- lonem ad capessendum Bohemiæ regnum, splendidâ legatione inuitabant. At cautiore erat Iageloni mens, quàm vt eam fulgor diadematis oblari perstringeret, ne penitiùs peruideret, quantum sibi periculi, curarum- que eâ legatione accerferetur. Nouerat probè, regna ampla, ingenijsque ac moribus populorum diuisa, ægrè vnus imperio circumagi: supremo Numine, sic res

A.1402. hnmanas temperante, vt quemadmodum vnum caput vni corpori, ita vnus Rex vni populo, sit necessarius. Cogitabat, quantacunque Venceslai ignauia esset, non esse tantam, vt amissi regni vulnus non sentiret. neque Sigismundum eius fratrem Hungariæ Regem pacatè laturum, tam fratris exilium, quàm adsciti Principis in fraterno solio regnum. Hussij quoque concionibus facta in Christianis religionibus mutatio, totam prope Bohemiam grauibus iam turbis inuoluerat. His secum perpensis, non grauatè Iagelo legationem Bohemorum repulit, illud maximè prætendens quòd nollet isthic regnare, vbi populus Hæreticæ factionis, Christi & Ecclesiæ eius iugum, excussisset.

A.1403. Breuem in Lituania pacem, nouum è vetere, malè extincto fomite, bellum exardescens excepit. Georgius Suetonslaides, Smolensciâ nuper exutus, ad belli materiam, quam amissi Principatûs desiderium suppeditabat, solam occasionem quærebat: neque alia commodior visa, quàm cum Vitoldus clade Scythicâ attritus, vt virium, ita terroris, minùs habebat. Collatis itaque cum Socero, Rezanensium Principe, consilijs & armis, inuasit Smolensciam. Urbis quidem, arcisque Smolensci, occupatio, non difficilis fuit: quòd in ea plerique ac præcipuè nobilium, factionem Georgij sequerentur. Admissus illorum prodicione intra mania, extremè in Vitoldianos desæuijt: non promiscuustantum miles, sed vniuersi nobiles, vnâ cum Romano Branscij Duce, Smolensciæ Gubernatore, cæterisque primoribus

Georgius
Smolensciâ
occupat.

bus cæsi sunt; ægrè eius coniugi ac paruulis liberis vita donata. Vitoldus quiete potiùs ad reparandas vires egebat: verùm ne rebellionis inultæ exemplum, spem audaciamque rerum non infelicitè nouandarum, ad viciniore Prouineias vulgaret; rapto, quem potuit habere, popularium exercitu, & paucis Polonorum cohortibus stipendiarijs, quibus plurimùm fidebat, maximis itineribus Smolensciam petijt. Georgium suos in campo opponere ausum, prælio fudit. Smolenscum cum Prouincia vniuersa recuperauit, atque in formam (vti vulgò dicitur) dilstrictus, redegit. Georgius desperatis rebus in Hungariam vsque profugit: vbi Sigismundi Regis signa secutus, in prælio globo traiectus, interiijt.

Vitoldus
eam armis
recuperat.

Redditâ inde pace, ab alia parte, nouæ per Suidrigelionem turbæ sunt excitatæ. Ex fædere nupero, obtinebat Podoliam, quam Rex à posteris Spithonis redemptam illi attribuerat: in Polonia verò arces Striium, Sydlouecium, Stobniciam, Vscie, cum earum latifundijs. Prætereà ex salisfodinis in singulos annos, mille quadringentarum Marcarum Polonicarum pensionem percipiebat. Amplum satis patrimonium, & magno Principatui par: sed suprema ambienti, quidquid infra votum erat, pro exiguo habebatur. Iterum itaque in Prussiam transijt, vt Crucigerorum auxilijs Principatum Lituaniæ inuaderet. Vastata est miserè, eâ Crucigerorum expeditione Lituania. Vitoldus enim, in sperato bello circumuentus, exercitum, quem opponeret, ad manum non habebat. De pace verò cum Cru-

Suidrigelo
nonastur-
bas concit-
rat.

Crucigeri
Lituaniam
vastant.

A. 1403. cigeris inconsulto Iagelone non poterat, quod id nuper Iageloni spondisset. Monitus Iagelo de rerum Lituanarum statu, prior Crucigeros de pace per legatos compellat: neque Crucigeri alienos ab ea animos præferunt. Raciunzum ex mutuo consensu ad tractandum negotium destinatur: quod belli pacisque capita, Rex Iagelo, Dux Vitoldus, & Magister Iuningen, conuenerunt ad diem conductum. Multa à Crucigeris proponebantur, quæ procul dubio negotij cursum abruptissent, nisi necessitatis ratio plus extorlisset, quam honesti studium permissurum videretur. Vitoldus enim seu ut Suidrigelonem Crucigerorum societate nudatum, ad alia consilia adigeret, seu quod iam tunc bellum Moschouiticum animo coqueret, in conditiones admodum difficiles consensit. Ictum est fœdus, præcipuo illius auctore Antistite Vladislauensi, his legibus: Crucigeris Vitoldus Samogitiam perpetuo iure addiceret; Rex Iagelo quadraginta millia florenorum numeraret: Crucigeri Dobryniam Polonis restituerent: captiui utrimque fideliter redderentur, transfugæ extra fines eijcerentur, excursiones mutuae per confinia serio arcerentur. Conclusæ pacis initium, ab humanitatis officijs Conradus auspiciatus est, Rege & Vitoldo Torunium inuitatis. Sed memorabilius est, regis benignitatis monumentum, quod Iagelo Rex isthic reliquit. Cum vi-fendæ vrbs causâ, equo per plateas veheretur, casu fortuito, an malitiâ, à muliercula quapiam è domus fenestra coquinarijs sordibus est perfusus: omnibus ad tantum

Fœdus no-
tum cum
Rege &
Vitoldo
percutiunt.
A. 1404.

tantum facinus horrentibus, Rex fœminæ, iam ad a-
quas damnatæ, vitam & impunitatem impetrauit. Re-
ge ad pacandam eam oram intento, Poloni sumptis tu-
multu armis, Suidrigelonis præsidia ac præfectos totâ
Podoliâ eiecerunt: legem insuper plebisciti instar tulerunt, ne deinceps paterentur, alterius quàm Polonæ nationis Præfectum Cameneco imponi.

Vitoldus è Prussia digressus, ne Crucigerorum ani-
mi Suidrigelonis artibus nutare inciperent, constitu-
tam pacem quàm primùm reipsâ firmare instituit. Ho-
noricâ legatione Magistrum ac Primores Ordinis
Caunam inuitat, ut quæ Raciqzij conductæ fuerant, ad
exitum deducerentur. Præcipui quique venerunt, at-
que à Vitoldo Latino Teuthonicoque sermone conscri-
ptas tabulas receperunt: quibus Samogitia à Principa-
tu Lituanæ auulsa, Crucigerorum dominio mancipa-
batur. Mox deductis Vitoldianis præsidijs, arces, op-
pida, atque adeo vniuersa regio, à Magistro Ordinis,
præsidibus missis, consignata est. Graue nimium id iu-
gum visum Samogitis, ad externa imperia non aslue-
tis: multæ itaque clandestinæ cædes interuenerunt,
quibus curiarum pagorumque præfecti, à colonis aut
ferro sunt iugulati, aut aquis suffocati. Quamuis verò
commune gentis odium omnes suspectos cædum face-
ret, auctores tamen perpetrati facinoris nullo certè in-
dicio teneri poterant. Vitoldus ideo veritus, ne se aut
instigante aut conscio, hæc attentari Crucigeri crimi-
narentur: maiore curâ contendit, ne amplius sub inso-
lito

A. 1404.
Suidrigelo
à Polonis
è Podolia
eijciunt.

A. 1405.
Vitoldus
Samogitiâ
Crucigeris
tradit.

Samogitas
ad obse-
quendum
Crucigeris
cogit.

A. 1405. lito iugo Samogitæ tumularentur. Excitatis ad rebellium frenandos motus tribus arcibus, duabus ad Niewiazæ ripas, tertiâ in confluente Dubissæ ac Nemeni, præsidia valida imposuit. Suidrigelo verò Podoliâ depulsus, cum nequidquam Crucigeros ad præbendum perfugium sollicitasset, supplex ad Iagelonem redijt. Rex ut erat molliore ad preces animo, veniâ præteritorum indultâ, cum Vitoldo agit, ut exulem ac supplicem fratrem recipiat. Nil quidem constans Vitoldus ab ambitioso Suidrigelonis genio expectare poterat: nihilominus, ne beneficio negato spontè sibi hostem fecisse diceretur, ita illud præstitit, ne cum prodesset Suidrigeloni, sibi officeret. Collatis enim Branſcensi, & Starodubensi Ducatibus in Seueriam Suidrigelonem remouit, ubi facilius in obsequio retineretur, aut si ad ingenium rediret, opprimeretur. Solutus siquidem curâ Prussici belli, vniuersas vires in Seueriam vertere destinauerat, ut tandem diu animo agitatam in Moschos expeditionem aggrediretur. Belli huius occasionem, eiusmodi fuisse reperio apud Scriptores.

A. 1406.
Belli Mos-
chouitici
ocasio.

Non amicitia tantum, sed etiam affinitas, uti memorauimus, inter Vitoldum, & Basilium Moscæ Ducem intercedebat: hinc securius ab vtriusque subiectis populis commercia tractabantur, mercatoribus liberè quauersam commeantibus. At quæ tam firma publica pax, quam avaritia priuatorum non euertat? Accidit fortè, Mercatores Lituanos circa Putiwoliam, à Moschis inuadi ac mercibus spoliari. Damnum, non tanti fortassis

fortassis erat, ut Principes bello committeret; sed quæ A. 1406. eloquentia querelarum plerumque est, exaggeratiùs Vitoldo proposita, vehementer eum permouit: visaque res non indigna, ut per nuncium & ablata repeterentur, & auctores flagitij ad pœnas poscerentur. Basilius verò, non quòd hostile aliquid animo volueret, sed quòd leuius id negotium existimaret, quàm ut tanto motu agitaretur, legatum amicè ac honorificè habitum, infectis rebus dimittit. Hinc Vitoldus non iam subditorum iniuriâ, sed sui ut opinabatur contemptus impatientiâ furere: ægritudinem tamen animi & belli cogitationes, quamdiu pax cum Crucigeris esset incerta, scitè tegere. Ita, sæpe momenta rerum apud Principes, opinionibus ijsque falsis vertuntur. Pacatis in Prussia rebus, exercitum, tacitè, in eum usum, ante comparatum, in Seueriam mouit: atque inopinatò Basilij ditiones inuasit. Basilius insperato bello oppressus, raptò quem poterat habere, milite, ad Vgram latè populanti Vitoldo occurrit. Medius is fluuius inter aduersa castra labebatur: atque ea sola mora fuit, ne mox infestis signis concurreretur. Interea Basilius, seu viribus suis diffusus, seu nolens tam leui belli occasione, clade populorum litari, Vitoldum per legatos, affinitatis veterisque amicitia commonet, atque ad colloquium inuitat. Eam legationem Vitoldus, metus confessionem pacisque postulationem esse interpretatus, atque adeò dignitatis nuper læsæ reparationem, facilè de cupiditate vindicta remisit, neque alienum se à pace ostendit.

Exorsus
eius belli.

A.1406. Congressi secum affines Principes, citò in pacem conuenerunt : ad veterem eius formam hâc duntaxat conditione adiectâ, vt damna priuatis, Vitoldo bellicas impensas Moschus compensaret. His constitutis, cùm inter legiones Pax (populari voce *Mir*) inclamata fuisset; nobilis Vitoldianus eques, velut indignatus loco signi ad prælium, thesseram concordia se audire, altâ voce paci illi obnunciat, ingeminando *Nemir, Nemir*. Hinc commilitonum militari licentia Nemira (cum ante Nâgora vocaretur) cognominatus, ad amplissimam posterorum suorum familiam, Niemirarum nomen transmisit. Sperari iam poterat cum Moscho firma pax, nisi vetus barbarum fax Suidrigelo, citò pertæsus eius fortunæ in qua beneficio Vitoldi agebat, pro vilitata inconstantia, nouo bello occasionem ministrasset. Sub finem enim huius anni Bransco ac Starodubo arcibus exustis Nouogrodecum Seueriæ Metropolim Duci Basilio prodidit, ipseque in Moschouiam fugit.

*Suidrigelo
Seueriam
Moscho
prodidit.*

A.1407. Cogitur itaque rursus arma resumere Vitoldus, & maiore apparatu bellum Basilio inferre. Ex vniuersis Lituaniæ Prouincijs copiæ Smolenscum conuenire iussæ. Adfuerunt ad condictum diem Rombowdus Lituaniæ Marefchalcus cum Lituanis Samogitisque, Olkelko seu Alexander Slucensis Dux cum Kiiouiensibus ac Volynijs, Iwanus Boreykowicz Chodkiewicz cum Seuerijs ac Smolenscensibus. Stipendio in Polonia lecti hastati equites, ductore Shigneo de Brzezia, & centuria pedestris à Magistro Prussiae, suppetiarum, nomi-

*Vitoldus
Moschouiam
inuasit.*

ne

ne missa. Recenso ad Smolenscum exercitu, leuiorem equitatum partitus, Ducibus ea mandata dat, vt varijs itineribus à castris digressi, quàm latissimè in vtramque partem, igne ac ferro grassarentur, ac demum ad Ocam conuenirent : ipse verò Vitoldus rectâ medijs inter vastantes, grauiorem militem atque impedimenta duxit. Neque segnius comparauerat bellum Basilius : quod quia Suidrigelonis causâ susceptum erat, eius quoque auspicijs ac ductu geri voluit. Occurrit Suidrigelo maturè ad Ocam cum Scytharum Moscho-umque copijs, atque occupato perdifficili inter paludes passu, quâ Vitoldo necessariò transeundum erat, eum ab vltioribus Basilij ditionibus exclusit. Insuper dimissis, qui siluas inter ac paludes gnarorum ductu latitarent, atque redeuntem, ab agrorum vastatione equitatum ex insidijs carptim affligerent, perdifficilem belli continuandi rationem Vitoldo reddidit. Neque enim submouere de statione hostem paludibus tutum, neque vi suis aperire viam poterat, quòd peditatum, cuius maximus in ea occasione vsus fuisset, perexiguum haberet. Hærenti autem in eo loco cum exercitu, indies arctior annona futura erat. Versatâ in omnem partem mente, tandem rursus equestrium legionum ductoribus mandat, vt paludes ac siluas plenis signis circumuecti, quâ per aperta possent, ditiones Basilij latissimè vastarent. Sensit eam cladem Basilius, atque ad petendam pacem compulsus est. Data est ex antiquis conditionibus, Suidrigelone excluso. Vitoldus, tanquam si

*Suidrigelo
pro Mos-
cho pug-
nat.*

*Moschus
pacem po-
stulare co-
git.*

A. 1407. confectares omnino esset, designatis ad exercitum ex hostico deducendum Ducibus, ipse maximis itineribus, mutatisque per intervalla equis, Vilnam properavit. Non parum interea, ut fere absentibus belli capitibus accidere solet, exercitus damni accepit. Quamquam enim Moschi Suidrigelonem, uti cum Basilio conventum fuerat, deseruissent: ipse tamen suæ factionis hominum operâ, Russorum ac Scytharum aliquibus manipulis in prædæ spem sub sua auspiciâ pertractis, haud leuiter Vitoldianos à tergo ac lateribus inter sylvas infestando, carpendoque afflixit. Accessit in agris nuperâ vastatione exhaustis, extrema annonæ penuria. Aegrè ex hisce difficultatibus eluctatus exercitus, ubi Lituaniæ ditiones attigit, aliquâ quiete est recreatus: inde ordinariæ copiæ domos dimissæ, Poloni verò ac Prussi Vilnam usque perducti, atque à Vitoldo non stipendijs tantum liberaliter numeratis, sed munificis etiam muneribus adiectis, exauctorati sunt. Eodem anno Iacobus Vilnensis Antistes, natione Lituanus, ex Franciscani ordinis disciplina, ad eam dignitatem assumptus obiit.

A. 1408. Interea in Prussia novum contra Lituaniam bellum fabricabatur. Samogitiæ nuper traditæ possessio, minor Crucigeris videri, quam ut eius causâ spem Lituaniæ occupandæ negligerent. Cur enim prius quiescerent, quam vniuersas Lituaniæ Prouincias sui iuris fecissent? Tantâ contentione per tot annos pugnatum esse, cum Lituaniis res integræ fuerunt, nunc verò otio torpentes quieturos,

*Suidrigelo
Vitoldi
militem
affligit.*

*A. 1408.
Crucigeri
bellum in
Lituaniam
meditantur.*

quieturos, cum prope debellatam haberent Lituaniam? A. 1408. Quomodo apud vniuersam Europam, nomen equestre tuerentur, si pace inde cum Polonis, hinc cum Lituaniis firmatâ, gladios rubigine obduci paterentur? Audent modò rursus ad arma conclamare, procul dubio Iagelonem & Vitoldum, qui nuper belli metu Samogitiâ prodidissent, propediem Lituaniâ cessuros. Hæc, hisque similia, occultis sermonibus iactabantur, apud immodicæ cupiditatis homines: sicut flamma aggestâ materiâ augetur, non opprimitur; ita illis libido habendi, ex his quæ habebant, creuerat. Non defuerunt nihilominus inter illos, qui sitim illam sanguinis alieni abominati, Iagelonem præmonerent; ut gliscentis, ac propediem exarsuri belli initijs, obuiaret. Iagelo communicatis cum Vitoldo consilijs, velut alia agendo Caunam venit: atque per speciem humanitatis, primores Crucigerorum ad se inuitat. Inter mutua hospitalitatis, ac nuper initæ amicitie officia, sermone ad pacis mentionem deducto, studiosius coepit Rex cum Vitoldo, tum ipse rationes inquirere ac proponere, tum à Crucigeris vestigare, quibus solida inter Prussiam ac Lituaniam pax, stabiliri posset. At ingenti fastu tumidi, augendarumque ditionum avidiores, nihil moderatum aut admittebant, aut adferebant: itaque rebus infectis est discessum. Pauci deinde abiuerunt dies, cum ipsi Crucigeri apertis inimicijs materiam ministrârent. Per continua superiorum annorum bella, cum & vastationes hostiles omnia exhaustissent, &

A. 1408. volitantibus circumquaque militaribus signis, coloni agros deseruissent, ad extremam annonæ inopiam redacta fuerat Lituania. Eam afflictæ patriæ sortem, releuare volens Iagelo, viginti maiores naues vario frumento oneratas, secundo Vistulâ ad fines Prussiæ deuehi iubet; atque inde per confinia eiusdem, in propiora Lituanix loca, frumentum curribus deportari. Eam annonam omnem Crucigeri in Vistula interceptam, auertērunt: insuper Regi de violato fœdere, illatâque iniuriâ per nuncium expostulanti, responderunt: ex æquo & iusto factum, quod ea sint ablata, quæ Rex Ethnicæ genti contra Christianos suppeditabatur. Quamquàm enim non ignorarent, à viginti & amplius annis Lituanum populum cum Proceribus suis, Christianis sacris initiatum fuisse, Ethnicos tamen eos vocabant, ut religionis prætextu, Principibus Christianis (adeoque ipsis Romanis Pontificibus) quorum aut viribus, aut dissimulatione, bella in his regionibus ferebant, imponerent. Rege ad hæc nil properè, ne quid temeritatis immisceretur, mouente: Crucigeri velut pertæsi annuæ ferè quietis, impatientesque differri regiâ benignitate bellum, Lituanos mercatores Ragnetæ in Prussia, ex fœderum fiduciâ securè agentes, inuadunt; aliquos cædunt, reliquos fortunis omnibus spoliant. Vitoldus eo nuncio accepto, siue quod ferociores ei essent à natuta impetûs, siue quod gnaro rerum, nihil pacati à Crucigeris appareret, hostem præuenire statuit. Rombowdo Marschalco negotium dat, ut tumultuario

*Etque occasione
semel, iterumque
militant.*

*Vitoldi
iussu ex
Samogitia
excitatur.*

multuario milite Crucigeros, quod primi fœdera rupissent, totâ Samogitiâ, quàm celerrimè eijciat. Executus impigrè mandata Rombowdus, prius præsidia omnia, cum præfecto Prouinciæ excidit, vniuersâque Samogitiâ est potitus, quàm primorum motuum nuncius in Prussiam peruenisset. Furere inde Crucigeri, ac velut superos furoris sui ministros fore securi, extrema Vitoldo, Iageloni que minari.

Ne tamen aut materiam bello, aut initium, ipsi priores dedisse viderentur, Regem per legatum compellant. Legatus explicatis, quæ Vitoldi iussu in Samogitiâ acta essent, rem eam inultam abire non posse, Ordinis sui vniuersi nomine protestatur: tum, nisi quàm primùm compensatis damnis Samogitia restitueretur, bellum Lituanix apertè indicit: demùm postulat, ut Rex animi sui sententiam disertè aperiat, quidnam apud se constituisset, Vitoldinè defendendi curam suscipere, an verò eo neglecto, pacem nuper cum Crucigeris initam, conseruare? Anceps nimium erat quæstio: in arcto constitutus Rex, quocumque animum inclinaret, in præcipitium ruebat. Negaturum se auxilia Vitoldo sponderet! at cum fratre, Patriam, immanissimis hostibus prostituebat. Vitoldum à se deferi non posse diceret! at pro Crucigeris, Germanorum, Vngarorum, ac Bohemarum arma, concitabat. Primores Polonorum qui consilio aderant, Samogitiæ restitutionem impensè apud Regem vrgebant: ita enim accidere solet, ut in Rebus publicis quæ diuersis gentibus constant,

A. 1408.

A. 1409.
*Crucigeri
bellum in-
dicunt.*

A. 1409. constant, cuius genti sua magis cordi sint; malitque quælibet, alterius potius damno, quam suo negotia transigi. Rex, siue ut quæstionem Crucigerorum eluderet, siue ut moram consilijs sumeret, respondit. Se in ea Republica regnare, in qua de tanti momenti rebus, nihil extra comitia Ordinum, statuere certi posset. Dimisso legato, comitia Lanciciam indicta: in ijs, Nicolaus Kurowski Gneznenfis Archiepiscopus destinatus est ad Crucigeros, cum mandatis, ut omni arte ac studio, Magistrum ad amicam cum Vitoldo litis transactionem, sollicitet. Non defuit commissio sibi negotio Archiepiscopus: at quidquid tandem ageret, diceretur, non aliud verbum ex Magistro elicere poterat, quam iam, iam, suos in armis esse, atque in Lituaniam duci. Intolerabili hominis superbiâ omnem humanam negotij illius tractationem repellentis, ad indignationem motus Archiepiscopus: desine, inquit, Magister, toties, tamque impotenter bellum minari: si quid moueris, nos quoque domi tuæ cum bello habebis. Ad hæc excandescens Magister: Sat, abunde legationi meæ responsum est: quoniam verò de regia voluntate, iam mihi ex tuis verbis constat, ego quoque cauda relictâ, malo caput aggredi. Nihil moratus, ab discessu legati, signa in Poloniam moueri iussit. Dobryniâ vi captam exussit, præsidium omne cum Præfecto Plominski excidit. Eadem ferociâ in Lipinum, ac Ripinum defauit. Bobrownikos deditio, Bydgosciam proditio, Zlotoryam octo dierum, oppugnatione occupauit. Rex Jagelo

Dobryniâ
inueniunt
et occu-
pant.

Jagelo tantis illorum progressibus coactus, bellum & A. 1409. ipse in Prusiam, per Poloniae Prouincias edicit. Minores Poloni, ac Volynij, Volboriam conuenire iussi, Maiores Poloni Lanciciam: Coactis ad Radzieiowiam uniuersis copijs, Bydgosciam inprimis exercitus ductus. Accepto ibi nuncio Crucigerorum signa ad Swieszcze confluere, Rex prius quam castra eò promoueret, validam delectorum manum præmisit, quæ bellicæ fortunæ experimentum sumeret. Successit res ex voto: magna clade Crucigeri profligati sunt, castrisque exuti. Debellatum eo autumno fuisse, nisi Regis Bohemæ Legati felicem armorum cursum stitissent. Nam apud Regem pacis quam belli cupidior, ostensâ spe eius conciliandæ, facile euicerunt, ut proiectâ, quam in manibus habebat, rei feliciter gerendæ occasione, concederet fædus, ad sequentis anni exeuntem Iunium, duraturum. Antequam eius fæderis nuncius in Lituaniam perueniret, Sigismundus Dux Corybutus, subitâ in Prusiam irruptione, tria oppida cum castellis cepit, viciniamque circumiacentem vastauit. Famâ eius facti in regiam delatâ, Jagelo verebatur, ne vicissim Crucigeri aliquid attentarent: celerrimis itaque nuncijs, factum Sigismundi excusare apud Magistrum, contendit, postulans ne quæ per ignorantiam pactarum induciarum contrigerant, fraudi essent fæderibus non pridem constitutis. Crucigeri nihilo ob excusationem regiam mitiores, vindictæ animum ad tempus dissimularunt, ut crescente inde Lituanorum securitate, maior repoen-
L nendi

A Poloniâ
profligantur.

A Lituanis irrita-
tur.

nendi eis damni commoditas daretur.

A. 1410. Lituaniam infestant.
Ad finem usque hyemis pacata erant omnia; incunte primùm Martio ad fines Lituaniz tacito agmine perueniunt, excubijs ad Iskram amnem interceptis, in Volkouiscenses usque agros effunduntur Volkouiscum subitâ incursione captum est, ingensque mortalium vis, quæ forrè festo die ad templum confluxerat, partim cæsa, partim in captiuitatem abducta. Non procul inde Vitoldus aberat, sed absque milite: ne itaque ipse quoque repentinâ clade inuolueretur, præsertim quod quantus esset hostis ignoraret, inter profundiores sylvas eum impetum declinauit. Sed neque deinceps quidquam mouit, ne nouo motu coalescentis pacis negotium abruptissimè eum Crucigeri criminarentur. In Iunium usque, quietæ permansere partes: Crucigeri ex sumptæ vindictæ voluptate, Vitoldus verò fæderum religionisque reuerentiâ. Tantùm temporis ex fædere, paci consultò indultum fuerat, ut interea Venceslaus Bohemiz Rex, de pace perpetua cum aduersis partibus transigeret. Sed ab homine suarum etiam rerum extremè negligente, quid solidæ operæ circa aliena nauari posset? Nihil omnino seriò per tam longum armorum silentium, de vltiore pace actum est. Haud temerè igitur Iagelo suspicatus, rem omnem eò deduci, ut tandem armis decernere necessum foret, Brestiam Lituaniz excurrit, ut cum Scytharum Regulo, atque Vitoldo de bello conferret. Ibi communi consensu belli contra Crucigeros vniuersis viribus gerendi stetit sententia:

at

A. 1410. Sigismundum Cæsarem in amicitia conatur retinere.
at eo bello Sigismundum Imperatorem, Venceslaumque Regem, non inuoluere, neque postrema, neque parùm momenti rebus allatura, pars consilij erat. Subtractis enim Hungarorum, ac Bohemorum auxilijs Crucigeros resistendo pares non fore, non ex vano coniectabatur. Durabat quidem adhuc fædus, in sedecem annos, inter nominatos Principes, Poloniamque ac Lituaniam, initum; ex cuius formâ, auxilia Crucigeris ministrari non debebant: ut prouidum erat muerere, ne religionum atque æqui auctoritas, hominum linguæ ac generis communione, iunctorum respectui, cedere cogeretur. Sumpsit id negotij in se Vitoldus: atque Gastoldo, Romboudo, Radiuilo, proceribus, in comitatum adscitis, ad Cæsarem est profectus. Conuenerat etiam secretis consilijs, solo Regni Procancellario Traba conscio, ut si Vitoldus Cæsarem fratremque eius non alieno à suis rebus animo deprehendisset, Iagelo quoque ad firmanda fædera, quam celerrimè occultis itineribus occurreret. Quamquam verò Vitoldus nihil eorum omiserit, quæ ad conseruandum cum Sigismundo & Venceslao fædus profutura existimabat: omne tamen eius studium in irritum abiit. Sigismundus imprimis disertè professus causam Crucigerorum, à se deseri non posse; negabat Polonis se amicum fore; si illi Crucigeros bello lacefferent. Deinde multis, (inter quæ erat promissum Regij pro Lituaniz diadematis) sollicitare Vitoldum contendit: ut, cum Prouincijs ad Lituaniam pertinentibus, secedat à Polonia. Execratus eas

L 2

machi-

A. 1410. machinationes Vitoldus, cum nihil pro fœderum conseruatione, cuncta contra eorum fidem agi videret, in salutato Imperatore, in Poloniam abiit. Assecutus celerissimo cursu Imperator abeuntem, post varia hospitalitatis priuatæ officia, munificè donatum, ac exquisitis promissis oneratum dimisit. Vitoldus in Poloniam delatus, apertis Cæsaris consilijs, Iageloni auctor fuit, ut contemptâ Hungariâ, Bohemicâque amicitia, utpote nihil commodi rebus eius allaturâ, bellum omni ope contra Crucigeros maturaret. Rex certus belli, nihil neglexit, quod ad tentandas pacis vias, ex nupero fœdere, seruiebat. Lectos è Polono Lituanoque senatu, viros Principes, ad Venceslaum Romanorum iam Regem, misit, ut quemadmodum sponderat, suo arbitrio pacem stabilire contenderet. At Venceslaus longè diuersa ab ijs, quæ superiore anno per legatos Iageloni promiserat, agebat: conatus insuper soluere fœdus, quo Poloni Lituanique, in vnam coaluerant Rempublicam. Persuadere Polonis voluit, ut exclusis Lituanicæ Principibus, deinceps ex Germania Regem Poloniæ solum sponderent; si pacem aliquam inter Crucigeros & Poloniam stabiliri optarent. Indignitate rei, tamque impudente hominis calliditate offensi legati infectis rebus redierunt: interea verò, elapso Iunio bellum adoleuit; quod ab alijs copiosè scriptum, mihi eâ tantum parte memorabitur, qua Lituanorum res attingit.

Eodē successu cum Venceslao Rege agit.

Completo induciarum tempore, cum Iagelo Polo-

nia

niæ vniuersæ vires in bellum Prussicum expedit, Vitoldus cum Lituano exercitu, & Scytharum Trans-Volgensium legionibus, quas in eius belli vsum non paucis mensibus, in Lituania aluerat, maturè ad Czeruiscum oppidum constitit. Inde ante Iagelonis aduentum trifariam exercitum partitus, leuiores equitum turmas, ad vastanda propinqua Prussiæ misit. Edita non leuis vastitas: qualem meritò expectes ab ea gente, cui pectus ad clementiæ moderationem, veræ religionis cognitio nondum emollierat. Templâ, & quidquid in illis maximè Sacrosanctum, fœdè violata. Atque, ut quædam regiæ ditionis oppida, loco viciniora fuere, ita cladis eiusdem communione facilius sunt inuoluta. Non Scythæ tantum, gens Mahometanæ superstitioni addicta, sed etiam Lituanî aliqui è gregarijs, nondum sacris Christianis initiati, communi famâ, facinoris auctores notabantur. Tremere itaque Polonus miles contra Vitoldi signa, tamquam sacrilegio commilitonum polluta: itaque, tum ad placandum Numen, tum ad eximendum Diuinæ ultionis populo metum, graues in facinus quæstiones, Principum mandato habitæ; atque Lituanorum aliqui noxæ conuicti, suspensio in caltrorum conspectu necati. Iam Grinnaldiam Iagelo cum exercitu peruenerat. Crucigeri quoque nihil ex aduerso morati, eductis in campum instructâ acie signis, prælium vrgebant. Rex pientissimus, haud ignarus, ut bella ipsa ex humanis affectibus plerumque originem habere, ita victorias solius Numinis nutu dis-

A. 1410. Exercitus in Prussia ducitur.

Confinia Prusiæ ab exercitu Vitoldi vastantur.

Sacrilegia Lituanorum puniuntur.

Ad Grinnaldiam castra conseruntur.

L 3

pensari,

A. 1410. Rex praelij enentū Deo commendat. pensari, ante sacras aras, cūm interea incruento sacrificio litaretur, in genua prouolutus, imminentis praelij fata, supremo rerum omnium arbitro commendabat. Orantem interpellat Vitoldus: hostem sub signis versus castra progredi, nunciat; monet absteret alia agere, cūm venisset tempus, quo ferro de summa rei decernere opus esset. Rege nihilominus inchoata pietatis opus, ad finem usque sacrificij constanter prosequente, ē tentorio se proripit, ocyus cum Lituanis in aciem prodit, dextramque alam sub quadraginta signis occupat, eo maxime consilio, ne aliqua tergiuersationis specie, animi hostium augerentur. Magister Crucigerorum Conradus victoriæ securus, atque inde moræ impatientior, plenā fastu legatione Regem ac Vitoldum in praelium prouocat. Duos enses strictos, vnum dextrā, alterum sinistra ferebat legatus: hic vbi surgenti ab orando Regi obuiam occurrit, Magistri sui nomine moram metumque exprobrat; si arma ad praelium deessent, vnum Regi, alterum Vitoldo gladium à Magistro offert. Imperturbato adhuc Rex animo, vultuque: Bene est, inquit, accipio lubens omen, Hostis in iugulum suum, ferrum ministrantis. Mox dimisso legato, Dei ac Deiparæ Virginis, Sanctorumque Indigentium auxilium breuiter inuocat, signumque pugnae cani iubet. Prior Vitoldus suos in hostem mouit: at illi vt eminus coniectis in hostem sagittis non leuiter equitatum, cum cadentibus nubis instar ab alto iaculis confoderentur, affligerunt; ita leui armorum genere inferiores longē,

A Crucigeris fastuosē ad praelium prouocatur.

Commisssa pugna Lituanis capto pelluntur.

collato

collato pede confertisque gladijs, grauem ferro militem non diu tulerunt. Vrgebat pugnam inter primos Vitoldus: & modō labentes ordines instaurabat, modō referentes pedem, conuitijs atque gladio in praelium reuocabat. Viest tamen fortissimi Ducis curas, totā mole incumbens hostis leui equitatu. Ad iugeri interuallum primō tota ala sensim cessit; mox pars in effusam fugam abiit: pars, ac præsertim Smolenscenses, postquā diu hostem fortiter sustinuit, Polonorum se signis coniunxit. Iam Vilnenses, Trocenses, Samogitæ, Nouogrodenenses, ac Volynij, amisso D. Georgij pratorio signo extremē periclitabantur: cūm Poloni fuso dextro hostium latere, in sinistrum de Lituanis prope triumphans, magno impetu inuehantur. Solutiores iam erant ab ea parte ordines, alijs ad insequendum fugientes effusis, alijs spe victoriæ negligentius signa obseruantibus: repenti itaque mutatā praelij fortunā, victores suā opinione, vinci cœperunt. Magna in hoste strages edita: quadraginta bellatorum millia cæsa, atque in ijs trecenti militaribus functi præfecturis, cum ipso ordinis Magistro Conrado. Ex Polonis, quorum virtuti plena huius victoriæ laus debetur, pauci occubuerunt: maiore longē numero Lituanis ac Russi, vt vel inde intelligi possit, violatorum nuper sacrorum pœnam hanc fuisse, quod infelicitè pugnaverint. Captiuorum militum quatuor supra decem millia numerata, cum tribus belli Ducibus: Vitoldus duos dumtaxat sibi poposcit Marquardum Salizbachium, & Sumbergum, in quos

A. 1410. Poloni Crucigeros prostrant, magna in eis strage edita.

A. 1410. quos offensiore animo erat. Impudentius illi Matrem Vitoldi in publico comitiorum confessu aliquando prosciderant: ad penam itaque eos dedi sibi impetrauit. Partâ tanti nominis victoriâ, Scythæ per Prussiam igne ac ferro obuia iussi exscindere; robur exercitus Mariæburgi admotum. Cessisset procul dubio arx fortunam prælij secuta, nisi fraude Hermani Liunionis Magistri spes tanta in irritum abiisset. Tardauerat ille ad prælium Grinualdense, cum valida Liunionensium Crucigerorum manu, atque ad cladis nuncium, haud procul Hollando oppido substiterat. Ea re in castris regijs vulgatâ, iubetur Vitoldus cum suis, atque duodecim Polonorum cohortibus, obuiam ire. Ad Passeriam ameni nactus hostem Vitoldus, iam eum aggredi parabat, cum Hermanus prælio haud dubiè impar futurus, ad fraudes consilia flectit, & inopinatâ legatione Vitoldum sistit. Aiebat legatus: fractâ proximo prælio Crucigerorum, sociorumque potentiâ, ac præcipuis ordinis capitibus aut cæsis, aut captis, ex paucorum Liunionum cæde, nihil vel ad gloriam, vel ad commoda Vitoldi atque Iagelonis Regis accessurum: si verò Hermanus cum quingentis dumtaxat comitibus Mariæburgum ire permetteretur, effecturum eum procul dubio, ut victoribus tantæ victoriæ fructu, nempe pace, citò frui liceret. Fore enim tantum auctoritatis Hermano, apud reliquias Ordinis, quas Mariæburgi Rex obsidione teneret, ut eo suadente faciliè consentiant, ad reliquum, quod belli calamitatumque superest, perpetui

Iagelo
Mariæ-
burgum
obsidet.

Fraude
Liunionis
Magistri,
irritum cūc-

tuis fœderibus redimendum. Mariæburgi expugnatio- A. 1410.
nem, vel ipso Vitoldo (uti eius munitionis gnaro) non diffidente, satis arduam, non posse esse Regi incruentam: si verò Hermanus cum obsessis agere permetteretur, victos, sine ferro ac sanguine, clementiæ Regiæ se permissuros. Inuenit dolus Hermani, & oratio legati, fidem apud Vitoldum: dati, qui Hermanum cum quingentis eius comitibus, absque iniuria ad Regem deducerent. Neque Rex cautioreisdem promissis deceptus, cum tam valido delectorum præsidio, arcis ingressum Hermano permisit. Ille intra mœnia receptus, iam sui securus, quæ animo complexus fuerat diuersa à verbis, exequi: præsidium arcis, accessione suorum animosius, ad defensionem hortari: mœnia tormentis prostrata, reficere: Equites Ordinis, cladi superstites, ad instaurandam collapsam Rempublicam excitare: arces alias, acciuitates per occultos nuncios in fide confirmare. Ita Mariæburgi expugnatio Hermani dolo ac operâ, difficilior longè reddita, bellum insequentem, usque annum protraxit, tandem pace conclusum.

Ad Torunium de fœderibus actum est, ac conuen- A. 1411:
tum veteribus condicionibus, nisi quod Crucigeri Sa- Pax cum
mogitiâ cesserint, post Iagelonis ac Vitoldi fata eam re- Crucigeris
stabilitur.
cepturi. Ea res non leuiter Polonorum animos offendit. Videbant siquidem, suæ victoriæ vtilitatem aliquam Lituanis obuuisse, sibi verò prope nullam. Tacti huius inuidiâ maximè Vitoldus laborauit, quod crederetur suis artibus eum impulsisse, ut Rex suapte erga Lituaniam
M pronior,

A. 1411. pronior, in eas conditiones consentiret. Constitutâ pace in Prussia, Rex per Lituaniam, reuersus est in Poloniam.

A. 1412.
Cimbarca
neptis Vi-
soldi, Au-
strie Ar-
chiduci
nubi

Cracouiam cum triumpho ingressus Rex, Cimbarcam Kięystudineptem, Semoniti Mazouiorum Ducis ex Alexandra Vitoldi sorore filiam, Ernesto Archiduci Austriæ, magno apparatu, solennibusque cærimonijs in coniugium dedit. Adfuerunt plures Principum legati, inter primos, Cæsaris Sigismundi. Hic, quæ nuper inter Polonos ac Lituanos serere cœperat, vnde horum populorum secessio succresceret, neque hâc occasione maturare neglexit. Securius nimirum Principum machinationes, sub hospitalitatis velo, & latent, & adolefcunt. Ad retinendam speciem amicitiae, atque ad eximendam omnem suorum consiliorum suspicionem, publicastabulas per legatos Iageloni Sigismundus misit, quibus in gratiam Iagelonis antiquabatius, quod, Hungarici regni titulo, in Haliciam & Podoliæ partem, prætendebat. Priuatim verò mandata legatis dedit, vt Vitoldum talibus promissis inescarent, quæ, si à Polonis, vtpote rebus eorum non leue allatura præiudicium, non permitterentur; haud dubiam essent discordiarum materiam præbitura. Extat adhuc eius machinationis in tabulario regni publicum monumentum, Vitoldi ipsius, Nicolai Vilnensis Antistitis, Alberti Moniuidi, & Ioannis Niemira, Palatinorum, manu firmatum.

A. 1413.
Iagelo ve-
rò Rex no-
uo fadere
iungit.

Atque ea fortè causa Iagelonem maximè impulit, vt in sequentem annum comitia vtriq; genti indiceret, in oppido

oppido Hrodlo ad Bugum, peragenda. Conuenêre ad ea frequentes Lituari, non Principes tantum, & primores, sed etiam equestris ordinis. Consilij eius præcipua fuerunt capita: coniunctionis inter Poloniam ac Lituaniam roboratio, & Religionis Romanæ aduersus quasdam sectas ac superstitiones per Lituaniam propagatio. Quia verò nihil ita amicitias humanas in eadem Republica fouet, tueturque, vt similitudo ac æqualitas: vix sperari poterat diuturna pax, quamdiu Magno Duci Lituaniæ, plus in capita fortunæque nobilitatis Lituanæ, potestatis esset, quàm Regi Poloniæ in suos. Maiore subditorum libertate, temperanda erat omnino Magni Ducis potestas: neque id melius præstari poterat, quàm si nobilitate Lituanâ, ad prærogatiuas Poloniæ admittâ, omnes æquo iure, veluti vnius Reipublicæ ciues, viuerent. Ita futurum erat, vt deinceps pax atque vnio Lituaniæ cum Polonia firmius consisteret: si ampliùs non à solius Magni Ducis, arbitrio atque cupiditatibus dependeret. Lege ergo publicâ in eo conuentu cautum est, vt deinceps Nobilitas Litvana, omnibus prærogatiuis, quas Polona habuerat, gauderet. Princeps in capita possessionesque nobilium, non plus iuris usurparet, quàm quantum legibus Reipublicæ permillum. Ius legendi liberè Principis penes Senatuum, ac equestrem ordinem esset; ita tamen, ne vel Lituari in scijs Rege ac Polonis Magnum Ducem, vel Poloni in scijs Lituanis Regem sibi adsciscerent. Magistratûs, vt vocant, terrestres, ac Senatorum classes, ad

Lituanos
ad præro-
gatiuas
Poloniarum
admittit.

4.1413. Polonorum normam instituerentur. Comitij ab utrâque simul gente celebrandis, legitimus locus haberetur, Lublinum, aut Pargouia. Agrorum possessiones absque auctoritate Principis, ne venderent, neuè donarent equites. Ut verò eius fœderis societas arctiùs vniuersos ltringeret, primores Polonarum familiarum, præcipuos quosque Lituanorum ad earumdem gentilitiarum cerarum vsum cooptârunt. Non quòd eiusmodi Nobilitatis aut argumenta aut ornamenta, Lituanis olim defuissent; cum etiamnum plerisque familijs vetustissima maiorum suorum insignia, nihil commune cum Polonorum stemmatibus, habentia, sint in vsum: sed quòd plurimùm momenti ad diuersos populos in vnam Rempublicam copulandos, accessurum haud dubitaretur; si familiarum capita, velut cognatione quâdam, cerarum similitudine, secum colligarentur.

Religio Lituanæ legibus Lituanis firmatur.

Deniq; supra Religionis negotio ita sancitum est. Personæ omnes, quas Ecclesiasticas dicimus, earumque Sacerdotia, ac Sacerdotum bona, ijsdem quibus hactenus in Polonia fruebantur, priuilegijs, deinceps per Lituaniam fruerentur. Princeps ne officia, aut dignitates, publica que munia cuiquam, quàm Romanæ religionis homini conferret, exclusis non solum Ethnicis, sed etiam quibusuis Christianis, qui Romano Pontifici supremo, subijci recusarent. Prærogatiuæ vniuerso equestri ordini collatæ, ne ad eos extenderentur, qui à Catholica religione, & Summi Pontificis obsequio alieni essent. His ita constitutis, atque per Iagelonem, & Vitoldum,

Vitoldum, consensumque Polonorum comprobatis, 4.1413. Lituanæ ordines suam ac posterorum fidem, in sequentes leges obligarent. Magnus Lituanæ Ducatus, cum omnibus suæ ditionis Prouincijs, irreuocabili fœdere coniunctus, vnitusque Reipublicæ Polonæ maneret, nulla que bella inconsultis Polonis susciperet, post sera Vitoldi fata, cum solum Principem agnosceret, quem Iagelo renunciasset.

Republicâ procuratâ, dimissis que comitijs, Iagelo Rex & Vitoldus, ad religionis negotium in Samogitia promouendum, curas omnes verterunt. Magno delectu è Polonia ac Lituania cælestis disciplinæ Magistri euocati, qui rudibus fictorum numinum superstitione implicatis, veri Dei, Diuinarumque rerum notitiam patrio sermone explanarent. Multis omnino laborandum fuit, in eo populo ab auitis sacris abstrahendo: neque ipsi Principes extra partem laboris fuerunt, cum magis ardua intellectu, ad rudium captum vernaculo sermone explicanda essent. Mixta erat minis, muneribus, promissis, ac precibus doctrina. Nihil autem ita ad persuadendam supremi Numinis venerationem valuit, quemadmodum insperati illis euentus, quando ea, quæ hactenus vt Sacrosancta coluissent, impunè à Christianis Sacerdotibus violari videbant. Ignem sacrum, qui perpetuâ sacrificulorum curâ ad Niewiazam alebatur, extinctum esse, idola euersa, lucos excisos, varia suarum religionum fomenta deleta; deos tamen suos quiescere, neque de violatoribus poenas sacrilegij exigere;

Iagelo & Vitoldus circa conversionem Samogitiæ laborant.

*Atque
Samogitiæ
religionem
Christianam
suscipiunt.* gere; primùm mirati: mox vana esse suorum Numi-
num nomina suspicari; tandem, quæ tamdiu fuissent
reueriti, vt ridicula contemnere. Inito demùm popula-
ri consilio, virum ante alios natu grandem delegerunt,
qui omnium nomine sic Principes alloqueretur. Ha-
ctenus pro cultu antiquorum Numinum, & sacris no-
strorum maiorum vlu firmatis, contumaciùs fortè,
quàm nostram erga vos subiectionem decuisset, egi-
mus: Est enim ac debet esse, maior Numinum, quàm
Principum reuerentia. Posteaquam verò Deos nostros,
ita nobis laudatos; vestro iussu violatos, nihil pro se
audere aduertimus, aut parùm, aut nihil virium, illis
esse minimè dubij, vestro Numini, tanquam fortiori,
volentes accedimus; eiusque venerationi nos in futu-
rum mancipamus. Acceptus perhumaniter à Princi-
pibus Orator, reliquis fuit auctor, ne exequi moraren-
tur, quod per illum polliciti fuerant. Frequentiores ergo
deinde ad audiendos de rebus Diuinis sermones, edi-
cendaque veræ religionis præcepta, confluebant. Ac-
cidisse inter hæc lepidam rem Nicolao Wenzyk Ordinis
Prædicatorum sacerdoti; ad populum præsentibus
Principibus verba facienti, aliqui memorant. Explica-
bat fortè de suggestu, creati orbis seriem facer Orator:
cùm grandis natu vetulus sacerdotis sermonem inter-
rumpens, populum elatâ voce alloquitur: Mihi credite
viri: Quæcunque ab hoc iuuenulo homine dici audi-
stis, ficta profectò sunt. Vnde enim ille hæc nosset, cum
ego tot annos, & prope sæculum integram, vitâ & me-

A 1413. moriâ complexus, nequaquam horum recorder? Abij-
set tota concio in risum, nisi Rex auctoritate suâ Sacer-
doti fidem fecisset apud populum. Perbenignè enim
tum edentulum illum, tum reliquos allocutus, edo-
cuit: sacros Oratores, non ea pro concione dicere, quæ
ipsi aut oculis suis vsurpâssent, aut ætate attigissent; sed
quæ pluribus ante sæculis supremi veri que Dei potentiâ
effecta, ex maiorum doctrina, scriptorumque vetusti-
torum monumentis, ac præcipuè, ex Diuinis libris, hau-
sissent. Post laborem diuturnum, superata est tandem
rudis populi ignorantia, atque vniuersi doctrinæ Chri-
stianæ rudimentis pro captu instructi, sacro fonte ad
Catholicam religionem sunt initiati, magnâ Iagelonis,
Vitoldique voluptate. Vitoldus ne sine cultore ager re-
lictus, iterum siluesceret, Pontificatum cum sex Cano-
nicorum Collegio erexit dotauitque: sedem nouo Pon-
tificis, ac Cathedræ, Collegioque, oppidum Miedni-
ki, exædificari mandauit, quòd vt eius tempestatis mos
ferebat, nullæ adhuc per Samogitiam ciuitates essent.
Adiecit alia Sacerdotia minora, Syragolæ, Crosis, Ro-
sienis, Widuklis, Velonæ, Coltinianis, Lucnicis, & ali-
bi, insignibus templis, ac munificis dotationibus in-
structa. Hæc omnia, quia iam ante animo destinata ha-
buerat Vitoldus, magnificâ ad Constantiense Conci-
lium, nobilium Samogitarum legatione institutâ, su-
premæ auctoritatis iudicio confirmari, procurauerat:
vniuersâ deinde Samogitiæ curâ ad Kieyzgailonem de-
lata, Regem Iagelonem in Lituaniam deduxit.

*Samogitiæ
Episcopa-
tus erigi-
tur.*

Longè

4.1414. Longè diutiùs, quàm optasset, Iagelo in Lituania morari coactus est: quod pestifera contagio sæuissimè per Poloniam grassaretur. Inchoatam superioris anni autumno luem, hyems subsecuta mirè propagauit: tam insolitè per Ianuarium ac Februarium auræ tepiditate, ut passim herbæ arboresque vernis floribus contactæ spectarentur. Sedato aliquantùm malo, Rex circa solemnes Pascharis dies Poloniam repetijt: Vitoldus verò nouum bellum orsus est.

*Vitoldus
belli Rus-
sæ Septem-
trionali
infero.*

Septentrionalis Ruffiæ, opulentissimæ ciuitates, Plefcouia, ac Nouogardia, commerciorum occasione, quæ cum finitimis Liuanibus celebrabant, sæpiùs varia auxilia Crucigeris contra Lituanos suppeditauerant. Non latebat id Vitoldum: neque leuiter eius rei recordatio animum fodicabat, sub vindictæ specie, dominij in florentissimas ciuitates occupandi desiderio. Verùm peritissimus dissimulandi artifex non nisi hoc anno secreta consilia in apertum protulit. Collecto exercitu, cum nemo intelligeret, quò eum destinaret, inopinatò versùs Siebiezium ligna mouit, atque modico certamine locum expugnauit. Plefcouiam deinde obsidione cinxit. Diu eam ciues constanter ac fortiter sustinuerunt; tandem manibus integris, animo concidère. Cum enim inde Vitoldum capto operi pertinaciter insistere viderent, inde vires ad diuturniorem patriæ propugnationem impares sentirent: ut vitam fortunæque redimerent, libertatem prodegerunt, ciuitate ac vniuersâ Prouinciâ Vitoldo deditâ. Victor Vitoldus, certâ numerum,

*Plefcouia
deditione
capit.*

morum, equorum, pelliumque pretiosarum pensione 4.1414. in annos, tributî nomine, imperatâ, Georgium Ducem Nolsâ, cum valido delectorum præsidio, gubernandæ ciuitati reliquit: ipse verò, priùs quàm Nouogardensibus ex sociorum fortuna consternatis audaciâ animul- & Mag-
que rediret, vniuersi exercitus robore Nouogardiam nâ Nouo-
aggessus est. Non diu vim tulerunt, famâ Plefcouien- gardiam.
sis victoriæ iam magnâ parte debellati: citò acceperunt iugum Vitoldi, & tributî annui pendendi debitum. Simon Algimundus Dux Holszanus Prouinciæ administrandæ relictus est: præsidia Lituanâ munitioribus locis imposita: reliquæ copiæ prosperè domum rediit. At, quod plerumque temerè occasiones quasuis ad bella captantium, fatum est: dum inquietis armis aliena auidius Vitoldus inuadit, domi inopinatum grauiusque longè bellum reperit.

Michaël Cochmeyster nouæ Marchiæ Aduocatus, Crucigeri
Equites Crucigerios contra Henricum Plauenium Ma- noui Ma-
gistrum concitauerat. Obijciebatur illi nimia facilitas, gistrum
quâ Benedicto de Macrà Concilij Constatienfis, lega- creant.
to, ad litem de Samogitiæ finibus terminandam missio, consensisset, ut Memelum ac Velona arces, Samogitiæ adiungerentur. Coniecto ob eam causam in Vincula Plauenio, ita reliquum negotium apud Equites temperauit, ut omnium consensu ipse in eius locum sufficeretur. Potitus rerum Michaël, ante omnia fædus nuper ictum, immisissis inopinato in Dobryniâ vastatoribus, Fædus
rescidit: ac ne quid sceleris, violati iurifurandi sacrile- Iagelone
gio, & Vitoldo
rescindit.

4.1414. gio, deesset, quoscumque Polonorum intercipi contingit, suspendio omnes enecavit. Gedani, Ragneræ, & per alia emporia, mercatores Polonos ac Lituanos, fortunis omnibus exutos trucidari iussit. Ad eos motus reprimendos Rex Iagelo Polonas Lituanasque legiones, cum Silesiorum & Morauorum stipendiarijs, in Prussiam movit. Verum exiguo, aut nullo operæ pretio ea expeditio stetit: oppida duntaxat ignobilia aliquot capta sunt, & in agros latius sævitum, vastando. In ea excursione dum Litvani solutiùs agunt, Marechalculus Lituaniæ Butrym, cum illustri viro Nicem in potestatem hostium venit. Reuocato ab agrorum vastatione exercitu, Rex Polonas copias Torunium, Vitoldus Lituanas Culmam duxit. Agrè ferebat Iagelo eam copiarum diuisionem: Vitoldus tamen in sententiâ perstitit, Culmamque operibus, ac assultibus pertinaciter fatigabat. Maturuerat iam ciuitatis expugnatio, vix paucorum dierum vim laturæ, cum desperatis rebus ab ingenio remedium Cochmeysterus subministravit. Committitur Brodnicensis præfecti epistolam, quâ Magistro Ordinis nunciabatur, quàm angusta res esset Brodnicæ: quomodo annonæ ac tormentarij apparatus penuriâ extremè laboraret. Si Magister prouidere differret, hostis verò arma admoueret, intra aliquot dies ciuitatem perituram. Tabellioni deinde mandat, ita iter moderari, vt velut fortuito in excubias Vitoldi incidat. Captus Tabellio, epistolaque lecta: sic fabula fidem, auctor fabulæ pretium consilij, reperit. Vitoldus enim nihil

Iagelo in Prussiam exercitum ducit.

Vitoldus Culmam obsidens, eliditur stratagemate.

hil subesse fraudis suspicatus, verum capiendæ Brodnicæ spe plenus, obsidionem Culmensē properè soluit: neque priùs fraudem deprehendit, quàm ad Brodnicam, cuncta Epistolæ aduersa, expertus est. Licet verò nullo omnino laboris fructu sub muris cum exercitu sederet, non priùs tamen ab obsidione recessit, quàm bello ipsi, finem Pax attulisset. Turcici enim belli moles, Hungariæ impendens, vel inuitos Principes ad concordiam vrgebat. Quare cum Pontifex Summus, ac commune Christianorum Concilium, pacem inter Regem ac Crucigeros maximè optaret: allaborante Pontificio Legato Lausanensi Episcopo, biennales induciæ agrè sunt concessæ. Hortabatur insuper Concilium Principes, vt in ita cum Crucigeris pace, aut iunctis vitibus arma in Turcam verterent; aut saltem per suas diuisiones ituris contra Turcam Crucigeris, liberos transitus permitterent. Vtraque res plena periculi visa; itaque neutra concessa.

A. 1414.

Pax biennalis in Prussia statuitur.

Plus apud Vitoldum Sigismundi Cæsaris auctoritas valuit. Abiturus ad Concilium, non ex vano metuebat Cæsar, ne per suam absentiam à Tyranno Turcarum contra Hungariam attentaretur: enixè igitur per legatum postulauit, vt eius intereà tuendæ curam, Iagelo ac Vitoldus vellent suscipere. Iagelo certè ex vetere Reipublicæ Polonæ more plurimum abhorrebat ab eiusmodi occasionibus, per quas Turcico bello Poloniam intricari posse, suspicio esset. At Vitoldus secretioribus pactis Sigismundo obnoxius (Coronæ enim Lituaniæ

Sigismundus Cæsar Hungariæ defensionē Iageloni, & Vitoldo commendat.
A. 1415.

A. 1415. cogitationes, ac spes, iam in animum admiserat) nihil negare ausus est: quin & Iagelonem induxit, ne tam religiosam, atque dignitatis plenam causam, regni scilicet Christiani protegendi, negligeret. Quare, cum hoc anno Machmetes Turca Bosnam, Hungariæ validam urbem, aggressus esset, vulgatâ eius expeditionis famâ, Iagelo ac Vitoldus gravissimâ legatione egerunt, ut Hungariâ abstineret; bellum minati disertè, nisi eorum legationi annueret. Tantùm momenti eorum Principum auctoritas apud Barbarum habuit, ut ab ulteriore belli progressu deterritum, ad sexennales cum Hungaris inducias paciscendas inclinârit. Orientali quoque Imperatori, armis Turcicis miserè afflicto, ingentem è suis ditionibus annonæ vim, hoc eodem anno suppeditârunt: hæc secundo fluuiorum alueo, ad Euxinum Pontum deuecta, ex Kacibeia, Lituanæ tunc ditionis portu, Constantinopolim maioribus navibus deportabatur.

Vitoldus, Schisma in suis ditionibus servans. Vitoldus à bellicis tumultibus quietem nactus quò securiùs, eò studiosiùs conseruandæ in integro Religionis curas, resumpsit. Sacerdotes, ac Præsules Russorum, ut in sacris cæremoniis Græcum sequuntur ritum, ita errores Græcorum æmulati, eorum exemplo à Summi Pontificis obsequio, & Ecclesiæ Romanæ societate, per Vitoldi ditiones, desciscere incæperant. Mouitea res Vitoldum, quòd sciret eiusmodi ausu, non leuiter labefactari, quæ à se, ac Iagelone Rege, pro subditorum concordia, in rem veræ Religionis sapientissimè

mè

mè fuerant constituta. Quia verò nouitatum harum *A. 1415.* auctores, non è vulgo, sed præcipui Antistites, non obscure designabantur, ac præsertim qui Græcæ nationis essent: malo serpenti remedium, non poterat aliunde, quàm à publico ipsorum Religionis Antistitum conuentu peti. Itaque singulari studio Vitoldus perfecit, ut concilium pro Russorum natione Nouogrodecum in Lituania indiceretur: cui, ipse quoque Constantini Magni exemplum imitatus interfuit. In eo consilio Gregorius Focius, Metropolitanus Kiouien-sis, Phocianæ inter Russos rebellionis excitatæ, atque propagatæ, auctor deprehensus est, atque in tanti sceleris pœnam, magno omnium consensu dignitate motus. Suffectus est illi Gregorius Cimoulacus Bulgarus, singulari sacræ eruditionis commendatione percelebris. Hic deinde à concilio suæ gentis, & Vitoldo Principe legatus, tum Romæ, tum in generali Synodo, negotium Orientalis Ecclesiæ ad concordiam cum Occidentali reducendæ, impensè promouit. Probabat vehementer Martinus V. Papa eam erga res diuinas in Vitoldo animi propensionem, commendabat constantiam, quâ non Græcorum modò ab Ecclesia secessionem, sed & Viclephianorum errorum sectatores auersabatur: uti literis suis ad Iagelonem datis, contestatus est. At simul vehementer metuebat, ne ob pertinacem ambitionem, nouis discordijs discerperet populos, qui magno Reipublicæ Christianæ bono, arctis fæderibus in vnum coaluerant. Quæ enim ab aliquot annis se-

Per Nouogrodecense concilium cõprimit.

Regni Lituanie ambit.

A. 1415. cretius inter Sigismundum Cæsarem, & Vitoldum de regno Lituaniæ agitabantur: ita variorum sermonibus vulgabantur, vt nec Romanam Curiam laterent. Quare haud ignarus Pontifex, quàm facilè promissi regni semina, & quàm altè, in animis Principum, radices agant: maturè Episcopum Calmensem (quem solum id aurum publica ferebat opinio) grauissimis literis dehortatus est, ne Sigismundi Cæsaris auctoritate permotus, præsumeret Vitoldum, coronâ ac cæteris insignibus, ex Romanæ Ecclesiæ more, ad regnum Lituaniæ inaugurare. Ignorâsse Regem, eas Vitoldi machinationes, vix credi potest; illud verò propius, dissimulâsse: quod Vitoldi, Lituaniæque ornandæ esset cupidior. Itaque specie mæroris, quam ex Reginæ Annæ obitu hauserat, diluendi; reuerâ autem vt Vitoldo confirmaret opinionem, ignorari eius à se consilia, profectus est in Lituaniam. Accepit Iagelonem Vitoldus regali magnificentiâ: atque post paucorum dierum hospitium, ad Reginæ funus Cracouiam properanti, præter alia ampla munera, viginti millia Marcarum Bohemicarum, centum generosissimos equos, quadraginta vestes pellium zebellinarum, centum togas Persici operis aureo filo intertextas donauit.

*Scythæ
Russiâ po-
pulantur.*

A. 1416.

Redierunt intereâ legati ex Concilio rebus ex voto confectis, cum literis, quibus Archiepiscopo Leopoliensi, & Vilnensi Episcopo, erigendi Samogitiæ Episcopatus committebatur negotium. At ea res differri debuit aliquantùm, ob subitam eamque grauissimam tempestatem,

pestatem, Crucigerorum largitione, vt aliqui connotârunt, excitam. Celebris ille Scytharum Regulus Ediga, ingentibus copijs inopinato Russiam inuasit, vastatîsque latissimè obuijs, Kiuuiam insuper Russiæ Metropolim, urbem opibus, ac publicorum ædificiorum magnificentiâ, ante alias claram, ita depopulatus est, vt nunquam deinceps pristino splendori restitui potuerit. Rex Iagelo hætenus ad arma impiger, calamitatem hanc publicam sentire visus non est: ita Martium eius pectus, ex Veneris toxico, ad sensum tanti mali obstupuerat. A morte coniugis Annæ ad thorum destinauerat animo Elizabetham Pileciam gente, viduam Gradovscij equitis, sibi ante spiritali cognatione iunctam, quod Mater eius Iagelonem è sacro leuâisset fonte: ea cogitatione absorptus, alia non curare videbatur. Multa huic matrimonio obstabant, atque inprimis senatus Poloni consensio. Vitoldus quoque peracerbè ferebat Regiam maiestatem, tam indignè tractari. At quod ipse quoque vicissim ad sua consilia Regis aut consensu aut dissimulatione egeret, consilium Regium publicè non impugnauit. Rex verò ex Vitoldi silentio audacior redditus, facilè contempsit, quidquid ab eo matrimonio in domum regiam deriuaretur. Quo tempore Ediga per Russiam ferro & igne grassabatur: Iagelo nuptialibus festis cum Elizabetha Sanoci celebrandis, præfente Leopoldo Austriæ Archiduce, indulgebat. Memorabiles nuptiæ populi auersatione, sed inprimis tantâ Russiæ clade: quàm superos immisisse publicè credebatur,

A. 1416.

*Kiuuiam
occupatâ
vastant.*

*Rege in-
tento in
nuptias
quas om-
nes auer-
sabantur.*

A.1416. debatur, ut id quod communibus votis populus accusabat, ab ipsis damnatum nemo dubitaret. Esse enim quandam consensionem inter publicam populi vocem, & secretam Numinis Supremi sententiam, vulgò creditur.

A.1417. Sedatis per Russiam Scythicis tumultibus, Vitoldus Concilij legatos inuitat, ut quæ à consilio mandata haberent exequi, nollent differre. Vt enim erat concitatio-
*Concily
Constan-
tensis le-
gati perfi-
ciunt ere-
tionem
Episcopa-
tus Samo-
gitiae.* re ingenio, nihil ipse lentè agebat, & in alijs moras ode-
rat: præsertim quia non alibi magis, quàm ubi de cultu
Diuino, populorumque salute agitur, mora omnis me-
ritò damnanda est. Venerunt maturè Vitoldi rogatu in
Samogitiam legati: qui instituto nouo Pontifice Ma-
thiâ, Lituano gente, Theologicarum disciplinarum
Magistro, nuper in Canonorum Vilnensium collegio
Præposito, vniuersa quæ ad ordinandas in eo Ducatu
Ecclesiæ rationes pertinebant, ad Sacrarum legum præ-
scriptum, ritè per Octobrem, perfecerunt. A Religio-
nis negotijs ad Reipublicæ curas reuocauit Vitoldum,
biennalium cum Crucigeris induciarum, imminens
finis. Velonam fuerat indictus conuentus, in quo cer-
ti aliquid, aut de prorogando fædere, aut de perpetua

A.1418. pace, inter partes statueretur. Sed obstinatè Crucigeris
*Conuictus
Pacis gra-
tia factus
bello ser-
uatur.* omnes alias conditiones respuentibus, ac intolerabili
fastu Samogitiam, velut suam repetentibus, labor om-
nis in irritum abiit: neque multò post, aperto bello per
insidias Crucigeri præluserunt. Soluta conuentu Rex
substitit aliquantùm Velonæ, animi causâ, quòd in pro-
pinquo

pinquo essent loca venationibus ferarum, ad oblecta-
*A.1418.
Rex insi-
diaz Cru-
cigerorum
enadit.* tionem celeberrima. At, cum feris intendit, vix ipse se
Crucigerorum cassibus non induit, ægrè suorum vir-
tute seruatus ab insidijs, quas Rastemburgensis Præfe-
ctus, loco ad fallendum opportuno, tetenderat. Hinc
mutuæ incursationes finium subsequuntur, atque obuia
vtrimque vexata. Dum delectus ampliores instituun-
tur, Vitoldus post mortem Annæ coniugis, Trocis è vi-
uis sublata, cum Vliana Iuani Algimundi Ducis Ol-
szani filiâ connubium apparabat. Matertera erat de-
functâ, hæc Vliana. Quare Petrus Antistes Vilnensis
constantissimè obnuñciabat, ne eo matrimonio diuinæ
humanæque leges violarentur. Atque fortasse suâ con-
stantiâ deieciisset à proposito Vitoldum; nisi Ioannes
Kropidto Vladislauiensis Episcopus, qui cum Rege in
Lituaniam venerat, eum confirmasset. Hic enim pro
assentatorum more, leges ad genium Principis inter-
pretatus, matrimonium illud ratum pronunciauit, at-
que solitis Ecclesiæ Romanæ ritibus comprobauit. Per-
actâ connubiali pompâ, ad bellum Crucigeris inferen-
dum omnem contentionem Principes vertère. Vitol-
*Vitoldus
Suidrige-
lonem in
vincula
conijcit.* dus, seu ex veteribus odijs alienior à Suidrigelone, seu
nouis indicijs in suspensiones impulsus, ne cum exercitûs
robur in Prussiam educitur, domi aliquid turbarum e-
rumperet, Suidrigelonem capi iubet, atque Kremene-
cij in vinculis asseruari. Nihilominus citò conspiranti-
bus Russis, excubiarum Præfecto Conrado Frankerber-
go trucidato, liber dimissus est. Sibi redditus, ad Sigis-
mundum

A. 1418. mundum Cæsarem confugit, atque inde Cæsare ac Rege Iagelone allaborantibus, ægrè Vitoldo est reconciliatus. Bellum interea Prussicum iam maturuerat. Iam Poloni Lituaniq̃ue exercitus transgressi fines, Prussiam intrauerant: omnes, atque inprimis Principes Iagelo ac Vitoldus, eo animo; vt extremâ virium contentione tandem bello tam molesto finem imponerent: Crucigeris, aut ad obsequium quietè ferendum, aut ad amicitiam constanter colendam, vi compulsis. Crucigeri ab aduerso, vt pace inquieti, nimiumq̃ue sibi fidentes; ita bello, vbi impares se aduerterunt, non pacis studio, sed periculi metu, foederum cupidi: ruentibus ad iustam vindictam copijs, auctoritatem obiecerunt Pontificij legati Bartholomæi Capræ Archiepiscopi Mediolanensis. Validum profectò scutum, præsertim contra Iagelonem, & Vitoldum, quibus Religionis Christianæ non pridem susceptæ, atque Pontificiæ dignitatis veneratio tenerior, nondum antiquitate occaluerat. Stitère itaque arma: atque licet à Crucigeris nihil sincerè ageretur, operâ Archiepiscopi in biennales inducias iteratò consenserunt. Rex Daniæ, & Dux Pomeraniæ (qui cum auxilijs ad Crucigeros venerant) vbi iniquitatem in eo negotio aduerterunt; rei indignitate permoti, apertè causâ, & castris Crucigerorum desertis, ad Iagelonem ac Vitoldum transferunt, foedera pepigerunt: promissis contra Crucigeros auxilijs, si quid contra recentes inducias innouare auderent. Confectis induciarum tabulis, Vitoldus Lituaniam petijt, Rex maiorem Poloniam;

Bellum in Prussiam totis viribus suscepim.

Id legatio Pontificis inducijs terminatur.

in

in quo itinere cum Posnaniâ Srodam tendit, non multum à periculo vitæ abfuit. Repentè enim atræ nubes cælo obducta incredibili tempestate detonuerunt: duobus regij currûs Satellitibus, quatuor è sexigâ equis, quinto sub armigero, fulmine ictis.

Redux è Prussia Lituanus miles, modicâ quiete recreatus, ab Occidente in Orientem ductus est. Trans-Volgeni Scythiâ, post amissum morte Regulum Zelandinum scissâ in factiones: pars vnum, pars alterum ex defuncti Principis filijs, paterno imperio successorem designabat. Kieremferdenes reliquis fratribus potentior, quod consensu obtinere non poterat, vi occupauit. Tachtames eius frater, suis suorumq̃ue viribus diffusus, cum æmulum neque tolerare, neque opprimere posset, ad Vitoldum cum præcipuis suæ causæ patronis confugit. Vitoldus hætenus eius populi constantem amicitiam sæpius expertus, fidelemq̃ue bellicis expeditionibus operam; non dubitabat è Republica fore, si ipsum populi Ducem nouo beneficio sibi obstringeret. Tachtamem ergo benignè ac munificè acceptum, spe auxiliorum confirmat, Vilnæ solemni pompâ, imposito gemmis lapillisq̃ue splendente pileo, Trans-Volgenium Scytharum Imperatorem (vulgò Tzarem) renunciat, atque inaugurat. Redibât in patriam Tachtames spe imperij plenus, vltra populares copias, auxilijs Vitoldianis succinctus. At, vt in ascensu præcipitis montis, qui semel planum verticis vestigio occupauit, faciliùs enitentem in altum reijcit, quàm ipse detrudatur:

A. 1419. Scythiæ populi à Vitoldo Imperatores suos accipiunt.

41419. tur: ita Tachtami planè contigit. Kieremferdenes enim validissimo exercitu collecto, venienti occurrit, commissoque prælio copias eius profligavit, ipsumque fratrem occidit. A eade Tachtamis, tertius frater Ieremferdenes, fortunam fraterno sanguine cruentam non exhorruit: sed ad Vitoldum ipse quoque confugit. Plus in mortali animo poterat honoris cupido, quam metus periculorum. Neque Vitoldus tanti aestimavit cladem nuper acceptam, quanti dignitatem sui nominis, quòd tam bellicosis populis suo arbitratu Reges daret. Quare Ieremferdenem legitimum Principem solemniter renunciavit: ne autem solà vani tituli pompâ illudere amico voluisse, quispiam diceret, omni ope in paternum imperium restituere decrevit. Mareschalco Lituanix Nicolao Radiuilo committit curam, ut instituto properè per Lituaniam delectu, validas copias instruat, ipsque Ieremferdenem in Scythiam deducat. Executus impigrè mandata Radiuilus, in Scythiam movit. In ipsis finibus, plurimi Scytharum, violentum Kieremferdenis dominatum perosi, ad Ieremferdenis castra confluxerunt: unde vires non modicè auctæ. Kieremferdenes tamen nihilo timidior, cui prioris victoriæ memoria animos faciebat, intrepidè ad Volgam cum exercitu sese Fratri obiecit. Ieremferdenes popularibus suis primam prælij gloriam petentibus, non inuitus concessit. Pugnatum est, aliquamdiu fortunâ neutrò victoriam inclinante, ubi prælium vires, virique æquabant: verùm Radiuilus non passus diutiùs suos ex-

tra

tra prælij aleam stare, facto in latus hostium impetu, 41419. & pugnam & fortunam inæqualem reddidit. Citò prælium in fugam versum est, cum cæso belli auctore, omnes campum deseruerunt. Superstites pugnx, facillè Ieremferdeni accesserunt: ut enim præciso capite reliquus truncus riget immotus; ita factionum auctoribus sublatis, facillè ad quietem populus componitur. Omnium consensu Ieremferdenes imperio suæ gentis positus, beneficium Vitoldi amplâ legatione muneribusque veneratus est: atque quamdiu vixit fidum se expeditionum bellicarum socium exhibuit. Tauricani etiam Scythæ, quos *Crimeos*, & *Perecopenses* vocamus, eius victoriæ famâ Vitoldo ac Lituanix, mirè sunt conciliati. Ipse Ediga Tauricanæ Chersonessi Imperator, cladibus Lituanorum ac Russorum celeberrimus, honorificâ legatione amicitiam Vitoldi expetijt: atque fidem suam, ad perpetuam pacem, & auxilia contra quosuis hostes suppeditanda, solemnifædere obstrinxit.

Tantis incrementis Vitoldi nomen per Septentrionem, ac Orientem assurgens, viciniorem sibi Bohemiam perstrinxit, ut excusso legitimi Principis imperio, spontè ad Vitoldi obsequium curreret. Controuersia, inter Polonos ac Crucigeros, de certis ditionibus, per tot annos, armis atque disceptationibus agitata, bellorum semen feracissimum, cum aliter terminari non posset, æquo Sigismundi Cæsaris arbitrio permixta fuerat. Jagelo enim ac Vitoldus Polonæ causæ æquitati confisi,

*Bohemi
regnum
Jageloni ac
Vitoldo
offerunt.*

A. 1419. confisi, eam conditionem non repulerant. At ubi constitit nihil à Cæsare ex æquo actum, sed contra fas sententiam esse pronunciatam, iudicio eius renunciârunt, atque ad vindicanda armis sua iura, sese comparabant. Bohemi post religionis dissidia nuper excitata, excusamque Ecclesiæ Romanæ venerationem, ad apertam contra suum Regem rebellionem prolapsi, externas vicinorum vires (vti superius etiam memorauimus) circumspectabant; quibus se contra Cæsaris potentiam communiarent. Cum ergo Cæsari infensiores redditos Iagelonem ac Vitoldum non ignorarent, rati quamcunque vindictæ occasionem haud dubiè arrepturos, Regnum Bohemiæ eis obtulerunt: Iagelo nihil omnino legatos moratus disertè respondit. Dominijs, quæ è diuina manu absque ullius iniuria, accepta haberet, contentum; aliena omnino non ambire; neque posse sibi persuadere, vt inter eos regnet, qui Ecclesiæ imperijs subesse nollent. Non ab simile responsum à Vitoldo retulerunt. Neque tamen spes destituit Bohemos: existimabant nullam esse tantam constantiam, quam regnandi cupiditas non labefaceret. Instauratâ iterum legatione animos Iageloni ac Vitoldi arietare pergunt. Mercej fortè in Lituania Principes, animum, corpusque, ferarum venatione exercebant: ibi legatis copia, exponendorum palàm mandatorum, data est. Orabant illi, ne tantam augendæ Reipublicæ opportunitatem, quâ nulla aut maior esse, aut faciliior, posset, elabi paterentur. Silesiam, aiebant, vel inuitis Bohemis reperti debuisse, vt antiquam

*Reijciuntur
ab utroque.*

antiquam iuris Poloni Prouinciâ; spontè redeuntem, nequaquam repelli oportere. Bohemiam ac Morauiam eiusdem cum Polonia originis, nullo negotio in vnâ Rempublicam coalituras. Ita verò ab eorum populorum accessione, vires Reipublicæ validas fore; vt Sigismundo Cæsari, quo nemo alius Polono nomini infensior esset, reprimendo, & Crucigeris perdomandis, abundè sint suffecturæ. Non aliena à vero, ac in speciem perquam vtilia, dici videbantur: nihilominus Rex nihil de sua constantia remisit. Vitoldus famæ regnandi que auidior, inter acceptandi repellendi que consilia, dubius sententiæ, aliquamdiu hæsit: atque ea de causa legatos apud se retinuit. Rebus verò penitiùs perpensis, ipse quoque disertè negauit, quæ à Bohemis postulabantur.

Sequentem annum, belli curis liberum, pacis negotijs Vitoldus impendit. Inprimis indicto ordinum Lituaniæ conuentu, ex eorum consensu tabulas publicas confici curauit: vt quæ nuper Pontificatum Miednicensem, & alia varia Sacerdotia excitando statuerat, plus apud posteros haberent venerationis, ac roboris, si in eo vniuersi Ordines consensissent. Deinde firmandæ domûs Regiæ curam orsus est. Post repetita semel iterumque connubia, ipse iam spe vltioris prolis exciderat. Iageloni quoque nullus hæres erat. Hinc quæ vulgaris Principum ægritudo est, angi nimium Vitoldus, quòd id fastigij, ad quod domum suam euexerat, posteris non essent transmissuri. Iagelonis domus ex nupero

A. 1420.

A. 1421:
Vitoldus
Pontificatus
Miednicensem
confirmat.

Iageloni
Sophiam
nuptiâ
trimonio
iungit.

pero

A. 1421. pero Elizabethæ coniugis obitu, vacua, nouo matrimo-
nio, spei aliquid reliquerat: præsertim quòd suscepta ex
priori coniuge proles, argumento esset, non suo vitio,
hærede Regem carere. Vrgere itaque Iagelonem cœ-
pit Vitoldus, ut in eam spem deligeret sibi consortem.
Facile in sententiam Vitoldi permotus Iagelo, eodem
ipso auctore, animum ad Sophiam, Andreæ Kiiouien-
sium Ducis filiam, Vitoldi ex sorore neptem, adiecit.
Virgo erat formâ florente, firmâ valetudine, ætate nu-
bili, Græcis religionibus Russæ ritu addicta: atque ea
sola, non leuis, causâ metûs fuit, ne Poloni huic matri-
monio aduersarentur. At, cum Parente annuente, vir-
go ad Romana sacra transisset, metu illò euanescente,
Matthiâ Vilnensi Antistite, solemnî ritu, ut eas nuptias
Numen faustas, fortunatasque Reipublicæ iuberet, ap-
precante, magnis in publicum lætitiæ argumentis edi-
tis, connubialia festa sunt peracta.

A. 1422. Tertiò Bohemorum legati, cum veteribus postula-
tis, redierunt, noua spe erectiores. Quòd enim nuper
Sigismundus Nepo-
tæ Regis
Bohemiæ
eligi pro-
curat. Vitoldus tergiversari magis, quàm apertè negare, visus
esset, suspicionem haud mediocrem mouerat, fore ut
apud eum saltem, tandem aliquid obtineant. Auditi in
Senatu nihil publicè in rem suam impetrarunt: omni-
bus palàm nolentibus Rempublicam Bohemicis turbis
implicari. Nihilominus secretò vocatis, quid volueret
animo Vitoldus aperuit. Nolle se apertâ regni Bohemi-
ci acceptance, Principum odia irritare, sibi non pro-
futura, Bohemis verò etiam noxia. Sigismundum Cæ-
sarem,

farem, suis in Poloniam iniurijs meritum esse, ne om-
nino abhorreat à Bohemorum defensione; sed eam a-
liter, quàm hactenus Bohemi censuissent, ratione, sus-
cipi posse. Esse sibi Sigismundum nepotem, Ducis De-
metrij Corybuti filium, Virum bello exercitatissimum,
fortunatumque, ac quantouis regno parem. Si eum
Bohemi Regem renunciarent, se extra inuidiam, sub
nepotis nomine res Bohemicas, milite ac pecunijs ad-
iuturum. Facile in ea consenserunt legati: cum eo mo-
do Iagelonem quoque posse pertrahi ad nepotem iu-
uandum arbitrarentur. Sigismundus celerrimis nun-
cijs à Vitoldo euocatus, atque de omnibus edoctus,
quantâ maximâ potuit festinatione exercitum à Vitol-
do acceptum, per manipulos diuidit, extra Poloniæ fi-
nes tacitè educit, in Bohemiam, spe Bohemorum ci-
tiùs, penetrat.

Res tam inopina pupugit non leuiter Cæsarem Si-
gismundum: quia verò & vindicando, & repellendo
bello simul impar erat, Crucigeros concitare conten-
dit, ut ruptis fœderibus Poloniæ fines infestis signis in-
uaderent. Sperabat enim fore, ut bello ab alia parte
coorto miles ex Bohemia reuocaretur. Diu hæc agita-
bantur operâ occultorum internunciorum, per Maio-
rem Poloniam, mendicorum habitu securè commean-
tium, donec fortuitus euentus fraudes prodidit. Ta-
bellariorum vnus, Conini repentino oppressus morbo
decesserat: cum demortui corpus ad funus paratur, in-
ter vèstes literæ Cæsareis ceris signatæ deprehendun-
tur.

A. 1422.

atque con-
tra Cæsarem
exercitum
instruit.Cæsar
Crucigeros
conciat
contra Po-
lonos, ac
Lituanos.

A. 1422. tur. Ortâ suspitione, ne fortè aliquid in eis lateret, quod publicam rem concerneret, magistratus clausas ad Regem deferri curavit. Apertæ, Cæsaris machinationes aperuerunt. Suadebat ille Crucigeris confinia subitis incursionibus infestare: sicubi miles opponeretur, pacis ostentatione prælium declinare: molesto magis bello, quàm periculoso, assiduò diuexare: tanquam inuiti arma sumpsissent, concordiaë desiderium præferre, negotij summâ ad Cæsaris vel Papæ arbitrium reiectâ: spe pacis, cohortes Polonas incautiùs agentes opprimere: omnia, quæ hostes solent, agere; pacem tamen verbis, vnicè commendare. Detectis hiscè fraudibus, palàm bellum omni ope gerendum, contra Prussiam indicitur. Magnâ celeritate delectus perfecti: cohortes in vnum coactæ: exercitus validus in Prussiam ductus. Destinauerant Crucigeri, triginta millibus instructi, fortunam aperto prælio concedere. Verùm auctore Conrado Nemcio Silesco, consilium mutârunt: diffisi campo, per castella atque arces, exercitum diuiserunt. Hoste nullibi pugnaë copiam faciente, Iagelo & Vitoldus equitatum omnem ad agrorum populationem expediuerunt. Effusus latissimè incredibilem vastitatem edidit, longè maiorem patraturus, nisi legati Cæsarei aduentus, impetum retardâisset. Episcopus is Corbauensis fuit, & polcitatione æquiorum in rem Polonam conditionum Iagelonem ad agendum de pace flexit. Rogabat Cæsaris nomine, vt Corybuthum è Bohemia euocaret, atque bello in Crucigeros abstineret: quòd

Bellum in Prussiam indicitur, à Iagelone & Vitoldo.

Prussia latissimè vastatur Crucigeris per arces hærentibus.

quòd Cæsar paratus esset omnino, si coram illo de iniurijs per Crucigeros illatis disceptaretur, satisfacere. Quod si fortè Cæsaris æquitatem Rex in dubium vocaret, libenter Cæsarem suo iure cessurum permissurumque (modò Regi id probaretur) vt viri Principes ex Bohemia ac Polonia delecti, negotio discusso, liti finem imponant. Ad hæc Iagelo. Cæsaris siue æquitatem, siue amicitiam, satis sibi esse probatam nupero argumento, cùm electus arbiter Litis, contra fas pro Crucigeris pronunciauit. Quamquam verò, eâ ipsius sententiâ, nihil aut iniquius, aut magis hostile esse queat, à se tamen pacis studio nihil contra armis tentatum fuisse, priusquam ipsi Crucigeri suis excursionibus, eam irritam fecissent. Belli Prussici ipsum Cæsarem auctorem esse, qui occultis literis classicum Crucigeris cecinisset. Corybuthum nepotem suum, militaribus ausis à puero innutritum, non regiâ auctoritate: sed proprio arbitrio Bohemis auxilia suppeditasse, atque adeò vti se incio petisset Bohemiam, ita non excessurum, nisi cùm ei liberet. Moderatiùs ista Rex. At Vitoldus ab indignatione concitior. Meo, inquit, iussu Corybuthus Bohemiam inuasit, vt de Cæsare vindictam sumeret. Mansurum isthîc eum spondeo, donec Cæsar sentiat, quanto rerum suarum damno, amicitiaë specie hætenus sit abusus, vt incautos Polonorum Lituanorumq; animos circumueniret. Expedito legato, vastatio agrorum rursus est resumpta: atque ab ea non procul Torunio conuenire legiones iussæ. Hostis quoque in propinquo in- tereâ

Cæsar per legatū bellum sistere conatur.

Vastatio Prussiae resumitur.

A. 1422. terea castra prae munierat, in occasionem rei gerendae intentus. Quare sedecim Polonorum, atque alijs sedecim Lituanorum signis negotium datur, ut hostem in loco tamdiu distineant, donec exercitus universus superueniret. At iam Crucigeri priusquam in conspectum haec signa venissent, deserto vallo, in tutiora se maturè receperant. Vastatis igitur Toruniensibus agris Culmam castra promouentur, ut alicubi hostem, aut occupare, aut elicere, ad pugnam possent. Tandem Crucigeri cum neque configere auderent, neque agrorum vastitatem, aut arcere, aut ferre possent, ad petendam pacem compulsi sunt, quam Rex modò æqua esset, non aspernabatur. Concessis breuibus inducijs, ad V. Kal. Octobris, dies agendi de fœderibus dictus: locus, castra Polonorum. Post aliquam cum Euerhardo Magistro disceputationem, agrè partes conuenerunt in has leges. Crucigeri ius omne in Sudouiam ac Samogitiam iureiurando adiecto antiquarent; Rex quidquid eo bello de Prussia, ademisset, restitueret: si quis prior fœdera hæc violare attentaret, subditi eius ab obsequio liberi manerent. Verùm ea tamdiu integra fuerunt, quamdiu impendentis exercitus metus, quietem inuitis extorquebat. Posteaquam victor exercitus è finibus Prussiae eductus, conspici desijt, omnia proculcata: negante Cæsare Crucigeros ijs obligari, quæ ipso aut inscio, aut inuito, statuissent. Cogitur itaque Rex iterum bellum contra Crucigeros in sequentem annum edicere. Territus eo nuncio Cæsar, permisit Magistro, ut non

Crucigeri
ad petendam
pacem con-
guntur.

Pacis con-
ditiones

quos Cæ-
sar rescin-
dit.

A. 1423.
Rursus
pax cum

expectatis

expectatis legatis Cæsareis, de pace cum Iagelone; ac Vitoldo transigeret. Nihil ferè ijs pactis, ad Mielnicense fœdus, adiectum est: nisi quod supplicantibus pro Cæsare Crucigeris, sponderit Iagelo, curaturum se, ut Corybutus cum suis, ex Bohemia abiret.

Iam ille hoste aliquot locis profligato, Cæsareis totâ Bohemiâ depulsis, universum prope regnum suæ potestatis fecerat: neque solum Rei bellicæ peritiâ, ac successu; sed etiam vario officiorum genere, præcipuis capitibus deuinctis, regij tituli spem abundè stabilierat. Non tamen ausus est, Iageloni ac Vitoldo reuocantibus, non obtemperare; neque eorum amicitia tam blandè arridentem fortunam antepone: præsertim quod eam ipsam, quantaquanta esset, illis solis totam deberet. Adiecit suasioni monumentum regia pollicitatio, quâ ei Dobrynia promittebatur, si Bohemiam desereret. At, ut est facilis ad iram ambitio, cum Rex promissa differt, inde indignatione in Regem urgente, inde degustatæ potentia memoriâ titillante, dolere quod fortunam ipse suam destituisset: reditum in Bohemiam apparare. Sensit id Vitoldus, atque siue suâ sponte, siue, quod vero propius, Pontificia auctoritatis veneratione, sedulò laborauit, ut Corybutum in Lituania detineret. Acceperat enim à Martino V. Papa grauissimam Epistolam, quâ monebatur ne Princeps Catholicus, sectam Hussitarum propagare pergeret; rebellionem Bohemorum per Corybutum propugnando. Retento in officio Corybuto, prouiores se præstitere Crucigeri,

A. 1423.
Crucigeris
stabilis.

A. 1424.
Sigismundus
Corybutum ex
Bohemia
reuocatur.

A Vitoldo
in Litua-
nia deti-
netur.

A. 1424. in ijs exequendis, quæ nuperis pactis sponponderant. Nam & Sudouia, & Samogitia integrè sunt restitutæ, & certi limites ditionibus, incredibili consensu, præfente Vitoldo, designati.

*Regina
Sophia co-
ronatur*

Post tot bellicas agitationes, redditâ publicâ quiete, solemnîs Reginæ Sophiæ inaugurationis ad XII. Februarij indicta est: celebrataque singulari apparatu & lætitiâ. In apparatus liberius se Rex effudit; quod ex spe propinqui partûs non Reginam tantum, sed & Matrem Regum coronari crederet. Populo verò auxit hilaritatem, pacis diu expectatæ sensus: dilatâ enim ob bellicos tumultus, præter morem diutius inaugurationis pompâ, ac tandem his diebus peractâ, pro augurio in vulgus fuit, bellis tranquillitatem succedere. Adfuere ei festo multi Principes: Vitoldus declinavit. Et si verò per legatum alias prætexet causas, populo tamen non difficile fuit subodorari eius animum in Reginam offensum, hâc de causâ. Hedwigis, Iagelonis ex primo matrimonio filia, solemnibus cærimonijs desponsâ fuerat Friderico iuniori, Brandenburgico Marchioni. Murato deinde consilio, nuptui dabatur Boleslao, Duci Stolpensium: pro quo, præter alios Principes, tres Reges instabant apud Iagelonem. Obstabat ei leuitati, uti eam ipse vocabat, vehementer Vitoldus, tum ex sua sententiâ, tum maximè à Martino Papa, gente Columnâ, Friderici fautore, perimor. Vbi verò suam omnem operam abiisse in irritum, sensit: indignationem in novercam vertit, cuius consilijs Iagelonem circumagi existi-

*Vitoldus
Reginæ
offenditur.*

existimabat. Tegebat illam animi ægritudinem operosè: sed quid centoculum Argum, suspiciosissimum genus, populum, lateat? neque errasse, eum maioribus deinde indicijs constitit, quibus interior animi perturbatio in apertum erupit.

Venerunt in Poloniam intereâ Bohemorum legati, & Sigisfundum Corybutum magno studio ad regnum repetebant. Rex constanter istiusmodi consilijs se opposuit. A Rege palam repulsi, Corybutum ipsum clam legati adoriuntur, neque difficilem expugnando reppererunt. Veteris fortunæ magis avidus, quam perterritus, in omnia consensit. Dimissis legatis militem occultissimè conscribit. Dabant alacres nomina, & spe copiosi stipendij Bohemici, & successuum Corybuti memoriâ illecti, veterani æquè, ac tyrones. Conscriptas, quæ sufficerent copias, non per manipulos aut signa, sed viritim propè singulos, ne Regi consilium innotesceret, ad conditum diem, locumque convenire iubet. Tanto secreto res acta est, ut prius in Polonia nunciaretur, Corybutum milite Polono ac Litvano Bohemiam inuasisse, quàm Rex, aut quisvis alius, eum abesse sensisset. Cæsar veritus, ne Regiâ aut auctoritatē, aut conniventiam, hæc agerentur, graui legatione de violatis fœderibus questus est: cui Iagelo, ut erat reuerentur ab omni noxa liber, non verbis tantum, sed & rebus ipsis, fidei suæ integritatem abundè comprobavit, latâ in Corybutum sententiâ, quâ omnibus per Poloniam, Lituaniam, Russiam possessionibus exutus, tanquam pa-

A. 1424.

*Corybutum
in Bohemiam
redit.*

*In Polonia
à Rege
proscribitur*

A. 1424. cis publicæ violatæ, Maieſtatiſque regiæ læſæ reus proſcriptus eſt.

A. 1425. Idem annus Iagelonem diuturni voti compotem fecit, nato filio, quem de ſuo nomine Ladislaum appellari voluit. Luſtratio pueri Chriſtiano inſtituto per ſacrum fontem, in ſequentis anni XXIII. Kal. Mart. reiecta eſt, in qua Rex ſingulari munificentia ludos, conuiuia, cæteraque eius temporis, exhibuit. Vitoldus cui nondum à nupera ægitudine animus conualuerat, odio Regiæ, ei ſeſto non interfuit: lectulum tamen argentum infanti, centum pondo æſtimatum, dono per legatum miſit. Subſecuta æſtasiſ latè per vrbes, ac pagos peſtem vulgauit, vt ad vitandam contagionem, ipſi Regi Vitoldoque, cum vniuerſa curia, inter Lituaniæ nemora, lues vitanda fuerit. Vbi aliquantum remiſit malum, ordinum Poloniæ conuentus Breſtiam in Cuiavia indiſtus eſt. Multis laborandum fuit Regi in ijs comitijs, priuſquam euicit, vt Ladislaus Princeps paterni regni ſucceſſor, publico ediſto renunciaretur. Tabulæ nihilominus, quibus Polonorum ea de re ſponſio continebatur, non Regi ſunt redditæ, ſed Sbignei Oleſnicki Craconiendiſ Antiltitiſ fidei commiſſæ, eâ lege, ne priuſ eas Regi redderet, quàm conſtaret eum omnia, in rem Polorum promiſſa, ex fide promiſſa.

A. 1426. Rege rebus Polonicis occupato, per Autumnum & initium hyemis Vitoldus bellum in Lituania apparabat: quâ parte erupturum, nemo ferè diuinare poterat. Cauſam belli nemo ſcriptorum indicauit: fortaiſe non

non quod tam alto ſecreto Principis obruta; quàm A. 1428. quòd nulla, fuerit. Recedente hyeme aliqua indicia emanauère, in Septentrionalem Ruſſiam impetum dirigi. Monetur itaque maturè ab amicis Pleſcouia. Accurrunt Pleſcouienſes periculum auerſuri: donis, ſuppliciique habitu, animum Principis portentant: nihil pacati expiſcantur. Bellum itaque aduerſus patriam parari non dubij, properè ad ſuos redeunt. Sequitur cum exercitu Vitoldus. Deſperatis Pleſcouiæ rebus, cælum pro innocentia ſterit. Incredibiles enim tempeſtates coortæ, tantam vim imbrium effuderunt, vt inuia proſus, per loca ſemper paluſoſa, reddita fuerint Pleſcouiam itinera. Ceſſit cælo Vitoldi indignatio, neque tam quieuit, ante acceptam mulctæ nomine, ingentem pecuniam: pacem à Superis donatam, coacti ſunt Pleſcouienſes, apud Vitoldum nummiſ redimere.

Ceſſantibus externorum motuum curiſ, recruderunt veteres in animo Vitoldi morbi, atque ab ipſo otio vires ſumebant. Reginam à qua alieniorem ſe hætenus præbuerat, apertè odiſſe; ſermonibuſque, ac literiſ apud Regem, perſequi: mœrere, quòd Ladislao ſucceſſore Patri designato, ipſes regni ſint amiſſæ: de Lituaniæ Principatu retinendo angſ: de regia domo vereri, ne aliquando ſe ſuoſque, Lituania excludat: Iageloni ipſi minùs quàm ante fidere: ſuſpicionibuſ, quarum ambitio feraciſſima, noctibuſ diebuſque agitari. Primi omnium Crucigeri ægitudinem Vitoldi ſubodorati, ita eam promouere conati ſunt, vt apertas cum Rege inimici-

Q

tias

A. 1427. tias consciscerent. Multâ adulatione, atque amicitiaë exquisitis argumentis, promissisque impulerunt Vitoldum, ut eorum causam apud Regem suscipere, atque molendinum Lubicz cum suo latifundio, detractum Poloniae, Crucigerorum agris adijci, impetraret. Non dubitabant illi, nihil prorsus eâ intercessione Vitoldum profecturum: destinato tamen consilio, ea postulari voluerunt, quæ à Iagelone negari oportebat: ut quò constantius Iagelo postulata, repelleret; eò altius Vitoldus sentiret, intensioresque spiritus conciperet. Reiecta est semel, iterumque Vitoldi petitio. Poloni quoque Proceres, celebratis Vartæ comitijs, Paulum de Ruzdorff Magistrum Ordinis grauitèr commonuerunt officij, ne Crucigeri malis artibus, & Vitoldi erga Regem regnumque fidem infringere, & iacta nuper fœdera sensim labefactare pergerent. Mox alij Lancitiæ conuocatis comitijs, per Sbigneum Cracouiensem Pontificem, Reipublicæ totius nomine, Vitoldo præsentem, supplicârunt, ut ab ea actione desisteret, quæ Regiam ac Reipublicæ dignitatem conuelleret. Sincerâ Sbignei oratione offensus Vitoldus grauitèr excanduerat: sed dissimulandi artifex, surgentes motus tantisper pressit, compositoque ad tranquillitatem sermone, omnia Polonis pollicitus est, nihil præstiturus. A Polonis & Rege alienior redditus, primò in Reginam furorem effudit, quo Regem, regnumque inuoluit. Tertiò iam vterum Regina ferebat: ex tam frequente prole, suspicionibus domestici probri, violatiq; thori, innocentem palàm exagi-

Crucigeris
promouē-
tibus e-
gritudine
animi.

Regi ac
Polonis
offenditur.

exagitare apud Iagelonem cœpit. Maleuolorum sermonibus res ad plures vulgata, non mediocriter Regem ac Procere conturbauit. Licet enim apud æquos rei iudices, fides ac integritas Reginae extra omnem suspicionem esset: verendum tamen omnibus fuit, ne si fortè falli rumoris fama, innocentiaë præiudicaret; aut Iagelonia proles successionē excideret; aut regium fastigium tanti probri turpitudine fœdaretur. Comitia ergo Hrodum ad Bugum, Polonis ac Lituaniis indicta sunt, ut in ijs Regina causam diceret, atque extorcius Reipublicæ sententiâ, damnaretur, aut absolueretur: ubi innocentia eius luculentissimè probatâ, auctores falsi, equites Poloni, pœnas luerunt legibus latas.

Qui euerant rursus aliquantum domesticae perturbationes, Vitoldo ad bellum auerso. Nouogardiae Magnae incolæ, circa ditionis suæ limites à Vitoldo designatos, cœperant aliquid innouare. Ad eos perdomandos, exercitum à Lituaniis, & Polonis stipendio auctoritatis, Vitoldus duxit. Nouogardiani inaccessibilem propè per æstatem itinerum munitione freti, contemplerunt initio Vitoldi minas, atque ferocius agebant. At ubi rumor allatus est, superatis obstaculis, Vitoldum arcem Opocznam obsidione cinxisse, faciliè animis conciderunt. Missi properè legati, qui urbem victoris potestati permitterent: ampliusque maneribus oblati, annuæ pensionis summam augerent: modò pax impetrari posset. Vitoldus, etsi diripiendæ urbis opulentæ spe, maximè eò progressus fuerat: non inuitus tamen

A. 1427.
Reginam
innocentē
falsis cri-
minibus
exagitat.

A. 1428.
Nouogardiam
bellantem
domat.

A 1428.

*Conuentus
Luceoriam
inducitur,
eiusq;
causa.*

*Cæsar Ia-
geloni in-
fensus va-
rie cum
oppugnat.*

*Cū Vitol-
do comi-
tere conā-
tur.*

pacem poscentibus dedit. Verebatur enim, ne diuturniore bello detentus, Luceoriam tardaret, ad conditum cum Rege, & Sigismundo Cæsare, cæterisque Principibus, diem: cuius celeberrimi conuentus, hæc in vetustis annalibus memoratur causa. Sigismundus Romanorum Imperator, iam ante Iageloni perquam infensus, negatis nuper in Turcicum bellum auxilijs Polonicis, longè infentior, cum armis odia non posset prosequi, dolis Iagelonem, aut rem Poloniam, euertere conatus est. Publicis primùm literis, per Imperij Romanici prouincias, ac vicina regna, ausus est queri, proditum se cum Christiano exercitu Turcis à Iagelone, quòd auxilia promissa subtraxisset. Neque defuerunt fortè, apud quos calumnia, nomen, nec falsæ, nec iniustæ, querelæ reperit. Neque enim omnes nouerant, quòd Iagelo Cæsareis legatis belli Turcici societatem suadentibus, nihil omnino aut promiserit, aut promittere potuerit: negantibus id Ordinibus, ne fortè semel eo bello implicatis Polonis, tota tandem eius moles ferenda, solis incumberet. At vt fortè non omnes hæc nouerant, non tamen ita occulta erant, vt Cæsaris querelæ fidem publicam obtinerent. Quare in aliam partem versatis consilijs, Cæsar maluit reconciliari Iageloni, & amicitia officijs eum impugnare. Non ignorabat prope omnia apud Iagelonem Vitoldi auctoritate agi, neque mediocriter regni Poloniæ potentiam auctam esse, accessione Lituaniæ. Ita ergo Vitoldum in suam amicitiam pertrahere destinauit, vt eo ab Iagelone auulso, vniuersa

A. 1428.

vniuersa Poloniæ ac Lituaniæ concordia machina solueretur. Ipse sibi conficiendæ eius rei Prouinciæ vsurpauit: ratus tanta negotia neque commodè, neque tutò, tabellarijs aut epistolis, concedi. Itaque contentionum, quæ Polonos inter ac Crucigeros, prope totius Europæ armis, tamdiu exercebantur, pertæsum se simulat: operam suam stabiliendæ in perpetuum optimis conditionibus paci, Ladislao Iageloni Regi, & Vitoldo offert: adiicit vnicam sibi causam videri, ob quam tot labores suscepti, irriti fuissent, quòd nonnisi per legatos hætenus negotium actum esset: optare itaque se, vt Principes potiùs ipsi secum amicè congredierentur: quod si ob veteres similitates Iageloni ac Vitoldo nullus in Imperio ad congressum locus probaretur, paratum se publicæ tranquillitatis causâ, eò venire, quo ipsi conuentum indicerent. Iusta, videbatur, Cæsarem postulare: nihil itaque ausus est negare Iagelo. Vitoldus verò in ea, quam animo fouebat à rebus Polonis, ac domo regiâ, auersione, lubens occasionem arripuit, quâ Cæsaris amicitiam sibi pernecessariam, non immemor eius pollicitationum, commodiùs firmare posset. Auctor insuper Regi fuit vt ad 8. Id. Ianuarij conuentus Luceoriam, qui erat eius ditionis locus & Volyniæ Metropolis, indiceretur.

Celebratus est conuentus Principum, his partibus frequentia inusitatâ; magnificentia Vitoldi planè memorandâ, solidis quinquaginta diebus. Præter Regem Poloniæ, Duces Mazouiæ, Principes Lituaniæ, & Rus-

A. 1428. siæ, Senatores Regni, cæterosque vtriusque nationis magnates, interfuerunt, Sigismundus Cæsar cum coniuge, ac plerisque Imperij Principibus; Ericus Rex Daniæ & Sueciæ; Ioannes Palæologi Orientalis Imperatoris legati, Basilus Moschouia, Boryssus Tweriæ, Olha Rezaniæ Magni Duces; Scytharum Tauricanus & Trans-Volgenis Reguli; Magistri Equitum Theutonorum, Ruzdorffius Prussiæ, Sigfridus Liunionæ. Vniuersis alimenta, Vitoldi impensis ministrabantur, copiâ incredibili. Vt cætera fileantur, quæ ab eius ætatis hominibus curioliùs leguntur connotata, in singulos dies boues septingenti, verueces mille quadringenti, feræ syluestres varij generis, in singulas species centum; potùs è melle cocti septingenta vasa, præter vinum varium, expendebantur. Plena fastus in publicum pompa, non falso argumento fuit Cæsari, quantum ambitionis Vitoldi pectore occuleretur: utique mox in flammam erupturæ, modò ei velut scintillam iniiceret, spem dignitatis, quam Poloni cum Rege omni ope essent propullaturi. Alia igitur Cæsar publicè cum Iagelone, alia clam Vitoldo In confessu Principum sermo illi omnis de inuicendâ concordia, vt viribus vnitis primam in

A. 1429. Bohemia Hussitæ domarentur, tum omnium simul arma contra Turcam vertereatur, ac Saracenos, pro Orientem vindicando. Magnifica hæc erant, & à plerisque magno plausu accipiebantur: sed quæ inchoari facilius, quam perfici poterant. Iagelo collatis cum Senatu ac Vitoldo consilijs respondit. Si vniuersi Principes Christiani

A. 1429. Christiani conspirent in bellum, non tantum animosè Turcis, inferendum; sed etiam omni ope, constanter, terrâ marique perurgendum: se ab ea belli societate non abhorre. At solius Cæsaris pollicitationibus, cuius vires bis Turca in Hungaria fregisset, permoueri non posse, ad violanda fœdera, quæ non ita prouum esset pro libito reficere, vt conuellere. Satis se videre, quàm lubricum sit ab his consilijs præcipitium, per quod Turca semel irritatus vniuersam bellamolem, in Polonos deuolueret, reliquis fœderis, non belli, socijs, alienum periculum, extra eius ictum, spectantibus. Cæsar in publico, subtristiore simulat vultum ex repullæ impatentia: tum specie eiusdem negotij vberius pertractandi Vitoldum, absque arbitris conuenit. Cum prius multis, Vitoldi Lituanicæque laudes exagerasset, easque percupidâ aure accipi aduertisset, in subactam adulatione mentem, potens telum intorsit. Dolere se, aiebat, vehementer, quod tantus rebus gestis, ac dominiorum amplitudine, Princeps, atque adeò re ipsa Rex, titulis ac insignibus regijs careret. Nihil illi ad Maiestatem Regiæ deesse, præter nomen quo solo, minor cæteris Regibus esset, quos potentia ac opibus regijs longè superaret. Cur verò eam cogitationem suæ dignitatis augendæ, non admittat in animum, prorsus se non capere. Vt vt tandem ille sui incurius esset, se Cæsarem Christianum, pro muneris sui debito non permitturum vltius, quin brevem cum cæteris, insignibus regijs exæquet, modò constantem secum amicitiam, inire, atque deinceps colere

Cæsar Vitoldi sibi consiliat spe regni Lituanicæ.

41429. colere vellet. Vetus Principum malum ambitio, Vitoldo, homini, neque incauto, neque Sigismundi artium inexperto, caliginem offudit: ut non aduerteret, nequaquam ad se ornandum ea consilia dirigi; sed ad auellendos à Polonis Lituanos. Quare faciliè in eius sententiam atque amicitiam concessit, illud vnicum professus: Rege aut inscio, aut inuito, nihil se attentaturum. Sigismundus iam magnâ parte victor, ad Regem expugnandum machinas instruit. Iagelonem cum Imperatrice inuilit. Post mutua officia, atque incidentia colloquia, rem aggreditur. Iagelonem, Vitoldum, totamque maiorum seriem, rebus bello gestis mirè commendat: amicitiam suam erga domum regiam, & Lituaniâ, prolixè explicat: postulat, ut si quam pro suo affectu rationem ornandæ Lituaniæ reperisset, eam ne ille repelleret: memorat regios in Lituania titulos non inuertos esse, cum adhuc sub Mendogo Principe, vix eis esset par; nunc in eam amplitudinem operâ Vitoldi excreuisse, ut sine iniuria titulo amplissimi regni careere nequeat: spondet, breui se perfecturum, ut Vitoldus Rex Lituaniæ inauguraretur, modò eam fortunam Iagelo fratri, patriæque, nolle inuidere. Iagelo quamquam alieno fortè ab his consilio animo esset; quia tamen instantem permolestè vna cum coniuge, rationibus ac precibus, aliter eludere non poterat, rem integram ad Senatum se relaturum respondit: si Senatus vota Vitoldi, suffragijs suis comprobaret, abs se nihil obstaculi fore. Idem responsum tulit Vitoldus, cum

Iagelo ad Senatum reijcit.

condictio

*A Iagelo-
ne consensum ex-
torquere
nisi tur.*

condictio iam inaugurationis suæ apud Cæsarem tempore, eodem præsentem, consensum Regis extorquere conatus esset. Conuocato Senatu ipse Vitoldus merita sua in Rempublicam, subditorum vota, exterorum estimationem, ac quidquid in rem suam fore rebatur, disertâ oratione explicuit: ac demùm petijt, ne cum sententiæ dicerentur, ipse Senatu excedere cogeretur. Sciebat enim raram esse in dicendo libertatem, quam metus præsentis non frenet; raramque constantiam, quam conspectus offendendi non labefactet. Et quidem Principis Senatûs, Gnesnensis Archiepiscopi oratio, uti multum de eloquentia habuit, ita nihil de libertate: veritus offensam Vitoldi, post multa copiosè dicta, ad punctum tacuit. At Cracouiensis, Sbigrieus Olesnicki, inconcussâ animi orisque constantiâ quam suspecta Cæsaris esset amicitia, docuit; quæ eo consilio pericula tegerentur, aperuit; Vitoldum, ut annorum & veræ gloriæ satur, vanæ dignitatis speciem contemneret, iurisque iurandi quo se Regi ac regno Poloniæ obstrinxerat memor esset, grauitè monuit. In eandem sententiam dixit Ioannes Comes à Tarnow Palatinus Cracouiensis. Episcopum & Palatinum, reliqui vno ore sunt secuti. Vitoldus non tam repulsæ, quam tantæ in dicendo libertatis impatiens, è medio Senatu se proripuit, ac in abitu ininitabundo similis, disertè subiecit: se vel inuitis Polonis destinata perfecturum. Digresso Vitoldo, senatus cum Rege grauissimè exposulauit, quòd tam periculosas Cæsaris machinationes aleret

R. conni-

*Vitoldus
suam in
Senatu
causâ pro-
mouet.*

*A Senatu
commone-
factus.*

*cum indi-
gnatione
abit.*

4.1429. conuiuendo: quem suæ domûs, neque minûs Lituanix, quàm Polonix, hostem esse, tot ante argumentis comprobatum haberet. Rex itaque de consilio procerum, statim, insalutato Cæsare, Luceoriâ abitum maturauit: in Poloniam delatus comitia Corcinum indixit, vt Ordinum regni sententiâ decerneretur, quâ ratione immodicæ Vitoldi cupiditati, obuiam eundum esset: Cæsar quoque, breuiter per absentiam Regis, constitutis cum Vitoldo, quæ ad negotium pertinerent, morari diutiùs non ausus, rectâ è Volynia Hungariam petijt. Abeuntem Vitoldus munificis donis coluit: quibus adiecit, celebre illud Vri, à Gedimino Vilnæ conditore occisi, cornu, auro & gemmis affabrè inclusum.

Vitoldi & Polonorum mutua legationes. Diuturnæ deinde subsecutæ sunt concertationes, quas mutuò missis legationibus, Vitoldus ac Poloni exercuerunt: cùm ille à Polonis consensum extorquere nititur, hi Vitoldum à sententia dimouere. Primi à Vitoldo legati Gastoldus Palatinus Vilnensis, & Rombowdus Mareschalcus Lituaniæ, ad comitia Corcinenfia venerunt. In confessum Ordinum admissi, breui sed apertâ oratione mandata exposuerunt Principis. Vitoldum liberi populi, liberum Principem, non sui causâ facere, quòd tam studiosè postularet, vt Rex regniqûe Ordines, in suam inaugurationem consentiant. Quicumque tandem alijs animus futurus esset, illi fixam stare sententiam, exequi constituta. Rogare tamen, ne Poloni tum Regiæ, tum propriæ dignitatis curam negligenter, quam haud leuiter imminui opus esset, si in-

uitis

uitis illis Vitoldus destinata perficeret. Rogati sententiam Ordines, in eam plerique concurrerunt, vt nihil publicè legatis responderetur, reiecto integro negotio ad legatos suos, quos vicissim in Lituaniam missuri essent. Magno deinde studio è toto Senatu lecti viri, constantiâ animi, dicendiqûe libertate celebres, Sbigneus Olesnicki Antistes Cracouiensis, & Nicolaus Michalowski Palatinus Sendomiriæ. Commissum, vt Reipublicæ nomine, monito disertè Vitoldo, ne intempestiuâ ambitione, sacrosancta vnionis fœdera conuelleret; bellum, si secus faceret, denunciarent. Sperabant nimirum fore, vt quam cupiditatem æqui iustiqûe respectus non mitigaret, armorum metus perdomaret. Verùm aliter euentus tulit. Legati quidem pro maiestate Reipublicæ commisso sibi munere sunt defuncti: Vitoldus verò ad minas nihilo mobilior, quin ex indignatione audacior, Cæsarem vt maturet opus, vrgere; res suas nouis Crucigerorum fœderibus firmare; Polonorum procerum animos largitionibus clandestinis venari. His in Polonia nunciatis, rursus comitia ad VI. Id. Sept. Sendomiriam indicuntur: alia legatio ad Vitoldum decernitur, designatis legatis quorum integritati maximè fidebatur, Sbigneo Olesnicki, & Ioanne à Tarnow. Summa legationis erat, qualem optabant ij Senatores, qui Rempublicam saluam optabant, Vitoldo ab eo non alienato. Quamquam enim illos humanitate ac beneficijs Vitoldi obstrictos, molliùs dixisse sententias censeretur: nemo tamen in ijs fidem desiderare

R 2

re

*Polonorum legatio**Poloni Vitoldo suum regnum offerunt.*

A. 1429. re ausus est, cum clarè constaret, Vitoldo extremè irritato, Poloniæ pericula cumulari. Iagelo quoque cum inde se annis grauem, Reipublicæ administrandæ onere ultra vires premi sentiret; inde impuberem prolem, nondum gerendis rebus parem, haberet: non adeò verebatur Vitoldi successionem, quam nulla hæredis spes, fulciret. Itaque cum ex Regis, Ordinumque sententia, Vitoldi cupiditatem, oblato Poloniæ regno, alio auertere constitutum esset, ita Principem legationis locutum reperio. Quandoquidem Vitoldo id propositum esse Poloni scirent, nihil contentionis remittere, in occupando regali fastigio; Rempublicam Polonam communi Ordinum consensu, diadema illi offerre, quod nullo publico damno, magno verò suæ dignitatis augmento, acceptare posset. Meritissimo capiti nequaquam Polonos hæctenus coronam inuidisse: sed suspectam habuisse illam, quam vetus hostis obtrudebat. Timuisse nimirum, Danaos etiam dona ferentes. Sumeret itaque fortunatus diadema Regum Poloniæ triumphis contextum, quo frontem regiam, & merita sua coronando, duorum potentissimorum populorum concordiam arctius adstringeret. Contemneret verò nouis Cæsaris machinationibus elaboratum, quo Sacrosancta Poloniæ, ac Lituaniæ fœdera rescinderentur. Geminatis enim regijs titulis, regnum quoque necesse esse ita geminari, ut simul, vires hæctenus vnitæ, ipsâ diuisione conciderent: quod vnicum hostibus votum esset. Superi ipsi tantum à Republica malum auerterent: cu-

ius horrore plenus Rex Iagelo, Vitoldo solium suum A. 1429. libens concederet. Insperata legatorum oratio, tantaque in eum Regis ac Regni vniuersi propensio, emollierat aliquantum pertinacem Vitoldi ambitionem. Atque ut quandoque facilius dura in molles res impetu illata, aut franguntur, aut repelluntur: iam eius mentem destinatum poenitentia subire cœperat. At postquam aliquorum Polonorum, quibus ante publica commoda, priuatæ rationes cordi erant, occultis literis in antiquam spem erectus est, obfirmato animo legatis respondit. Impudentiæ cuiusdam, ne diceret, impietatis, argumentum notamque perpetuam ad posteros fore, si fraterno capiti detractum diadema, suo imponi permetteret: plus utique probri, quam dignitatis, apud vniuersos habiturus. Regnaret incolumis diu Iagelo, retineretque coronam, quam illi, superi dedissent Polonorum suffragijs: non inuideret autem Vitoldo, ad quam eorundem Superiorum ductu, amicorum beneuolentia viam aperuisset. Non existimarent Poloni Vitoldum regnandi cupiditate pertinacius agere. Non regni acquirendi, sed seruandi nominis, studium, constantiæ suæ materiam esse. Non posse iam absque ingenti famæ dispendio negligi, quod per vniuersam Europam vulgatum, omnium sermone circumferretur. Superos ipsos testari, quam nihil aduersum Regi, Regnoque Poloniæ, animo ageret: nihilominus si Poloni prius aliquid mouerint, rebus suis neque militem, neque arma defutura. Nondum abierant è conspectu Poloni, cum

*Vitoldus
illud non
acceptat.*

A. 1429. Cæsaris ad Vitoldū legatio. Cæsarei legati iussi sunt mandata sui Principis explicare. Prolixa illi Cæsareæ benevolentiae contestatione præmissâ, initæ recenter cum Cæsare ac Crucigeris amicitiae symbolum, insigni opere ex auro argentoque elaboratum Draconem obtulerunt, postulâruntque, ut quasdam noui fœderis leges iureiurando firmaret. Ad hæc Vitoldus. Amicissimi Principis hospitale munus, gratâ accepto voluntate, at nouarum amicitiarum symbola nulla noui. Ad perpetuitatem veteris amicitiae, sat superque sufficit præteritum fœdus; quantumuis nullâ iuramenti religione firmatum. Fides, verbo Principum obligata, incerta esse non potest. Hæc publicè: priuatim verò actum est de maturanda inauguratione, tempusque designatum ad XVI. Kal. Octob. sequentis anni.

Iagelo impedit Vitoldi coronationem per Papā. Rex Iagelo quo res profecisset à legatis edoctus, à summa in terris auctoritate remedium malo querit, Pontificem Romanum certiore de omnibus facit. Pontifex quidem, non dubius ingentes inde motus Christianam Rempublicam concussuros, grauiter Sigismundum, Vitoldumque hortatus est, ut ab incepto desisterent. Verùm iam morbus medici manum non admittebat, præsentioribus remedijs curandus. Iedilnam comitia Polonis indicuntur: publico edicto designantur, qui circa extremos Poloniae fines vias armatis obtineant, magnâque diligentia inuigilent, ne aut Cæsarei, aut Vitoldiani, internuncij comeant. Negotio vniuerso Ioannes Czarnkowski præficitur. Hic im-

pigrè

pigrè suo munere functus, Baptistam Cigallam Senensem, & Sigismundum Rotth Theutonem intercepit; ex-
A. 1430. Polonis vias insident, muros & literas interceptiunt.
cussisque sarcinis, ac literarum Cæsarearum fasciculo ablato, liberos abire permisit. Literarum summa erat. Supernacuam esse Vitoldi de Cæsaris, circa instituen-
dos, inuito aut inscio Papâ, Reges, potestate, dubitationem. Excuteret eam vanam sollicitudinem, & ad
condictum diem promissa Regni Lituaniae insignia præstolaretur. Iam in itinere esse suos legatos, qui & Regium diademâ secum ferrent, & inaugurationi suo nomine adessent. Adiunctum præterea literis erat fœderis inter Hungariam, Lituaniam, Prussiam, ac Liunioniam recenter initi exemplum: tum publicæ tabulae, quibus Sigismundus Cæsar, Vitoldum, Lituaniae Regem solenni ritu renunciabat, creabatque. Vulgata hæc per
Maiorem Poloniam prius, quàm ad Regem deferrentur, vniuersam nobilitatem ad arma exciuerunt. Viæ
Legati Cæsarei infectis rebus rediunt.
omnes armatis infestæ, ne quâ legatis liberi aditus paterent: nunciata per Germaniam Polonorum conspici-
ratione, legati Francofordiam reuertuntur, duosque
mensibus ibi frustra morati, ad Cæsarem infectis rebus redierunt.

Vitoldus quò propior spei, eò magis morâ affligebatur: plurimos interea Principes, alio prætextu inuitatos, Moschouiae, Twæriæ, Odoieuiæ Duces, Scythiæ Regulos, Magistrōs Crucigerorum, publicis impendijs in eam festiuitatem, Vilnæ detinebat. Vbi verò interuersi Polonorum operâ totius negotij, nuncium accepit,

A. 1430. cepit, mærorem coram hospitibus aut dissimulare, aut certe fictâ hilaritate diluere, conatus est, protractis diurnis ad finem Septembris conuiuijs. Desperatâ tandem planè re, digressisq̃ue hospitibus, cum ægitudine totam animo capere non posset, cum corpore eam parti-ri cœpit. Lucidit in morbum leuem quidem, uti videbatur, & lentum, sed supremum. Lecto affixus, nihil de ambitione dimisit. Cum verò inuito Iagelone non profecturum se quidquam cerneret, eò consilia intendit, ut Iagelonem tandem in suam sententiam pertrahat. Scribit illi, per Nicolaum Maldrzyk familiarem suum, tandem se rerum humanarum haud immemorem, omne ambiendi regni studium deposuisse: precatur, ut quæ haætenus agi contigerat, uti nunquam acta, æternâ consepeliret obliuione: inuitat, ut ægrum se inuisat, quod ex eius coniecta, non leue morbi, quo conficetaretur, leuamentum speraret. Suspecta erat Polonis, tanta in Vitoldo, eaque subitò exorta, animi moderatio: quare ut ab initio constanter obstiterunt ne Rex in Lituaniam iret, ita abeunti eos adiunxerunt Senatores, quorum integritas ac constantia plus opinionis habebat. Suscep-
tus Rex ad Lituaniæ fines regali magnificentia, eadem-
que Vilnam deductus. Vitoldus post varia, dierum ali-
quot, in Regem ac Polonos Proceres officia, Regem absque arbitris nactus, illatoque spontè de nuperis ge-
stis sermone, quæ celabat animo, effudit. Aiebat, non adeo se tangi diadematis regij cupiditate: famæ suæ dis-
pendia ita grauiâ esse, ut ea neque animo, neque cor-
pore

*In morbum
labitur.*

*Regem
in Litu-
niam eno-
catum*

*Prensus
et solici-
tus.*

pore ferre posset: rem tanto conatu inchoatam, pro-
motamque, totâ Europâ diuulgatam, quomodo sine insigni leuitatis notâ negligeret? ipsam notam quomo-
do sanus ferret? Quid tandem damni allatura esset co-
rona Lituaniæ, ægro ac moribundo capiti imposita? Quod si morbus eius suspectus esset, timeretque Rex, ne coronatus Frater diutiùs viueret, Superos se testari, quod altero, aut tertio, ab inauguratione die, regno Li-
tuaniæ Iageloni cedere destinasset. Cur igitur tam bre-
ue regnum fratri inuideret? His, similibusque, verbis, preces propè indignas tanto Principe adiunxit, quibus fraterna iura, meritaque Vitoldi præterita, vix non de-
iecerunt Iagelonis constantiam. Negauit nihilominus Iagelo se quidquam facturum inuitis Senatoribus Po-
lonis, quos sibi Respublica adiunxisset. Quare Vitoldus
rursus ad prensandos Polonos vertitur, atque inprimis
Sbigneum. Versabat virum inuictum, precibus, mu-
neribus, minis, protestatus effecturum se ut Pontificatu
Cracouiensi detruderetur. At Sbigneus adamante for-
tior, ad omnia reponebat. Vitoldum ante alios Princi-
pes dignum fastigio Regali sibi videri: at Regem Li-
tuaniæ neminem esse posse, nisi hostem Reipublicæ Po-
lonæ. Lituaniam, quibusuis regnis amplitudine parem,
se agnoscere; at fœdera, tot religionibus inuicem firma-
ta, exigere, ne alium Regem, quàm Poloniæ, habeat.
Cæsarem, ut se amicum fingat, Polonis Lituaniisque
rebus semper infestum, iactis iam discordiæ seminibus
lætum, inter epulas iactare; offam inter canes suâ ope-
ra

*Tentat
varijs mo-
dis Polo-
nos.*

A. 1430. ra iniectam: quid verò dicturum speraret Vitoldus, ubi populos tamdiu inuictos, quamdiu concordēs, dissidijs adultis diuisos, singulos ad prædam hostium opportuniores aduerterit? Frustra suam constantiam oppugnari in ijs, quæ fraudi Reipublicæ essent: se ut patriæ proditorem esse non posse, ita neque Vitoldi postulatīs consentire. Dies aliquot in his contentionibus abiūere: interea seu nimia animi solitudine, seu ipsa morbi naturā, tantas vires ægritudo Vitoldi sumpsit, ut medicorum artem ac spem vinceret. Vbi itaque desperatio vitæ, grauiore futurorum curā animum perculit: Vitoldus primū contemnere humana, quæ retineri iam non possent: tum damnare antiqua studia, quorum ratio districto iudici reddenda esset: demū totum se dare cogitationi vitæ mortalis Christianæ concludendæ. Regem Iagelonem magnā verborum modestiā præcatus, ut veniam eorum daret, quæ non suo arbitrio, sed aliorum instinctu, Regis ac regni dignitati contraria attentauerat; Vlianam coniugem eius paternæ curæ commendat. Denique ad componendas animi rationes conuersus, expiatā coram sacerdote per delictorum confessionem conscientiā, sacris Christianis ritē munitus 27. Octobris die, Trocis obiit. Elatus est magnifico apparatu à Iagelone Rege, & Suidrigelone Duce: tumulatus Vilnæ in D. Stanislai summa æde. Multis deinde post annis memoriam eius ad posteros renouauit. Bona Sforcia Regina Poloniæ marmoreo tumulo ad dextrum aræ maioris latus excitato.

In maiore ægritudine prælabitur.

Ad mortē se disponit.

Mortuus & tumulatus.

Princeps

A. 1430. Princeps fuit bellicā gloriā celeberrimus. Principatum Lituaniz à mari Baltico, ad Pontum Euxinum, à confinijs Poloniæ ad extrema fere septentrionis propagauit. Scytharum populis sæpè suo arbitrio Regulos dedit. Ad omnia cautus, consilio promptus, pleraque insigni dissimulatione ac celeritate perfecit. Otij hostis, etiam cū cibo vires reficeret, animum aut dicendo iuri, aut de re militari disceptando, intendebat. In exteros liberalis: suis, etiam summis, seuerior. Sobrietate singulari, nunquam vinum, aut è grano vel melle coctum potum, gustauit. Prouinciarum præfectos dictatos, opibus exuebat; ac mox alijs Prouincijs præficiebat, ut se exigendarum rationum labore absolueret. Staturā mediocri, neque altā, neque obesā: facie imberbi: sermone amœnus. Suadente quoque ne perquam gelido die, prælij copiam circa Borysthenem Scythis daret; imò, inquit, hodie confligendum est: si vincemus duplicabimus victoriam; si vincemur, gemino hosti succubuisse nos diceretur, Scythis, & gelu. Arguentibus, quòd aliquas Scytharum tribus, assignatis in Lituania & Russia agris ditasset: respondit; liberalitate etiam immanissimas feras mitescere. Laudanti cuiuspiam, Principem supra modum disertum; magis probari sibi reposuit, incompertè loquentem, sed vera. Sunt & alia festiui eius ingenij, non indigna calamo, argumenta: verū gesta, non dicta conscribentem, hæc etiam memorasse; nimium fortè nonnemi videbitur.

S 2

LIBER

A. 1430.

LIBER III.

DE REBUS LITVANORVM

Sub Principe Boleslao I. Suidrigelone.

*Candidati
ad Princi-
patum Li-
tuaniae.*

*Boleslai
Suidrige-
lonis mo-
res.*

Ors Vitoldi Lituaniam diuersis votis ac studiis in factiones discerpfit. Non Principes modò viri, pro se aut suis, sperare vel ambire: sed priuati etiam, alium atque alium, tum tacitis cogitationibus, tum in amicorum congressibus, Vitoldo successorem designare. Pars præcipua optabat Alexandrum Volodimiri Kiouiensium Ducis filium, Ducum Slucensium auctorem. Alij Sigismundum Corybuthum Bohemiæ Regem electum, rebus bello contra Cæsarem fortunatè gestis celebrem: vtrumque Iagelonis nepotem. Alij Boleslaum Suidrigelonem regium fratrem, ac præsertim Proceres Russi, quòd suæ religioni addictiorem experti essent. Nihil in illo erat dignum eo Principatu. Homo furiosus, ac crapulâ infamis, qui Vitoldo imperante non leuibus cladibus Lituaniam afflixerat; rebus verò desperatis in Hungariam profugerat exul, nec ita pridem reconciliatis Rege ac Vitoldo, in patriam redierat: habebatque non paucos, præter Russos, quos profusâ liberalitate olim sibi conciliauerat. Iagelo quoque in eum, veluti suum germanum, haud obscurè inclinabat. Id verò ubi sensere Pri-

mores

mores Lituaniæ, deserto Rege & Republica, Trocis A. 1430. properè se subtraxerunt. Polonos quoque proceres, paulò ante mortem Vitoldi, Rex in Poloniam remiserat; causatus non egere se eorum præsentia, postquam Vitoldus mortis expectatione regni curas exuit: at reuera absentiâ illorum egebat, vt liberiùs Boleslaum, Magnum Lituaniæ Ducem institueret. Non diu eius fauoris Iagelo pretium tulit ab homine furibundo, ac prope amente. Vix dum peractò Vitoldi funere, se suâ auctoritate velut Magnum Ducem ferre, Regem non solum non obseruare, sed barbarè planè habere; impudenter ei carceres suos nouennales, atque iterata exilia, exprobrare, non dissimulare, sed palàm gloriari, quòd Regem in sua potestate haberet; Polonæ nationis homines in curia agentes contemnere, ac probris afficere: literas ex Polonia missas intercipere, signa earum violare; cùm liberet conscindere.

Rex nihilominus tot iniuriarum sensum, vultus amænitate singulari tegebat, ac vniuersa superabat inuictâ constantia. Quin imò, incertum est, an grauiora veritus, an verò immanem belluam beneficio mitigaturus, Magnus Lituaniæ Ducem eum renunciare instituit. Priùs tamen Boleslaus publicis tabulis sponndit, Regi eiusque hæredibus, restitutum se Camenecum, Smotriciam, Scalam, Ceruenos, arces Podoliæ: si fortè inter Polonos ac Lituanos, aliâ ratione de earum possessione non fuerit conuentum. Facile Suidrigelo in eam conditionem consensit desiderio imperij: quod & si

*Magnus
Dux Li-
tuaniæ
creatur.*

A. 1430. suorum ope posse vi occupari, non dubitabat; malebattamen bonâ potiùs gratiâ Iagelonis, illud adire, vt plus firmitatis ad durandum haberet. Violenta quippe imperia, properè quidem inuadi possunt, at non conseruari diu. Conscriptis de Podoliæ cessione ritè tabulis, Boleslaus Vilnæ in templo D. Stanislai iuxta vsitatos ritus, à Vilnensi Pontifice est inauguratus. Recentis memoriâ beneficij mollior Boleslaus, initio Regi atque Polonæ aulæ humaniorem se aliquantùm præbuit: at malè sopitus ignis, citò rursus in furias exarlit. Nunciata per Poloniam Vitoldi morte, nobilitas Podolica auctore Gregorio Kierdeio, Daugerdum Dedigoldum eius Prouinciæ Gubernatorem astu interceptit, Camenecum & alias arces cum Prouincia, exactis inde Lituanicis præsidijs, Poloniæ asseruit. Ad eius rei famam Vilnæ vulgatam supra modum furere Boleslaus: neque tantùm à conuijs in Regem non temperare, sed manu vim barbæ eius intentare: Polonis carceres, crucesque minari, nisi quàm primùm sibi Podoliam restitui curarent. Neque multùm aberant, apud insanum hominem, à dictis facta. Quare quotquot erant in aula Poloni, latus regium fidelissimè stipabant, quiduis priùs ausuri, quàm Regem violari permissuri. Nihil tamen grauius tentauit Boleslaus, nisi quòd armato milite Regem ac comitatum eius cinctum, septem hebdomadas tenuit. Premebat ea Regis iniuria iuuentutem Polonam, neque deerant, qui cæde ipsius Boleslai, tantum probrum amoliri destinauerant. Fecissentque procul dubio, nisi

Cetera Regem & præfenses Polonos furit.

in

in Rege validior fraterni sanguinis respectus, quàm A. 1430. propriæ iniuriæ sensus; ardorem Polonorum extrema audere paratorum, continuisset, ne quid in caput Boleslai attentaretur. Non priùs tandem libertati Rex red- *Sponsione Podolia restituta extorques.* ditus est, quàm Podoliam se Boleslao restitutum, vbi venisset in Poloniam, spopondisset. Inuito sibi eam sponsionem extortam, videri Rex volebat: at, vt semper, in patriam, eiusque res, propensiorè animo sumus, ipsi quoque, Podoliæ à Lituania auxilio, non præbatur. Missus est Tarlo Zaklika Toporius cum mandatis Regis ad Camenecensem Præfectum, vt Camenecum atque adeo Podoliam totam, Michaëli Baba Boleslai legato tradat. Verùm Præfectus industriâ Andreæ Thozynski, & Nicolai Drzewicki, per literas cereo inclusas, de Boleslai in Regem scelere edoctus, Michaëlem in vincula coniecit, arces Podoliæ præsidijs accuratius instruxit.

Iam vniuersam Europam peruagatus rumor, de Boleslai in Iagelonem Regem insaniam Romam quoque peruaferat: quare summus Pontifex grauissimè Boleslaum commonuit, Ecclesiasticæ potestatis extremas in eum comminatus poenas, nisi à facinore tanto desisteret. A. 1431. Poloni quoque in Vartensibus comitijs, pro Rege ad arma conclamauerant, ad XVIII. Kal. Febr. in Lituaniam moturi. Sed iam Boleslaus furore residente, *Regē deprecatur.* horrore belli quod concitasset, affectus mutauerat: metuere imminentem tempestatem: veniam factorum submissis precibus, amplisque muneribus apud Regem quærere.

A. 1431. quærere. Non multis in ea obtinenda laborandum fuit: quòd inter fratres vnum infaniã infamem, alterum humanitate admirandum, actum esset negotium. Vix tamen Rex Iagelò è Lituania digressus Poloniam attigit, Boleslaus in Podoliam cum exercitu mouit. Reiectus non sine clade ab arcibus, in Leopolienses, Trebowliensesque agros fœdè desæuijt. Poloni Sandomiriæ comitia celebrabant, cum cladis Podolicæ nuncium acceperunt: fremere itaque omnes, atque bello aperto perduellem destinare. Rex nihilominus in suos semper prouisor, obtrinit, ne prius armis res ageretur, quàm per legatos de iniuria cum Boleslao expostulatum fuisset. Iuêre viri Principes, cum eiusmodi Reipublicæ, ac Regis mandatis. Podoliã, Volyniã, Podlachiã confestim cederet: ipse coram in senatu postularet à Rege, Ducem se Lituaniz ex vetere forma renunciari: sin mandata exequi pertinaciter recusaret, legati bellum indicerent. Boleslaus negabat aliquid contra ius à se tentatum esse, eum Podoliam vti patrimonium proprium repeteret: quin aiebat, non se prius quieturum, quàm eam sibi ac Lituaniz vindicasset. Arroganti responso grauius irritati Poloni impigrè bellum maturarunt. Rex solus nondum deposuerat omnem spem, flectendi ad saniora Boleslai. Bieciã præmittit Ioannem Brzezinski, vt omne studium ingeniumque intendat, negotio huic absque armorum tumultu pacando. At Boleslaus neque præsentis belli metu, neque Regis respectu permoueri potuit: quin imò violato, per colaphum, legato, negotium

Podoliam
inuasit.

Arrogan-
tia, &
violatione
legati Po-
lonorum,
bellum con-
flat contra
se.

negotium in præceps egit. Rex enim & consumptæ nullo fructu operæ, & iniuriæ recenter illatæ, dolore concitior, bellum ipse studiosius vrgere cœpit. Ægrè ferebat ob infani hominis furorem ditiones Lituaniz, atque innocentum fortunas in discrimen conijci: sed iam aliter pax parari non poterat, quàm bello; ferendaque necessariò erat, etiam innoxijs, belli fortuna. Nihilominus, vt minore Lituaniz damno, Polonus bellaret, vinceretque; antequam infesta signa Volyniz inferrentur, imbellem turbam furori militis subtraxit, monitis per occultos nuncios tempestiuè agrestibus, vt ex apertis ad iniuriam locis, in tuta, se atque cariora, reciperent. Ad Hrodum ciuitatem, Polonæ copiz Bugum superarunt: non multum inde progressis, Boleslaus cum sex armatorum millibus occurrit, numero, militiæque genere longè inferior. Tentatâ belli aleâ per minora certamina, cum infelices successus habuisset; fortissimis quibusque cum Principe Russo Stenکو, aut cæsis, aut captis, ne cogeretur vniuersâ acie de summa rei decernere, properè Luceoriam se recipit. Hinc securius equitatus regius ad prædas effusus, vastitatem latè vulgauit. Progredienti cum exercitûs robore Regi, Volodimiria aulâ portas claudere, vi cessit: atque ad reliquarum urbium terrorem, flammis deleta est. Belzensem quoque Ducatum, Cazimirus Mazouiz Princeps suis copijs atrociter populabatur. Iam vniuersum bellum Luceoriam compulsam fuerat, cum alibi nemo pro Boleslao arma opponere auderet. Præaltis ripis Vliginosoque

A. 1431.

Post infeli-
cè pug-
nam Lu-
ceoriam se
recipit.

Volodimi-
riam Rex
capit &
diruit.

A. 1431. que alueo, circumfusus Styr, latè stagnatibus paludibus, auidis pugnae Polonis, superandus erat. In conspectu habebant Luceoriam bello finem daturam: sed deiectis nuper pontibus, abductaque in aduersam ripam omni, tum rarium, tum pontium materiâ; neque pugnandi copia, neque sternendæ viæ modus, dabatur. Tandem ab audacia (vti desperatis rebus sæpè accidit) remedium venit. Audacissimi quique nando fluuium transgressi, præsidia Boleslai opportunis locis disposita reijciunt, naues, ratesque secuturis socijs ministrant. Resistebat nonnihil Boleslaus, inde animosior, quòd loci iniquitas, non solùm victoriam, sed etiam pugnam, Polonis difficilem redderet. Vbi verò ab exemplo priorum, in reliquis accensâ audaciâ, alios atque alios manipulatim ad certamen per fluuium eniti aduertit, ne aucto hostium numero interciperetur, intra mœnia se recepit. Mox vt prædam victoribus corrumpere, victoriæque cursum sisteret, ciuitati ignem subijci iussit. Validissimâ intereâ manu, sub præfecto Iurzâ ad præsidium, arci impositâ: ipse cum reliquis copijs, per aduersam viam; fugienti similis abiit eâ spe; quòd Poloni prædæ cupiditate, & difficultate viâ impediti, victoriam non essent prosecuturi. Superandus enim erat securuturis, sat difficili loco, ipsum arcis ciuitatisque vallum alluens riuus. Expeditior tamen Polonorum equitatus, fugientem affecutus, cohortes, quæ tutando tergo lentius fuerant progressæ, profligauit: multos captiuos abduxit; atque inter alios, Gastoldum, & Rombowdum,

Luceoria
exercituum
admonet.

Boleslaum
profligat
& Luceo-
ria exi-
git.

tum, viros in Lituaniâ primæ nobilitatis. Polonis ipsis A. 1431. non incruenta ea victoria fuit: cum enim Scythas fugientes incautiùs insequuntur, ab iisdem repentè ex fugâ in pugnam, more suo, coorientibus, multi sunt oppressi. Rex depulsis campo hostibus, refectoque breui quiete milite, dum recens adhuc metus minores animos præsidarijs faciebat, arcis oppugnationem III. Id. Iulij aggreditur. Murorum parte machinis tormentarij deiecta, sit à milite assultus: pugnatur æquata vtrimque audaciâ, damno impare: maior enim longè in oppugnantibus clades edita est, vnde infectis rebus receptui signum datum. Si patentibus adhuc ruinis, contra fessos, qui extra pugnam fuerant instaurassent impetum, haud dubiè obsessis vires defecissent, ad tuendum. Id ipsum veritus præsidij. Præfectus, tridui inducias petijt, specie agendi de conditionibus dedendæ arcis, reuerà vt militem quiete, muros operibus varijs, reficeret. Rex pugnae fructu victoriâ contentus, cladesque subiecti sibi populi perhorrescens, faciliè in inducias consensit. Obsessi verò, magno silentio murorum ruinis vallum obijcere, aquam quæ deficere cœperat, comportare; vniuersa ad propugnandam arcem seruitura, instruere; elapso denique triduo, deditiois loco bellum ostentare. Delusis ea fraude Polonis, omnis deinde conatus irritus fuit, atque obsidio in longum producta tempus. Hinc, vt proum est in suspiciones vulgus, queri palàm miles: concessis inducijs, spontè à Rege permissum esse elabi victoriam; plus eum Boleslai fratris causæ, quàm

Arcē Lu-
ceoriensem
oppugnat,
irritis co-
natu.

A. 1431. Regni commodis fauere; oppugnationem arcis in specie fieri; exercitum interea ærumnis exauriri, ac confici. Verum, ut fortassis falsò hæc in Regem militari licentiâ iactabantur: ita non defuisse aliquos procerum Polonorum, qui obsessis consilia, annonamque

Suidrigelo pacem se petere fingit.

ministrarent; testatum reliquit Dlugossius. Bolellaus quamdiu Luceoria Regi non cessisset, necdum spe belli ex voto conficiendi incisâ; Valachis, Scythisque stipendio euocatis, collabentes res suas firmare instituit. Quia tamen ea auxilia, tam citò maturari non poterant, ut interea Luceoriæ oppugnationem lentior

Polonorum vires distrahit.

rem redderet, Regem de pace interpellauit. Rex ita de ea per legatos agi permisit, ut nihilo segnius, negotium armis vrgeretur. Quare legatis utrimque de pacis legibus disceptantibus, Bolellaus Chelmensem Prouinciam inuadit: Ratnum per opportuno loco situm oppidum, Regi adimit; circumiacentes agros latissimè vastat. Concurrere citò nobiles ad arma ductoribus Tribunis regijs Ciolek, & Szafraniec: quorum prior non procul Chelmno, posterior ad Cremeneciam, non mediocri clade vastatores delerunt. Vrgebatur interea à Rege Luceoriensis obsidio: sed nihil obsessis de audacia imminuebat; quin in belluinum furorem eam vertit.

Luceoriensium Russorum manus crudelitas.

Quotquot enim inter se, siue captiuos, siue suos, Polonæ gentis aut Romanæ Religionis deprehendere potuerunt, exquisitis eos tormentis confecerunt. Excarnificatos aut de muris suspendebant, aut in palum actos oppugnantium oculis obijciebant: ita nimirum defendæ

dendæ extremâ vi arcis necessitatem sibi facturos existimabant, si omnem spem clementiæ præciderent apud eos, quorum inextinguibile odium, tam immanibus factis contra se vtrò concitassent. Addiderunt crudelitati, facinus sacrilegio horrendo plenum. Auctore quopiam mago, gente Iudæo, adolescentis Poloni collo transfixo, eductoque inde omni cruore, recisis virilibus, aperto pectore, extractis præcordijs, corpus reliquum minutatim concisum, candentibus prunis torrendum impositum est. Cuinam infernalium monstrorum eo scelere litauerint, non comperio: illud constar, credidisse eos inexpugnabilem arcem redditum iri, ubi compira eius & angulos omnes, funesto illo nidore sacrascent. Poloni tam immanibus exemplis exacerbari, vindictam quam in omnes vulgare non poterant, in eos inuitabili cæde exercebant, quos casus aliquis manibus eorum obiecisset. Frigidior tamen anni tempestas sensim ingrauescens, viris simul ac iumentis peracerba, vlciscendi pugnandi que ardorem restinxit: præsertim quòd pabulo omni circumquaque consumpto, gemino malo, inediâ & gelu, enecarentur. Itaque pertæsi castrensis miseriæ, quocumque fœdere bellum quàm primum terminari, palam summi ac infimi postulabant. Bolellaus verò quia nuper pacis mentione imponere tantum Polonis voluerat, nihil minus, quàm pacem, animo agitare. Augente præsertim animos nuncio, quòd & Valachiæ Princeps Alexander, Podoliam inuasisset, & Theodoricus Magister Crucigerorum, Dobryniam,

A. 1431.

Poloni belli perniciem optant.

Bolellaus Suidrigelo illudit.

A. 1431. bryniam. Neque tamen audebat negotium simul omne pacis abrumper: sed varias difficultates comminiscabatur, quibus fœderis ineundi conditiones, iam criminando, iam reiiciendo, rem omnibus artibus protrahabat. At ubi fama certior vulgavit, Valachos in Podolia Buczacijs Ducibus cæsos, Crucigeros à nobilitate maioris Poloniæ ad annam Vinsza profligatos; desperatis auxilijs fœdus maturavit. Breues dumtaxat induciæ pactæ sunt, ut interea partium capita Parcouiam conuenirent, atque de ratione perpetuæ pacis transigerent. Rex solutâ obsidione, dimissoque exercitu, Leopolum contendit. Volynij metu armatorum liberi, per vniuersam prouinciam, in templa Romanæ religionis, ac Poloniæ gentis capita, incredibili crudelitate sunt grassati.

A. 1432.
Iagelo
Parcouiæ
comitia
celebrat.

Instabat dies conuentui Parcouiensis ad IV. Non. Febr. dictus. Iagelo præmissis Polonorum Niepolomiciæ comitijs, nè quam suâ morâ nouis turbis materiam præberet, ante condictum tempus Parcouiam venit. Conuenerant quoque ex Lituania, tum procures, tum equestres legati, magnâ frequentiâ. Solus Boleslaus desiderabatur. Perspiciebat probè Rex, quidquid tandem cum alijs è re publica statuisset, id ob Boleslai absentiam, neque firmum, neque diuturnum fore. Magno itaque studio Brestiâ Parcouiam eum pertrahere contendit: & procrastinantem, diu satis expectauit. Boleslaus verò contentus pacis spe Luceoriâ periculum depulisse, consilia obtestationesque regias contemnebat.

Boleslaus
ad ea ve-
nire recu-
sat.

Fastu

Fastu tumida mens, vix dum præsentium periculorum sensu tangebatur, nedum futura ac incerta, vel videret, vel æstimaret. Non parùm etiam contulit disturbandis regijs consilijs Gubernatoris Toruniensis, Crucigerorum ad Boleslaum legati, opera: qui fratrum discordias, Ordinis sui rebus pernecessarias, contemptumque belli Polonici, amplis promissis auxiliorum, studiòse fouebat. Iagelo spe omni pacis frustratus, cum sanguinis amor, tot iniurijs ferendis non sufficeret, alias rationes inire cœpit: quibus Boleslao domito, læsa Regiæ auctoritatis iura vindicaret. In Poloniam Parcouiâ abiit, atque comitia Polonorum Siradiam indixit. Poloni, quòd eorum maximè res ageretur, ne Podoliam & Volyniam amitterent, quibus Boleslaum neutiquam cessurum, tot argumentis constitisset, omni contentione persuadent Regi, ut Boleslao Sigismundum Vitoldi fratrem, Starodubensium Principem, æmulum opponat translatis in eum Magni Ducis Lituaniæ titulis. Non diu difficilem se præbuit eorum consilio Iagelo, nimium quàm pertæsus Boleslai. Mittuntur itaque Regis ac Reipublicæ legati: Sigismundus ad sumenda contra Boleslaum arma tacitè, concitatur: auxilia à Polonis spondentur: victoriæ præmium, Magnus Lituaniæ Principatus addicitur. Sigismundus iam ante Boleslao offensor, quòd Principatum in Kieystuti familiam per Vitoldum, illatum, in se, vi magis, quàm Ordinum aut Regis voluntate transtulisset; auidè arripuit spem ostensam ornandæ domus, quàm filio egregio iuvene, paternarum

Rex de op-
primendo
Suidrige-
lone con-
sultat.

Sigismū-
dum Kiey-
stutiad: m
ei æmulū
opponit.

A. 1432. ternarum ditionum successore, firmatam habebat. Lit-
tuani quoque Proceres plerique Laurentij Zarem-
ba operâ sollicitati occultè, nullo negotio in Regis senten-
tiam concesserunt, atque partibus Sigismundi sese ad-
iunxerunt. Nam ut vniuersos propè Boleslaus incredi-
bili crudelitate à se auerterat; ita maximè in eorum o-
dium incurrerat: qui antiquâ origine Lituanâ proгна-
ti, ægerimè ferebant, in gratiam Russæ coniugis Tve-
rensiū Ducis filix, à Boleslao solos fere Moichos ac
Russos magni fieri, & præcipuis Magistratibus admo-
ueri. Ut primùm à Seueria digressus Sigismundus Li-
tuaniam attigit, spontè accurrentibus proceribus, ac
nobilitate, breui iustus coaluit exercitus. Destinauerat
Sigismundus, cum expeditionibus, tacito agmine, ma-
ximisq̃ itineribus, Boleslaum Osmianæ securè agen-
tem opprimere, atque captum Regi mittere. Verùm
Palatinus Trocensis Ioannes Moniuidus, à quo-
piam, quæ destinata essent edoctus, Boleslaum de imminenti
periculo præmonuit. Tam improuiso ille nuncio atton-
itus, non arma, non consilium, retinendæ dignitati
expedire: stupere ad omnia: solius vitæ curâ, viam fu-
gæ circumspicere. Tanta porro fuit fugienti trepidatio,
ut ne coniugem quidem, comitem fortunæ assumere
voluerit. Re vniuersâ familiari cum coniuge affectibus
æmuli prodiit, solus Smolenscum vsque fugit. Ibi pri-
mùm recepto spiritu, Russorum favore Polocensi ac
Kiouienti, Prouincijs, in suam factionem pertractis,
Russiæ se Ducem ferre cœpit. Sigismundus omni propè
bello

*Boleslaus
Suidrigelo
ex Litua-
nia fugit.*

*Russiam
occupat.*

bello absque pugna confecto, Vilnam, Trocos, Grod-
nam, ac reliqua totius Lituaniæ loca incruentâ victo-
riâ, sui iuris fecit: atque quàm primùm per Ioannem
Niemirowicz de exacto è Lituania Boleslao, Regi gra-
tulatus est. Subsecuti non multò post alij legati, qui nar-
ratâ in senatu rei gestæ serie, postularent, ut Sigismun-
dus Magnus Lituaniæ Dux renunciaretur. Non pote-
rat negari præmium victori, Regis ac Reipublicæ fide
promissum: præsertim quòd legati Sigismundi sanctè
sponderent, eum in Regis potestate semper futurum,
nec prius cessaturum à bello, quàm Boleslao penitus de-
bellato. Differre postulata, res erat plena discriminis
Inter nouarum enim rerum turbulentos motus, sæpè
ipsum tempus studia vnius factionis remittendo, alte-
rius intendit. Cùm itaque festinatione opus esset, ex Se-
natu consulto lecti sunt viri, tum integritate probatâ,
tum agendi dexteritate conspicui, Sbigneus Olesnicki
Episcopus, Iarandus de Brudzow Palatinus Cracouien-
sis, Ioannes de Lichno Palatinus Brestensis, & Lauren-
tius Zaremba, alijque. Ijs, Regis ac Reipublicæ aucto-
ritas commissâ est, ut certis legibus Sigismundum Ma-
gnum Lituaniæ Ducem inaugurarent.

*Legati
Regis ad
Sigismun-
dum.*

LIBER IV. DE REBUS LITVANORVM

Sub Principe Sigismundo I. Kieyſtutiade.

Sigismundus Kieyſtutiades certis conditionibus fit Magnus Dux Lithuaniae.



Non multis laborandum fuit apud Sigismundum legatis Regijs, ut ea persuaderent, quæ in secretis mandatis, à Rege ac Republicâ, acceperant. Quid enim pronius, quàm imperij causâ, quiduis polliceri? Sigismundus tamen ita agere vilus est, ut ex fide eum præstiturum, quæ spondisset, haud dubiè ab omnibus crederetur. Stipulationis iureiurando firmatæ hæc summa erat. Vetus Lituaniæ cum Polonia fœdus, vniò dictum, inuiolatum semper feruaretur. Sigismundus Rege, Ordinibusque Regni inscijs, aut inuitis, neque procuraret, neque admitteret Regios pro Lituania titulos, ac insignia: nullum alium, quàm Regem eiusque hæredem, successorem sibi legeret, designaretque. Filius eius Michaël Dux Trocensis, & Starodubensis, iisdem prouincijs contentus viueret, regiumque in se ius semper agnosceret. Sigismundo mortuo Volynia regno Poloniæ adiungeretur. Michaële absque masculâ prole decedente, ius omne Trocensis ac Starodubensis Ducatûs, ad Regem deuolueretur. Hæc de Sigismundi ac procerum, nobilitatisque consensu, in publicas tabulas relata, eorum

ipforum

ipforum nominibus ac signis ritè commonita, legatis regijs sunt reddita. Tum Sbigneus legationis Princeps, in templo D. Stanislai Vilnæ, Summi Pontificis diploma, ad confertissimum populum explicuit: in quo Sigismundus ipse, atque omnes Magni Ducatûs Lituaniæ incolæ, iuramenti ante annum Boleslao præstiti religione, exoluebantur. Mox solitis ceremonijs Sigismundum Magnum Ducem, per Mareschalcos proclamatum, inaugurauit, stricto ense, quem Rex miserat, dextræ eius inserto. Agrè ea res habebat Ludouicum Torunij Præfectum, qui cum tribus legationis suæ collegis, Ordinis Crucigeri equitibus, Vilnæ, sub legati velo, egregiè vicibus, ac personâ speculatoris,ungebatur. Ille arcana Senatûs venari: Principem ac primores amicitia Crucigerorum inescare: nihil negligere, quod pactis conuentisque Sigismundi, atque adeò fœderibus Polonicis conuellendis prodesset. Neque deerant qui eius machinationes apud Principem, & in Senatu validè promouerent. Ante alios suam operam Crucigeris addixerat, Georgius Butrym vir magnarum in Samogitia opum. Hic ut erat in Senatu, præcipuæ auctoritatis, quam versatili ingenio ac eloquentiâ, quaesitæque per exteram peregrinationem prudentiæ opinione, collegerat, non leuiter vniuersa labefactabat. Præualuere nihilominus, quibus sanior erat sententia. Ludouicus uti hostis, ut finibus Lituaniæ, cum collegis quàm primùm abiret, publico edicto mandatum: Georgio, ni grauiora vellet experiri, silentium impositum.

V 2

Boleslaus

A. 1432. Inauguratur à Sbigneo Episcopo Cracouiensi.

Crucigeri pacem inter Polonos ac Lituanos turbare conantur.

*A. 1432.
Sudrigelo
ipse Li-
thuaniam;
per Ducē
Ostrogium
Podoliam,
inuadit.*

*Samotul-
ski Podoliam
reci-
pit.*

Boleslaus interea, cum Sigismundus Lituaniam ordinat, per Russiam, quam prope totam liberalitate factionis suæ fecerat, magno apparatu militem scribebat, bellum simul Sigismundo & Iageloni illaturus. Bifariam copias partitus, ipse in Lituaniam duxit; Theodoro Duci Ostrogio occupandæ Podoliæ curam commisit. Neque infeliciter Theodoro ea expeditio cessisset, si primis successibus pares euentus, instabilis rerum humanarum sors, attexuisset. Improviso bello Podoliam aggressus, breui eam asseruit Boleslao. Rex ad progressus hostiles sistendos properè Leopolum accurrit, atque inde Vincentium de Samotulij Russiæ Palatinum, contra Theodorum expedit. Theodorus leui equitatu, ex Russis, Valachis, Scythisque conflato, ad insidias, quàm apertum certamen validior, non ausus occurrere Samotulio, tantum per interualla infestando fatigabat Polonos, carpebatque. Samotulius vniuerso simul robore progrediens, obuias arces facile recepit, iamque Braslauiæ imminebat. Theodorus veritus, ne si ea Polonis cederet integra, annonâ, cæterâque prædâ non leuiter reficerentur, præmissis expeditissimis equitum, arcem ciuitatemque exuri curauit. Excurrentes Nouember iam militem ad hyberna reuocabat, neque in Proincia supererat aliquid agendum, exercitu hostili omnem prælij copiam indultriè deuicante: quare versùs Poloniam Samotulius castra mouit. Abeuntem Theodorus tacito agmine, ita sequitur, ne vel Polonus sentiret Russos vestigio insistere, vel ipse rei gerendæ occasionem

A. 1432.

*Theodori
Ostrogium
post an-
cipitem pu-
gnam
profligat.*

sionem elabi sineret. Morakua fluuius inter densa nemora, viginosis ripis latè exundans, Polonis in reditu superandus restabat. Intrauerat eum glacie, autumnale gelu: sed ab ea, quod ad ferenda onera necdum firma esset, plus impedimenti transituris obiciebatur. Subsistere itaque coactæ copiæ, donec congestis temerè virgultis, ac vimine, via per paludosa loca tumultuario opere muniretur. Intentis in id opus Polonis, Theodorus cum suis, magno silentio fluuium alio loco traiecit, atque à fronte viam insidijs occupat. Pars Polonorum superato difficili transitu, cum impedimenta atque cohortes reliquæ sensim subsequuntur, nihil hostile ab illa ripa metuens, securè curandis corporibus indulgebat. Re per exploratores cognitâ Theodorus, sub lato repente tubarum clangore, in securos impetum facit. Improviso circumuenti discrimine Poloni, cum per occupatum curribus aggerem, neque ipsi ad suos se recipere, neque ab illis auxilia accipere possunt, auctis ex desperatione animis, hostem constanter excipiunt. Pugnatur acriter. Samotulius tam ancipiti periculo deprehensus, ociùs currus ex aggere agi præcipites, glaciem confringi, viam reliquis copijs aperiri iubet: fluuium nando transgressus pugnam iustaurat. Auctis Polonorum viribus acriùs vtrîmque prælium insurgit; sed spes Theodoro superior: instructa acie, recenti milite ac numeroso, cum fessis, ac tumultuariè in pugnam venientibus, prælianti. Adhuc animus Polonorum ac virtus æquabat fortunam prælij, cum Russi victoriæ secu-

A. 1432. ad spolia desertis signis, diffluere cœperunt. Nihilo tamen spes inde melior Polonis: Russis periculum non sentientibus. Solius Kemlicij Centurionis fortitudo vires confudit, prope victorum Russorum, ac in fugam inclinatorum Polonorum. Excurrebat ille Ducis iussu annonę causâ ad vicinos pagos, cum centum equitibus. In reditu, cum à longè clamorem strepitumque audisset, pugnari haud dubius, calcaribus adactis citato cursu ad suos properat, editoque confuso clamore, qui speciem maioris exercitus faceret, à tergo Russos aggreditur. Mox Poloni audaciam ac spem resumere: Russi à præda ad pugnam reuocati non signa, non ordines suos reperire. Theodorus Dux maiorum auxiliorum opinione deceptus ante alios è campo cum delectis ad tutiora se proripuit: Ducem, totius exercitus, effusa fuga est subsecuta. Cædes longè maior in fuga, quàm in acie, edita. Quòd enim sereno cælo, luna plenolumine, diem ferè æquaret, Poloni ultra mediam noctem fugientem Russum insequendo, continuârunt victoriam. Pridie Kal. Decembr. loco ad quadraginta leucas Leopoli dissito pugnatum est. Nuncius tamen victoriæ, nullo certo auctore, eodem ipso die per ciuitatem vagatus, ad Regem publicè in templo Superis supplicantem peruenit. Postero deinde die cum signis de hoste captis, legatus à victore exercitu Regem salutauit.

Non multò post, nempe IV. Id. Decembr. Boleslaus quoque in Lituania profligatus est. Quinquaginta mil-

lium

lium exercitu Lituaniam adortus, castra ad Osmianam posuerat. Vniuersa prope Russia arma pro illo sumpserat: neque ea solùm, quæ Magno Duci Lituanix subiecta Polociam, Smolensciam, Miscislaiam, Seueriam, Kiiouiam, Volyniam prouincias complectebatur, sed etiam Moschouia, Rezania, Tweria, ductore Iaroslao, germano Borysi Twerensium Ducis. Liuania quoque ex secreto fœdere, auxilia Germanica miserat. Non deerant præcipuæ nobilitatis Lituanix proceres, qui exercitum eius suo milite auxerunt. Sigismundus tamen, numero longè inferiores Lituanorum, Samogitarumque copias, intrepidè æmulo obiecit. Commisso prælio Superi victoriam ad bonam causam inclinârunt. Decem suorum millibus in prælio amissis, ægrè ipse fugâ Kiiouiam Boleslaus euasit. Quatuor millia viuorum in potestatem venerunt, atque in his, præcipua belli factionisque capita. Eximia victoria faciliè datura pacem credebatur: nisi eam satis in campo cruentam, Sigismundus magis funestasset; fortè necessariâ, nec iniquâ, odiosâ tamen nimium apud populares seueritate. Posteaquàm fama vulgauit Georgium Linguenium nepotem regium, Miscislaiensium Principem, patrimonio omni exutum, in carceres Trocenses coniectum: Daugirdum Dedigoldi filium, ac Ducem Theodorum Odyniec, ceterosque, arctius haberi, quàm eorum genus, dignitasque ferret: Ioannem Moniuicum Palatinum Vilnensem, Rombowdum Mareschalcum Lituanix, vt perduellionis reos peractos, capite truncatos

A. 1432.
Suidrigelone
Si-
gismundus
profligat.

Rebellium
primores
plectendo,
omnes à se
auertit.

A. 1432. catos esse; summi æquè ac infimi crudele in nouo Principe ingenium suspicari, atque inde infame tyrannide eius imperium fore ominari, & execrari. Sigismundus, ne victorem exercitum suarum ditionum prædâ saginaret, modicâ à prælio interiecta quiete in Liuoniam mouit, quod contra foedera à Liuonibus ministrata esse Boleslao auxilia compertum haberet. Prouinciâ totâ latissimè euastatâ, miles copiosâ prædâ, Dux ob iniuriam vindicatam lætus, ad hyberna redijt in Lituaniam. Inde ad venerationem Superiorum qui victoriam dedissent versus, in perpetuum gratæ voluntatis monumentum, Osmianæ templum, ac Collegium Sacerdotale, *Canonos* vulgus vocat, erexit, redditibusque amplis, instruxit. Russos, qui Græcis ritibus in Romani Pontificis obsequio, religionem Christianam colunt, in signibus priuilegijs ornauit.

A. 1433. Boleslaus nactus otium, quod hyems & hyberna Sigismundi quies, permittebant; instaurandis in Russia viribus impendit: maioribus longè copijs, fortunam superioris anni, primo vere correcturus. Plerique, nuper cælorum procerum, amici, cognati, ac clientes, odio Sigismundi, Boleslao accedebant: præsertim quod satis auersos à se animos nuperâ magnatum cæde, magis irritasset incredibili auaritiâ. Quamquàm verò nonnulli, nondum auderent palàm ad castra Boleslai transire, ita nihilominus Sigismundum deseruerant, vt nihil dubij esset, illos Principis cladem à longè otiosè spectaturos. Neque Polona auxilia aut Sigismundus sperare, aut Boleslaus

*Liuoniam
inuasit
& vastat.*

*Osmiana
Ecclesiam
Collegiatâ
fundat.*

*Smidrigelo
bellum in
Russia co-
tra Li-
thuaniam
instaurat.*

Boleslaus metuere, poterat. Nam Iagelonem Regem A. 1433. annis laboribusque præteritis fractum, ac bellis gerendis imparem, domestica quies tenebat. Duces verò Poloni exercitus, Prussia nouo bello implicuerat. Boleslaus itaque trifariam exercitum partitur: ipse cum parte, Lituaniæ interiora aggreditur, ac latè vastat. Legati eius, ac factionis Duces, Corybutus, Ostrogus, Nossius, cum reliquis duabus partibus, per Podoliam, Volyniamque impunè grassantur. Sigismundus Polonorum auxilijs destitutus, de Lituanorum procerum fide non ex vano dubius, non est ausus se ipsum exercitui concedere: sed Petrum Montigerdowicz bello gerendo præfecit. Hic audendo nimius, cum temerè confli- git, amisso exercitu, Sigismundi partes propè ad extremum perdidit. Ad eius cladis nuncium Sigismundus, cum paucis, præcipuorum amicorum cohortibus, intra densiores syluas se, vxoremque ac filium, recepit. Boleslaus depulsis campo Sigismundianis, ab ea victoriâ longè insolentior, ne tempus oppugnandis arcibus tereret, in aperta extremè sæuiit. Vilnam, Trocos, Creuum, Lidam, Merecium, Grodnam, ciuitates, & quidquid pagorum toto eo tractu erat, igne deleuit. Carpebat quidem Sigismundus è sylvarum latebris identidem erumpens, incautiùs palantes: at vniuersi belli molli impar, nihil momenti maioris tentauit. Euastatâ Lituaniâ Vitepsciam Boleslaus duxit. In eo itinere captum Toloczyni Ducem Michaëlem Iwanowicz, aquis suffocari iussit. Vitepsciâ potitus Simonem Holsanum Ducem,

*Lituaniæ
Prouinciâ
impunè
vastat.*

*Exercitū
Sigismun-
di profligat.*

*Vitepsciâ
occupat,
eiusque Praefectum
ducit.*

A. 1433. Ducem, Prouinciæ totius Præfectum, ab edito monte in præterfluentem Dunam, præcipitem egit. Ibidem deprehenderat quempiam impostorem Harasimum, qui vsurpato vniuersæ Russiæ Pontificis titulo, Vitepsciæ Pontificatûs sui sede collocatâ, miseris populis imponebat, ab obsequio Romani Pontificis, ad Græcum schisma auocando. Eum quoque, siue in gratiam Kiio- uensium, siue aliâ causâ (neque enim veræ religionis tuendæ studio factum crediderim) viuum flammis addixit. Cùm Boleslaus à Septentrione per Russiam imperium sibi firmat, legati eius, Theodorus Corybutus, & Nossius peragratâ meridionali Russiâ, vastatisque Podlachiæ confinijs in Polesiam vsque penetrârunt. Brestiam magnâ vi oppugnabant: obsessosque grauius premebat fames, quàm hostis, quod in subitos casus, nullam annonam præsidarij præparâssent. Cessisset procul dubio arx hosti, peropportuno loco sita, nisi Mazouix Duces contra vicinum hostem mouere iussi, impigrè in campum prodijssent. Famâ eorum territus Corybutus, obsidionem Polesiamque deseruit. Longè maior à Scythis imminabat clades, nisi eam Superi, in ipsius Boleslai caput, vertissent. Amplis muneribus Boleslai euocati, maximo numero sub signa confluxerant, vt Sigismundo eiecto, Lituaniam Boleslao restituerent. In via à Regijs legatis edocti, Sigismundum à Iagelone Lituanix Principem creatum, in eius obsequio agere, Boleslaum verò rebellem, Principatu exutum, bellum contra Regem gerere: furias, in Boleslaum, quod eos

Per lega-
tos suos
Polesiam
vastat.

Scythæ
contra Si-
gismundū
eieci, in
Suidrige-
lonem ar-
ma moue-
runt.

fefellisset, effuderunt. Neenim prædâ vacui domos re- A. 1433.
peterent, crudeli populatione, in Russiam Boleslao
subiectam, ac præsertim Kiiouiam, & Czernihouiam
sunt grassati. Exeunte primùm Autumno è latibulis e-
mergit Sigismundus, atque exiguis copijs, quæ magis
ad iniuriam patebant, è Boleslai ditionibus, vastauit.
Miscisslauiam vsque vastatione progressus, post urbem
arcemque pertinaci, vnus mensis oppugnatione, ca-
ptam, in hyberna concessit.

Sigismun-
dus Misci-
slauiam
recipit.

Sequens annus Regi Ladislao Iageloni vltimus fuit. A. 1434.
Excurrebat in Lituaniam; ibique à Sigismundo in op-
pido Kryuki omni honoris significatione acceptus, im-
perium ei in Lituaniam confirmauerat. Regressus in
Poloniam; Corczyni comitijs interfuit: inde Craco-
uiam, deinde Leopolum contendit, vt Stephanum Mol-
dauix Principem inauguraret. Tot itineribus afflictâ
valetudine: in castello Grodek viribus instaurandis, a-
liquantum quieuerat. Sed iam grauior vis mali erat, eâ
præsertim annorum maturitate, quàm vt quiete solâ
leuaretur. Philomelam, inter proxima arbusta canen-
tem, pro more suo, in longam noctem de fenestra au-
diendo, sensim caput atque præcordia frigore noctur-
no peruadente, febriculam conceperat. Accesserunt in-
commoda viarum, quæ malum auxerunt. Nondum ta-
men ægritudinem aut medicus, aut Rex ipse sentiebat:
senilium virium languor credebatur, qui morbus erat
supremus. A mensâ demùm, cùm repentè animo lin-
qui cœpisset, ad lectum delatus, de vita rem agi intel-
lexit.

A. 1434.
Rex Iage-
lo mori-
tur.

A. 1434. lexit. Vocatos itaque regni Proceres inprimis rogat, ne in sufficiendo sibi Rege, Ladislaum filium præterirent. Pollicentibus singulis suam operam, ad Sbigneum Oleśnicki, oratione conuersâ, annulum digito suo detractum illi tradit, magnaque demissione precatur, ut eorum, quæ ex occasione dissidiorum in sentiendo, accidissent, veniam sibi indulgeret. Tabularios deinde accersiri iubet, qui supremam eius voluntatem in tabulas referrent. Tabulis ritè confectis, monente Sbigneo, totum se dedit ad eluendam exactiùs à culpis omnibus conscientiam, componendumque Christianâ pietate animum, ad extremum vitæ momentum. Intra septendecim dies consumptus, pridie Kal. Iunij excessit è vita: cum annos octo supra quadraginta, & quatuor menses, regnâisset. Fuit Princeps, corpore laborum ac incommoditatum patientissimo; animo ad excelsa erecto. Staturâ mediocri, facie ac collo, oblongis. Curandi corporis studiosior videbatur, quod balneum in singulos aut alternos dies, adhiberet. Cæterum cibi potûsque parcus, vino semper abstinuit. Rudi, simplici que habitu contentus, nihil in veste fastuosum admittebat. Venationum à puero studiosior, earum usu corpus ad ferendos labores indurabat. Munificentia in omnes, sed præcipuè in templa, & externos, insigni: nullum ipse donum, quantumvis exiguum respuere; neminem supplicentem spe omni præcisâ repellere, verum aliquâ donatum parte, benignè à se dimittere solitus. Egentiores magnâ comitate inuitabat, ad explicandas suas iniurias: quam-

Mores Ladislaui.

quamquam, quod neminem libenter offenderet, tardior se in ferenda sententia gereret. Cum domo egressiendum foret, vno pedi insistens, ter in gyrum se circumagebat. Veterum superstitionum has fuisse reliquias, credebatur: at quia, quâ animi sententiâ id faceret, nulli aperuit, superstitionis ego non damnauero. Ita enim in Missæ sacrificio, cum ad cultum populi, sacra Hostia à Sacerdote in altum leuaretur, ille in terram prostratus, festucam aut quidpiam simile arreptum minutimque confractum abiciebat. Neque tamen id superstitiosum dixeris, quod eo argumento Supremi Numinis in omnia auctoritatem, regionumque capitum subiectionem, publicè se profiteri affirmaret. Poloni nequid per longius interregnum turbaretur, Ladislaum Ladislaui Jagelonis natu maiorem filium VIII. Kal. Aug. solemniter inaugurârunt. Sigismundus his comitiis non interfuit, graui morbo domi detentus. Præcipuos tamen Proceres misit, qui eius ac Ordinum nomine, antiqua fœdera cum nouo Rege instaurarent. Eadem occasione Podolia & Russa nobilitas, ad pares cum Polonis equestres prærogatiuas admissa est, antiquatâ vetere Ducum Russiæ consuetudine, quibus nobiles certam frumentorum pensionem debebant, & militiam proprijs stipendijs.

Boleslaus interea à bello non cessabat. Russorum comitijs è Polocenti Prouincia eductis, per confinia Dunæ, Braslauienses agros inualit: sed nullo ferè maiore operæ pretio. Nâ, ut est ea ora paludibus ac lacubus plena; in-

A. 1434.

*Ladislaus
filius La-
gelonis
Rex Polo-
niæ.
instauras
fœdus Li-
tuanicum.*

*Suidrigelo
infeliciter
Lituaniam
retrat.*

A. 1434. solita imbrium vis, ita Boleslai castra implicuit, ut neque progredi, neque subsistere, sine damno ac difficultate posset. Frustratus spe, ægrè Polociam signa reduxit. Peiore fortunâ Liuvones Crucigeri ab eo conducti, Samogitiam inuasērunt: nam inter densissimas sylvas insidijs excepti, prope omnes deleti sunt. Magister ipse Sancius vix cædi caput fugâ subtraxit. Non meliores ex Podolia nunciabantur successus. Coortis nuper dissidijs, in vincula Theodorum Corybutum Boleslaus coniecerat. Eâ Boleslai feroeciâ Corybutiani clientes ac subditi commoti, inita cum Buczacijs conspiratione, copias Boleslai fundunt; Corybutum in libertatē assēcunt. Corybutus sibi redditus ad Polonos transijt, quas arces in Podolia suis præsidijs obtinebat, Braslauiam, ac Cremenecum Regi Ladislao dedit. Nihil tamen inde minor animis Boleslaus, ex superiore potius successu, spes suas metiebat, neque inclinantis fortunæ vices, metuebat. Magnis viribus bellum in sequentem annum parat. Quotquot Russia dare potuit militiæ aptos, armat: auxilia tum ex fœdere, tum stipendijs conquirat. Liuvonos, Moschos, Casanenses Scythas, Bohemos ductore altero Corybuto, vulgò Zidimino, & Silesios ductore Sigismundo Rotth conscribit. Non ignorabat Sigismundus Boleslai apparatus: quare, præter institutos in Lituania maturè per hyemem delectus, Ladislauum Regem monet, quid discrimis Russia pariat. Intererat Ladislai, ut initijs regni domito Boleslao, bellicæ fortunæ famâ, reliquos hostes percelleret,

Missus

*Boleslaus
Suidrigelo
maiore
apparatu
bellum re-
sumis.*

Missus itaque est in Lituaniā expertus bello Dux, Iacobus de Kobylino cum octo millibus Polonorum. Iam Boleslaus primo impetu occupatâ Braslauiâ, atque inde reliquum Lituaniæ excursionibus peruagatus, castra Vilkomergiae admouerat. Verum eius oppugnationem situ loci difficilem, ex prædiorum constantiâ, longiorem spe habuit. Sigismundus contractis in vnum Polonorum, Lituanorumque copijs, vniuersæ rei Michaëlem filium, strenuum iuuenem præficit. Michaël nihil moratus contra hostem ducit. Triduo aduersi exercitus, castris Suietâ fluuiō diuisis, in mutuo conspectu steterē: quod Michaël ab itinere quiete suos reficeret; Boleslaus verò iniquo sibi loco prælium cuitaret. Summo mane prior inde mouit Boleslaus, castris ac pugnae opportuniorem campum captaturus. Michaël dubio adhuc die, moueri castra hostium ab excubitoribus monitus, cedere Boleslaum existimabat: expeditis ergo cohortibus negotium dat, ut carpendo à tergo hostem, distineant. Ante ortum solis inchoato inter paucos certamine, cum pugnantibus utrimque sensim maiora auxilia submittuntur, res eò deducta est, ut totis exercitibus concurreretur. Boleslaus indignatus, quod prior Michaël orsus esset pugnam, vlcisci ignominiam volebat: Michaël ratus Boleslaum fugere, vniuersis viribus insistebat, ne elaberetur. Errore Ducum commissi exercitus, pugnant paribus animis, armisque. Leuior siquidem Lituanorum equitatus, arcu solo ac ense pugnam ciere consuetus, cum Russorum equestribus copijs,

A. 1435.

Vilkomergiam oppugnat.

Ab exercitu Sigismundi profugatur.

A. 1435. pijs, pariter bella gerere solitis, conflixit: Polonis equi-
tibus hastatis, graues ferro legiones Liuonum; Bohe-
morum, & Silesiorum oppositæ. In has magno impetu
illatus eque Polonus, ubi viam inter confertos ordines
hastis aperuit, gladio rem agerem cœpit. Non diu ho-
stis eam pugnam sustinuit; robore ipso exercitûs perru-
pto, tota acies in fugam effusa est. Liuones pertinaci-
simè, locum, quo constiterant, retinentes, Magistro,
Mareschalco, & fortissimis quibusque cæsis, propè ex-
tremâ strage deleti sunt. Bohemorum, Silesiorumque
ductores, atque Russorum plurimi, viui in potestatem
venerunt. Michaël remissis ad Parentem captiuis, vi-
ctoriam est prosecutus. Polociam, ac Vitepsciam Pro-
uincias vastauit: arcibus diu irritâ oppugnatione tenta-
tis. Atrocior in captiuis strages edita. Sigismundus
Rotth Silesius, quod obligatam non semel Polonis fi-
dem violâisset, sacrilegij pœnas in amne Suienta sub-
mersus eluit. Corybatus, sparso rumore in vulgus quod
ex vulneribus obijisset, veneno extinctus. In Iarossaum
Linguenium nepotem Iagelonis, Ducem Miscisslauiæ,
Ioannem Volodimiri Principem Kiiouiæ, Michaëlem
Lwowicz Wiazma Ducem, ac reliquos procures (qua-
draginta capita erant) vario pœnarum genere sæuijt Si-
gismundus, perduellionis vindicandæ prætextu. Cæ-
terum ea res demùm Sigismundo perniciem accelera-
uit maximè, sæuendi que simul, ac imperandi, citò fi-
nem fecit.

*Sigismu-
dus in ca-
ptiuos se-
nit.*

Nondum victoriam ita fama vulgauerat, vt Germa-
niam

niam peruagaretur. Nihilominus Sigismundus Cæsar, siue quod suspectam Boleslai fortunam haberet, siue te-
gendi animi studio, Ladislai Regis amicitiam ambire
cœpit. In Lituaniâ Boleslaum promissis auxilijs stimu-
labat, ne repetendi Principatûs aut curam, aut spem
deponeret: in Poloniâ Ladislaum Regem per legatos
hortabatur, ne cruentum in visceribus Reipublicæ bel-
lum permetteret, remedium fraternis odijs non appo-
nendo. Rex Boleslao offensior, sed neque Cæsari ad-
modum æquus, cuius amicitiam ultra verba nihil ha-
bere non ignoraret, acrius legatis responderi iussit. Re-
gem, maiore, quàm Cæsar opinaretur, curâ eius belli
tangi. At Boleslao eam contumaciam esse, quæ rectis
consilijs flecti nequeat, ideo ferro ac vi necessariò do-
mandam. Oraculi speciem responsum regium habuit:
priusquàm enim legati à Rege discederent, nuncius de
profligato Boleslao, deletisque vnâ cum Ducibus Liuo-
num, Silesiorum, Bohemorumque auxilijs, venit. Mi-
nores inde longè Cæsari, ac Crucigeris in Prussiâ, ani-
mi, atque expeditior ad pacem via. Post breues admo-
dum nuper in Autumno concessas inducias: nunc ini-
quioribus longè sibi conditionibus, quàm quas fuerant
aspernati, foedus cum Ladislao Rege, & Sigismundo
Lituanix Magno Duce, libentes percusserunt: quie-
tus itaque is & proximus annus Polonis fuit; at non æ-
què Lituanis. Rex Rempubicam nactus pacatam, cu-
ras intendit ne quid religio vel ab Hussitarum vicinâ
Poloniæ sectâ, vel à Græco per Lituaniam & Russiam

*A. 1435.
ac Cruci-
ger pacem
in Polonia
ac Liua-
nia in-
staurant.*

A. 1436.

*Rex La-
dislaus in-
quisitorem
fides insti-
tuit.*

Y

Schisma-

A. 1437. Schismate, detrimenti pateretur. Potestatem ergo quærendi in eiusmodi rerum sacrarum nouatores Nicolao de Lanciciâ, Ordinis Prædicatorum, demandauit; qua liberè per vniuersas Regni ac Magni Ducatûs Lituaniz Prouincias fungeretur.

Polocis,
Vitepscia,
Smolenscia
Suidrigelo
Lini adi-
muntur.

Suidrigelo
ad Regem
confugit.

Rex cum
Sigismundo
conatur
reconcilia-
re.

In Lituania Polocenses, Vitepscensesque pertinaciùs Boleslai factionem secuti, trahere bellum constituerant, donec Boleslaus vires colligeret. Verùm diuturnæ obsidionis malis fracti redierunt ad Sigismundi obsequium. Smolenscum quoque incredibilis fames subegit: cum non modò à canibus, humanisque cadaueribus promiscua plebs, sed ne matres quidem à filiis temperarent; mutuisque inter ipsos fratres cædibus impia fami hostia quæreretur. Boleslaus extorris propè iam totâ Russiâ, post auxilia ybique desperatis rebus mendicata, nullibi reperta, tandem Cracouiam venit, Regis Poloniz Senatûs clementiam imploraturus. Apud memores præteritarum noxarum, vix quidquam habitu supplici, profecisset: vt ergo preces pondus haberent, beneficium adiecit. Luceoriam ac magnam Volyniz partem, de quibus tantâ hæcenus Polonos inter ac Lituanos contentione actum fuerat, suâ sponte Polonis restituit. Luceoriâ per Vincentium de Samotulij receptâ non segniter Senatus Polonus pro Boleslao apud Regem instabat. Rex ex Senatusconsulto amplissimam legationem ad Sigismundum decreuit. Principes legationis fuerunt Gnesnensis, & Cracouien-
sis Antistites, Calissiensis, & Sendomiriensis Palatini.
Egerunt

Egerunt illi prolixè Ladislai nomine. Eam, dicebant, A. 1432. decrepiti exulis fortunam iam esse, quæ hostes, nedum fratrem, ad commiserationem moueret. Non decere verò maiora odia fratris esse, quàm hostium. Non Principatum, non amplas Prouincias, sed angulum in patria, in quo Regum frater, ac patruus, ipsiusque Lituaniz Princeps natus, reliquum vitæ priuatus exigeret, postulare Boleslaum. Infractus ad ea Sigismundus, Superos, hominesque testari, intempestiuâ Regis clementiâ Rempublicam prodi: notum sibi esse Boleslai ingenium; cui nihil omnino de ferocia anni detraxissent: rebelles eius spiritus, etiamnum in misera fortuna, ac propediem morituro corpore, viuidos manere: satis ad periculum Lituaniz esse; quòd Boleslaus viueret: si ingredi eam permittatur; nihil certius esse, quàm fore, vt intestinis bellis pereat. Se quidem constantem esse in obsequio ac fide erga Regem: at si rem tanti discriminis pergeret pertinaciùs vrgere Rex, citiùs fœdera omnia rescissurum, quàm parricidam Patriæ, intra eius sinum, recepturum. Rogare itaque legatos, vt ea Regis nomine postularent, quæ aut saluâ Republicâ concedi possent, aut fœderibus intactis negari. Victi constantiâ Sigismundi legati, operam transtulerunt ad confirmandum Sigismundum, ne quid in veteri fœdere innouaret. Nouis itaque tabulis Sigismundus stabiliiuit, vt ex antiqui fœderis forma, se mortuo Principatus Lituaniz Regi cederet: quin & Palatino Vilnensi Dougirdo permisit, vt coram legatis fidem suam iuramento obstringeret,

A. 1437. geret, neminem à Sigismundi morte alium, quàm Regem eiusque hæredes, intra arces Vilnenses admissurum. De Luceoriâ ita constitutum est, ut interea Sigismundo restitueretur, eo vitâ functo, Regijs possessionibus cum vniuersa Volyniâ adiungeretur. Ita Bolelaus Suidrigelo, totâ patriâ, quam tot malis affligerat, eiectus, in Daciam exulatum abiit. Redditâ verò pace per Lituaniam publicâ, religio quoque re floruit. Isidorus Kiiouiensium Antistes hoc anno renunciatus, per vniuersam Russiam, obsequium erga D. Petri sedem, concordiamque cum Romanis Religionibus mirâ eruditione, ac virtutis opinione, vehementer promouit. Mors deinde Sigismundi Cæsaris, quæ exeunte hoc anno contigit, nouis in sequentem annum turbis occasionem dedit.

*Isidorus
Metropo-
litanus
Kiiouieſis
celebris.*

A. 1438. Bohemorum aliqui Albertum Austriacum, alij ac præsertim Taboritæ nuncupati, Casimirum Iagelonis iuniorem filium Regem Bohemiæ elegerunt. Casimiri partes tuendas Sigismundus Lituaniæ Princeps suscepit. Obstabant vehementer Poloni Ordines; ne Casimirus regnum admitteret: ex aduerso Sigismundus, quòd Iageloniam domum speciosis exterorum titulis à Lituaniæ successione auertere optaret, filioque suo eum Principatum firmare, persuasit Regi, ne, ut dicebat, fratri diadema Regni Bohemiæ inuideret. At cum res Casimiri tardiùs in Polonia expediuntur, Archidux Albertus Pragam ingressus, Rex Bohemiæ est inauguratus: ita vltiores pro Casimiro conatus ac spes, festina-

festinatione æmuli sunt præcisæ. Coacta deinde sunt Petricouiam comitia, in quibus, quia Ladillæo Regi quintum supra decem transgresso annum, amotis tutoribus, plena ac libera regni administratio permissa est, fœdera cum Lituanis instaurari de nouo necesse fuit. Sigismundus pace vndique stabilitâ, æmulo ex Lituaniâ exacto, præcipuis quorum opes ac potentiam formidare posset nuperâ victoriâ sublati, securitatem domnandi, in vitiorum materiam vertit. Auaritiâ simul ac crudelitate, vtraque labe Principibus periculosissimâ, apud suos intolerandus, apud externos infamis. Post ad dicta non pridem fisco, Moniuidi ac Rombow di ampla patrimonia, sensim ei prædæ insuescere: opulentissimi cuiusque fortunis inhiare: si cupiditati pudor aut metus aliquorum frenum iniectaret, in eorum vitam occultè grassari. Atque ut avaritiam, non diu morata est sua comes crudelitas: ita crudelitatem, citò subsecuta mater suspicionum metus: quibus ministris Principatus Sigismundi in Tyrannidem prolapsus est. Nemini fidere; apud quos aliquid potentia videret, eos ut suspectos cauere: quos ipse nullâ causâ suspectos sibi fecisset, ut hostes persequi. Georgium Linguenium Miscislaniensem Ducem patrimonio ac rebus omnibus exutum, carceribus Trocensibus addidit: Alexandrum Slucensem, Kopysi cum vniuersa familia captum, Kiernouiam relegat: coniugem eius cum filiis Simone ac Michaële Vciana priuatam vitam agere cogit. Plures falsis criminibus suo iussu accusatos, reos capitis perag-

*A. 1439.
Fœdus Li-
thuanie
cũ Polonia
instaura-
tur.*

*Sigismundus
diu in pa-
ce avaritiâ
& crudeli-
tate in-
famis.*

*Tyranni-
dem exer-
cet.*

A. 1439. git. Ipse omnibus execrandus, omnes [metuit, etiam infimos. Si quando de palatio prospectans in subiectam aream, aliquos amicè colloqui aduertit, de se agitari sermones suspicatus, nisi singuli seorsim interrogati concordī responso calumniam refutassent, ut rebellionis reos in propinquum lacum mergi iubet. Auro omni ac re familiari pretiosā damnatorum procerum in regiam sublatā, vacuas opibus possessiones, atque arces, inter agalones ac similes fortis homines, distribuit. Nullum tolerat, qui aliquid non eius arbitrio, sed aut Superiorum Principum beneficio, aut sanguinis iure possideret. Denique ad eam animi immanitatem devenit, ut conuocatis in vnum Ordinibus, quos vellet, ad cædem deligere destinaverit: atque eo consilio Trocos comitia indixerit.

*Principes
exscindere
decernit.*

A. 1440. Procere, qui non procul Trocis agebant, primi subolfecerunt, suā ac Reipublicæ fortunā, parricidalem Principis insaniam; atque eius ipsius cæde scenam ab eo paratam, terminare statuunt. Ante alios Ioannes Dux Czartorijisci, Lubarti Gediminiadæ filius, vir animo fortis, manuque promptus: quid furiarum Princeps animo versaret, Dougiordum Vilnensem, Lelussam Trocensem, Palatinos edocet. Collatis deinde in commune sententijs, Suidrigelonem à Daciā celerrimis nuncijs euocare, Sigismundum ferro tollere, Michaëlem eius filium Vilnā Trocisque excludere, decernunt. Non admodum factu ardua reliqua erant. Sigismundum ex concepti sceleris conscientia, ad omnia trepidantem

A. 1440. dantem cautumque, nancisci ad cædem; hic labor futurus erat. Non adscitis è curia coniurationis socijs, vix aliquid ad votum euentus, sperari poterat: adsciscere autem, ut fluxa est curialium fides, indicij intempestiui metus prohibebat. At quid vnquam audere possis, nisi multa contemnas? Ioannes ceterique coniurati, Skobiekonem Kiiouia oriundum Stabuli Magistrum, promissis adoriuntur. Ne horreret eius facinoris societatem, cuius, si cum scelere à Sigismundo destinato conferatur, non modò nulla foeditas esset, sed etiam plurima ad posteros ex ciuibus seruatis, vindicataque Patriā, gloria. Suā se sententiā Sigismundum ad mortem damnasse, qui viuere aliter nollet, quā Lituaniam excisā. Aut omnibus, aut illi moriendum esse. Ex insolentis vtriusque facinoris oblatā specie, subito horrore velut gelidā perfusus Skobieyko, ubi ei ex commiseratione ciuium, odium Principis pectus occupauit, secretum, operamque coniuratis addixit. Constitutus cædi dies, quem Christiani fasti *Palmarum* nuncupant. Pridie sexcenti armati trecentis curribus fœno onustis occultati, sub noctem arci inuehuntur: quos Skobieyko imminentes tenebras causatus, eo vespere exonerari prohibet. Coniurati, ne frequentia solito maior suspicioni ansam daret, cum exiguo comitatu ciuitatem varijs vijs intrant. Sequentē die, ingens erat solitudo circa Principem: cum quisque quantum à suspicionibus abesse vellet, tantum aulam vitaret. Michaël quoque filius sacrorum causā ad templum digressus cum aulico

*Dominicā
Palmarum
insidias
struunt.*

A. 1446. aulico comitatu, propè solum in palatio Parentem reliquerat. Ioannes, cum socijs aulicorum more manè admissus, liberè ante Principis palatium inambulans, in occasionem intendebat. Neque ea tam facilis, uti sperabat, fuit. Nam quòd suspecta omnia haberet tyrannus, occlusis ianuis, in interiore cubiculo, sacris operanti Sacerdoti aderat: verebantur autem coniurati, ne si vim ianuis inferre cœpissent, tumultu excitus Sigismundus in tutum se reciperet: nec leuior metus erat, ne mora spem perficiendæ rei eluderet. Cùm inter ancipites dubiaque curas nihil audent, casus fatum Tyranni maturavit. Cicutem ille vrsus, canis vice, ad custodiam sui alebat: qui è cubiculo Principis emissus, cùm rediret, portam vnguibus infestando, cubiculo præfectos commonebat, ut intromitteretur. Eum fortè conspicatus in area Ioannes, ad bestiae morem, vnguibus palatij ianuam radere cœpit. Custos ianuae, vrsus raptus ad Principem, ut solebat, reuerti, portam aperit: coniurati eo comprehenso palatium claudunt, armati è sceno coorti omnes arcis aditus occupant, Ioannes cum paucis in cubiculum Principis irruit, exprobratisque Procerum cædibus, atque eâ, quam comitorum prætextu instructurus erat tragœdiam, aliquid loqui conatum Sigismundum collo atrepto in terram prostermit, inermis enim venerat, ut suspicionem vitaret. Tum Skobieyko ferreum è propinquo loco tridentem, magno impetu capiti prostrati illidit, cæteri que varijs vulneribus conficiunt. Solus è cubicularijs Slauco, in

In Pala-
tium irru-
unt, ac
Principem
arcedunt.

semia-

A. 1440. semianimem Principem prostratus, suo corpore vulnera auertere conabatur: at is à Ioanne abstractus, atque de fenestrâ præcipitatus est: dignus nobiliore facto, ob relictum posteris fidei in herum, exemplum. Ad primum tumultus rumorem, oppidani ad arcem confluere cœperant: sed ab armatis exclusi sunt. Michaël trepido nuncio præmonitus, properè in minus castellum, aquis undique circumfusus, se recepit. Cælo Principe vexillum de turri prolatum est, in libertatis ac securitatis signum, ne quisquam sibi metueret à coniuratis. Inde consilijs ad excludendum Michaëlem collatis, Lelussa valido præsidio, Trocos occupat; Dougirdus Vilnam festinat. Conueniebant interea euocati ad comitia Proceres, quæ Princeps destinasset, quæue in eum acta essent, prorsus ignari. In viâ acceptus de patratâ cæde nuncius, dubium est, lætiorne an tristior fuerit? Nam ut sublato Sigismundo quisque securior, metus continui materiam subtractam lætabatur: ita omnes Boleslai Suidrigelonis fortunam, in nouas spes assurgentem oderant, ac execrabantur. Boleslaus verò, iam ante, coniuratorum nuncijs præmonitus, magno silentio ex Daciâ digressus, in Lituaniam properabat. Nunciabatur eum inopinatò Luceoriam odortum cepisse, donatisque libertate nobilibus, quos in vincula Sigismundus compegerat, non mediocriter vires auxisse, atque propediem affuturum. Vbi Trocos conuenerunt ordines, auctoribus Gastoldo, & Kieyzgailone, decreuerunt, ut apparatu, quo posset maximè splendido pa-

Ordines
ad comitia
euocati.

Occiso pa-
rentans
sumptuosè

Z

rentaretur

A. 1440. rentaretur Sigismundo. Indignum enim erat, aut coniuratorum odia morte non finiri, aut expertes coniurationis, criminis eiusdem societate pollui, si in exanimem iras exercerent. Vilnam itaque deductum corpus, ac magnificè ad funus elatum, frequens populus Senatufque, eodem cum Vitoldo fratre, tumulo, condidit. Non Principis modò cæde, sed priuatorum etiam clade funestus hic annus fuit. Post proximæ hyemis ingentia ac solito diuturniora frigora, lues primùm inter pecora vulgata, mox incredibilis inter mortales fames, extremè miseram plebem afflixit. Qui siccatis arborum folijs, ac contulis, panem sibi conficiebant, lautius vesci videbantur: cùm alij ne ab humanis cadaueribus sibi temperarent. Multi in profundis syluis ad ferarum lateras penetrabant, ut se suosque, à quibus præ fame vix ipsi abstinebant, bestiis lacerandos obijcerent. Subsecuta est deinde tanta in canibus feritas, per Albam Ruffiam, ut obuios quosque inuaderent, dilaniarentque.

*Fames
gravis per
Lituaniam.*

LIBER

A. 1440.

LIBER V.

DE REBUS LITVANORVM

Sub Principe Casimiro II. Iagelonide.



Æso Sigismundo, multa turbarum materies, domitorisque concreuit. Boleslaus Mazoniæ Dux Podlachiam aggressus, Mielnicum, Bielscum, Drogicinum, occupauit. Proceribus verò Lituanie, nulla interim tuendorum finium cura: quos, pro nouo Principe studia, in diuersas contentiones distraxerant. Clientes Sigismundi, quorum princeps Narbultus, cum Samogitis, Kieystutianæ domui semper addictis, pro Michaële agebant. Conscij coniurationis, tum spe præmiorum apud Sigismundi æmulum, tum ut quæstionum metu se absoluerent, pro Boleslao exule, connitebantur. Vtrique publicæ rei obliiti, præsentibus, priuatisque solùm agebantur commodis. Qui extra vtramque factionem erant, cogitationes in futurum extendere, atque ex præsentē rerum statu vltiores vicissitudines animo præcipere: pensare, quantum ab ipso Iagelonis in Poloniam abitu, Respublica detrimenti accepisset? Interiores Prouincias imperium ambientium potentiâ in dies foediùs affligi, finitimas foederum prætextu magnâ contentione repeti: ab Rege verò quod & absens esset, & Polonis ex beneficio

*Dux Mazonia
Podlachiam
occupat.*

*Primorū
Lituanie
circa nouū
Principem
studia.*

Z 2

4.1440. ne fisco accepto obnoxius, nihil posse prouideri, quod ad remedium tot malorum, satis esset. Iam non alium retinendæ Reipublicæ modum superesse, quàm qui eius augendæ fuisset: electo nimirum eiusmodi Principe, qui liber alijs curis, solutusque alieno imperio, solius Magni Ducatus integritati præsens prospiceret. Hæc sermonibus, atque literis inter Magnates & nobilitatem vulgata, non paucos aut in Alexandrum Slucensem Ducem, aut in alterutrum eius filium inclinauerant. Præualuerunt tamen eorum consilia, quibus Iagelonij sanguinis, Polonorumque fœderum, maior æstimatio erat. Ac Moniuidus quidem, cum Gastoldo, & Ostico impensè agebant, ut ex sacrâ fœderis Polonici formâ, Rex ipse Ladislaus, Princeps renunciaretur. At, qui metuebant, ne Regis imperium plus obesset, quòd Hungariæ Regno nuper suscepto, à Lituaniâ tanto intervallo auulsus, neque de periculis in tempore doceri, neque consilia expedire posset, vehementer obstiterunt, ne Regis ratio haberetur. Post multam concertationem, tandem auctore Holsano Duce, Georgio Algimundo in Casimirum Ladislai Regis fratrem plerique consensere. Reliquos in eorum sententiam facile permouit metus, ne procrastinando, Rempublicam Michaëli proderent. Indicta igitur quàm primùm Brestiam comitia: quòd is locus, & Casimiro propior esset, & à reliquarum factionum capitibus remotior. Missi quoque primariæ nobilitatis ac dignitatis fratres, Michaël & Ioannes Kieyzgailo, qui Casimirum ad occupan-

*Casimirus
Iagelonius
Mag-
nus Dux
Lituanie
eligitur.*

dum maturè Principatum Brestiam inuitarent: vrgerentque præsentis, ne quid iuuenis, è Polonorum consilio, morarum neceret. Ea enim quæ inter festinandum præteriri viderentur, posse deinceps apud fratrem excusatione reparari: at momenta, quæ inter procrastinandum elaberentur, nequaquam reuocari posse. Aberrat enim tunc Rex Ladislaus Hungarico contra Turcas bello intentus. Casimirus verò cum designatis Polonorum primoribus Sendomiriæ agebat. Auidâ satis aure, appetens eius fastigij iuuenis, legationem accepit: ne tamen pro iuuenili ardore præcipitaret responsum, præsentium moderatorum auctoritas obstiterit. Recens enim nimis erat memoria, fœderum nuper cum Ladislao instauratorum: quibus decedenti Sigismundo, Rex Ladislaus successor designabatur. Quare inuitis Polonis, Casimirum Sendomiriâ Brestiam clàm abiuisse apud Lituanarum rerum scriptores reperio. In Polonâ verò Historiâ proditur, ita Polonos cum legatis transegisse, ut Casimirus in Lituaniâ iret, eamque Fratris nomine administraret, non usurpatis Magni Ducis titulis. Vtrouis modo res euenerit, id omni dubio procul est: nisi Casimirus properasset, plus damni, & Regem, & fœdera fuisse passura; si alterius factionis Princeps, imperium armis inuasisset. Expectabant Brestia Casimirum frequentissimi primores, ac præsertim qui à Magnis Lituaniæ Ducibus genus suum ducebant, Algimundi, Dowmandi, Moniuidi, Sanguszkonis, Corybuti, Coryati, cæteri que viri Principes. Ab ijs, insolitis læ-

A. 1440.

*Brestiam
per legatos
inuitatur.*

*Brestia
recepto or-
dinum iu-
ramento
Vilnâ de-
ducitur.*

A. 1440. titiæ, honoris, concordiaque argumentis acceptus Casimirus : recepto ab Ordinibus constantis erga se fidei ac obsequij, iuramento, ipsâ rei tam properè ac feliciter confectâ famâ, æmulos à susceptis conatibus deiecit. Boleslaus enim, veritus ne aliquid grauius in caput suum decerneretur, rursus Luceoriâ in Daciam abiit. Michael autem accepto nuncio, Casimirum cum flore Senatûs ac Equestris Ordinis, Vilnam Brestiâ tendere, desertâ Trocensi arce, Mazouiam versûs cum quingentis equitibus se contulit. Verûm fortuitò planè accidit, ut in viâ haud procul oppido Rudniki, inter sylvas, in Casimirum euntem incideret. Ancipiti percussus euentu, ne tentatâ fugâ deteriores suam causam redderet, e quo desilit, atque Casimiri pedibus aduolutus, eum Lituaniæ Magnum Ducem salutat, neue aut parentis cæsi manes inultos sineret, aut se qui totus in eius potestate esset, parricidis proderet, supplex postulat. Acceptum auditumque eum perquam benignè Casimirus, optimâ spe plenum, liberum abire permisit : ipse Vilnam contendit, urbemque, ex surgente publicæ salutis spe, & eius conspectum auidius concurrente, magnâ frequentiâ est inuectus.

Hic rursus Polonis Lituaniisque concertandum fuit : negantibus constanter illis, posse Casimirum Magnum Lituaniæ Ducem, saluis foederum religionibus, inaugurari, quem Ladislaus Rex, solo Gubernatoris titulo, sui loco, Lituaniæ præfici permisisset. Desperato Polonorum consensu, dissimulant negotium Lituani, atque consultò

In viâ
Michaeli
casu oc-
currenti
ignoscit.

Polonis
inuitis
Magno
Duce Li-
tuaniæ
Vilna in-
augura-
tur.

consultò remissâ omni contentione speciem mutatâ A. 1440. sententiæ faciunt. Cessantibus æmulis, suâ sponte ardor Polonorum deferbuit, ut inde negligentius longè, in Senatûs Lituani, ac Principis actiones, intendere cœperint. Nolebant Lituani contradicentibus publicè Polonis sua agere, veriti ne quid contra Principis ac Reipublicæ dignitatem contingeret : quare negligentia potius eorum in rem suam vtuntur, atque Polonis omnia alia sperantibus Casimirum ab Ordinibus ad templum D. Stanislai deductum, à Marechalco Magnum Lituaniæ Ducem renunciari, ab Antistite Vilnensi, solitis ritibus inaugurari curauerunt. Tum primùm negotium iam peractum esse, Poloni rescuerunt, cum in publicum festiuitatis argumenta dari, audiuerunt. Circumuentos se itaque queri : fœdera, iurisiurandi religiones, Regis Ladislai Maiestatem, omniaque sacra, violata esse, protestari. Lituani ab aduerso, omnia fida, secura, salua, integra promittunt. Intelligerent porrò Poloni quid virium necessitari in leges ac fœdera humana esset. Samogitiâmnè, pro Michaële armatam, gubernatori Lituaniæ obsequentem futuram fuisse crederent, quæ etiam inaugurato Principi, obsequium denegaret? An ab Albâ Russia fidem expectarent, quæ hactenus viribus suis, semper rebellium machinationes, contra legitimos Principes fouisset? Nassutamne Georgium, qui occupatâ Podlachiâ, pertractisque in Michaelis nomen equitum procerumque plurimis, propediem victricia arma Lituaniæ illaturus esset, contemnerent? Quid

Polonis
querenti-
bus satis-
fit.

A. 1440. Quid, si ipse Michaël circumspēctis, quæ superessent, quasve speraret, viribus, animos ac arma rursus sumat? putarentne, eos ipsos qui nunc latus Casimiri inaugurati Ducis frequentes stiparent, vitæ ac fortunarum dispendia, pro Gubernatore subituros? Eo omnino statu Lituaniam deprehensam fuisse, in quo non Gubernatore, Vicariaque Regi potestate, sed proprii Principis præsentia indigebat. Non mirarentur, Lituanis, quos è propinquo pericula urgebant, diuersam fuisse sententiam, ab eâ, quæ Polonis ex securo, consilia promentibus, probabatur. Sed neque Iagelonis memoriam, tam citò obliterari debere, ut filio eius, precarium ac nonnisi vicario iure imperium, in Lituaniam demandaretur. Si fortè aliquantùm necessitate ipsâ extra orbitam deuiatum sit, facilè Casimirum Ladislao fratri satisfacturum, neque permissurum, ut moderna acta, antiquis fœderibus fraudi sint. Poloni tamen constanter in sententiâ perstabant, omniq̃ue studio prohibebant; quidquid à Casimiro fieri posset, ad firmandum eius Principatum: ne id quidem passi, ut Lituano idiomati, ad popularium animos deuinciendos pernecessario, insuaseret. Verendum proinde erat, ne cum tempore crescens contentio detrimenti aliquid adferret. Quare communicatis cum Senatu Lituanie consilijs, Casimirus Polonos procures amplissimis donis ac promissis honoratos, in Poloniam relegauit.

*Polonos
procures à
se relegat.*

*Comitia
indicit.*

Ad componendum deinde Reipublicæ statum conuerso studio, comitia Vilnam maiore frequentia peragenda

genda indixit. Interea aulae suæ Magistro, Ioanni Gastoldo negotium commisit, ut Podlachiam ab hoste purget. Gastoldus Rempublicam egregiè gessit: non solum Nassutam, nullibi opponere armatos audentem, eiusque præsidia, sed etiam Duces Mazouiae exegit. Pacatâ eâ orâ, plus quietis fuit ad comitia peragenda: multos tamen sollicitos habebat, ne quaestione in Sigismundi occisores institutâ, turbis daretur occasio. Præsentes Senatui, Dougerdum & Lelussam, odium facti maxime premebat. Dougerdus quidem opibus atque clientelis præpotens, postquam solâ negatione innocentiam Ordinibus probasset, nemine amplius, crimen obiectum probare audente, ut ab eo alieniorem se ostenderet Lelussam acriter insectatus est, quod in arce sui Magistratus, Principem trucidari permisisset. Nihil tamen grauius in Lelussam decretum, præterquam quod Senatu sit motus, Trocensi Palatinatu in Gastoldum translato. Ioannes Dux Cartoriysci absens damnatus, possessionibus exuitur: verum in eum non tam vindicandi Sigismundi studium Senatum ac Principem accenderat; quàm ira, quod gazam eius direptam, fisco inferre contumaciùs recusaret. Tanta moderatio sententiæ, multum nouo Principi fauoris apud vniuersos collegit: cum summi æquè ac infimi, timere tantum Principem hactenus assueti, Casimirum mirari, amareque virtutis eius æstimatione cogerentur. Absolutis comitijs pacandæ Russiæ Gastoldum præfecit. Abiturus nuper Gastoldus in Lituaniam, Andream Sakowicz

*A. 1440.
Podlachia
recuperat.*

*Quaestione
in parricidas
instituit.*

*Gastoldum
ad domandam
Smolensciam
misit.*

A a

cum